

## Siunnersuummut oqaaseqaatit

### Oqaaseqaatit nalinginnaasut

#### 1. Aallaqqaasiut

*Soraarnerussutisiaqarnissamut aaqqissuussinernut nunani allaniittunut akiliutit akileraaruserneqartarnerat*

Soraarnerussutisiaqarnissamut aaqqissuussinernut nunani allaniittunut, matumani aamma Danmarkimiittunut Savalimmiuniittunullu akiliutit akileraaruserneqarnissaannik siuartitsinisaq Naalakkersuisut siunnersuutiginiarlugu aalajangerput, taamaalillutik soraarnerussutisiasat Kalaallit Nunaanni pisassarineqalersut nunami maani akileraaruserneqartussanngorlugit.

Siunnersuut ukiumut 35 mio. kr.-it missaannik amerlassuseqartunik ataavartunik isertitsissutaanerussutissat naatsorsuutigineqartoq pisortat aningaasaqarniarnerannik piffissami qaninnermi ungasinnerusumilu pitsanngorsaaqataassaaq.

Sulisut maanga maanngaanniillu nuuttartut amerlanerujussuat akileraartarnermi maleruagasanut atuuttunut unammillernartuuvoq. Soraarnerussutisiaqarnissamut aaqqissuussinernut nunani allaniittunut akiliutit akileraarutitigut ilanngaatigineqartarput imaluunniit sulisitsisut akileeqataassutaat akileraaruserneqarneq ajorlutik, taakkunangaanniillu tunniunneqartut aatsaat Kalaallit Nunaanni akileraaruserneqarsinnaapput pissarsisoq piffissami aningaasat tunniunneqarfianni nunami maani najugaqarpat. Soraarnerussutisiaqarnissamut akiliutaasartut tarmarmiusut 30 procentiisa soraarnerussutisiaqarnissamut aaqqissuussinernut nunani allaniittunut maannakkorpiaq akiliutaasarnissaat eqqoriarneqarpoq. Soraarnerussutisiaqarnissamut aaqqissuussinernut nunani allaniittunut akiliutigineqartartut ilaasa qanoq amerlatigisut Kalaallit Nunaanni akileraaruserneqartussanngornissaat naatsorsorneqarsinnaanngilaq, oqaatigineqareersutuuummi akileraarusiisoqalerpat apeqqutaassammat akileraartartut piffissami tunniunneqarfianni maani najugaqassanersut. Eqqoriarneqarporli aaqqissuussineq maanna atuuttoq ukiumut 30-35 mio. kr.-it missaannik akileraarutitigut isertitassaraluanik annaasaqaataasartuq. Aatsitassarsiornerup suliniutilluunniit angisuut allat iluanni ingerlatat amerliartornerisa isertitassatigut annaasanik amerlisitsinissaat naatsorsuutigineqarsinnaavoq.

Soraarnerussutisiaqarnissamut aaqqissuussinerit ilanngaatigineqarsinnaanerannik iluanaarniuteqartoqarnissaa pinngitsoorniarlugu, ukiumi akissarsiatigut isertitat ilaasa aningaasarsiat akileraaruteqaataasussat naatsorsorneranni ilanngaatigineqarsinnaasut annerpaaffigisinnaasanik inatsimmi maanna killiliussaqqarpoq. Maanna killiliussaasup 15 procentiusup qaffanneqarnissaa soraarnerussutisiaqarnissamut aaqqissuussinernik suliaqartut kissaatigaat, killiliussarmi ileqqaartut akissarsiaqqortuut soraarninngorunik aningaasarsiatigut appariaateqarujussuannginnissartik qulakkeerniassappassuk appasippallaarpoq.

Soraarnerussutisiaqarnissamut aqqissuussinerit piffissaq suli nallinngitsoq atorunnaarsinneqaraangata akitsuummik akiliisoqartarpoq. Akitsuuteqartitsineq soraarnerussutisiaqarnissamut aqqissuussinerit soraarninngornissap tungaanut uninngatiinnarneqarnissaannik ilaatigut kajumissaataavoq. Soraarnerussutisiaqarnissamut aqqissuussinerup piffissami soraarninngorfimmi naammaginartumik angissuseqarnissaa inunntut ataasiakkaanut inuiaqatigiinnullu pitsaaquterpassuaqarpoq. Innuttaasup soraarnerussutisiaqarnissamut aqqissuussineq piffissaq suli nallinngitsoq atorunnaarsippagu aningaasat soraarninngorfimmi pigineqarunnaarsimanissaat ilimagineqarsinnaavoq. Akitsuut maanna 45 procentiuvoq. Kommunitum, nunamut tamarmut il.il. akileraarutit taassuma qaffaseqatingajaanik qaffasissuseqaleriartortillugit soraarnerussutisiaqarnissamut ileqqaakkat soraarninngornissamut utaqqissunnissaat aningaasatigut soqutiginaatikilluartussaaq. Taamaammatt soqutiginninnerulersitsiniarluni akitsuummik qaffaanissaq pisariaqarpoq.

## **2. Inatsisissatut siunnersuutip pingaarnersai**

Soraarnerussutisiaqarnissamut inuunermullu sillimmasiinemik aqqissuussinernut, soraarnerussutisiaqarnissamut aningaasaateqarfinni imaluunniit inuunermut soraarnerussutisiaqarnissamullu sillimmasiisarfinni Kalaallit Nunaanni angerlarsimaffeqartuni pilersinneqarsimasunut akiliutit ilanngaatineqarsinnaanerisa imaluunniit sulisitsisut akileeqataassutaasa ilanngunneqartussaannginnerisa allannguuteqaratik atuutiinnarnissaat siunnersuutaavoq.

Akerlianik siunnersuutaavoq soraarnerussutisiaqarnissamut aqqissuussinernut, soraarnerussutisiaqarnissamut aningaasaateqarfinni imaluunniit inuunermut soraarnerussutisiaqarnissamullu sillimmasiisarfinni Kalaallit Nunaanni angerlarsimaffeqanngitsuni pilersinneqarsimasunut akiliutit ilanngaatineqarsinnaanerit imaluunniit sulisitsisut akileeqataassutaasa ilanngunneqartussaannginnerat atorunnaarsinneqassasut. Tassa imaappoq soraarnerussutisiaqarnissamut aqqissuussinernut nunani allaniittunut, matumani aamma Danmarkimiittunut Savalimmiuniittunullu akiliuteqartarneq aningaasat akileraaruserneqarsimasut atorlugit pisussanngussaaq.

Taarsiullugu akileraaruserneqartussaajunnaassapput soraarnerussutisiaqarnissamut aqqissuussinernit il.il. tunniunneqartut, aqqissuussinermut akiliutit ilanngaatineqarsinnaanerit imaluunniit sulisitsisup akileeqataassutaasa ilanngunneqartussaannginnerat Danmarkimi, Savalimmiuni Kalaallilluunniit <nunaanni aningaasarsiat akileraaruteqaataasussat naatsorsorneranni atuutsinneqarsimangitsoq tunineqarsinnaatitaasup uppernarsarsinnaappagu.

Akileraarutinittaaq akiliisussaannginnissami piumasaqaataavoq soraarnerussutisiaqarnissamut inuunermulluunniit sillimmasiinemik aqqissuussineq tassaassasoq ingerlaavartumik, toqunnikkut unitussamik tunniussaqaarfiusartussaq. Tunniunneqartartussat ilaat toqussaq tikillugu

tunniunneqartartussaappata ilassutitullu ilaat toqussaq tikillugu tunniunneqartartussanngippata, taava ilassutitut ilaannit tunniunneqartartussat, toqussaq tikillugu tunniunneqartartussat 50 procentiinut amerlanerussanngillat. Akileraarutinik akiliisussaanninnissami aammattaaq piumasagaataavoq aaqqissuussineq soraarnerussutisiaqarnissamut aningaasaateqarfimmi, sillimmasiisarnermik ingerlatsineq pillugu inatsimmi pineqartumi imaluunniit inuunermut soraarnerussutisiaqarnissamullu sillimmasiisarfimmi Finanstilsynimit akuersissummik peqarluni sillimmasiisarnermik ingerlatsisumi pilersinneqarsimassasoq, aammalu tunniunneqartussat piginnittumut namminermt, taassuma aappaanut, inooqatigisaanut, aappaanut avissimasaanut taassumaluunniit kingornussisussaanut 24-nik ukioqalersimanngitsunut imaluunniit piginnittup kingornussisussaanut, qitornassaanut qitornassaasaluunniit kingornussisussaannut 24-nik ukioqalersimanngitsunut tunniunneqartussaannissaat. Soraarnerussutisiassattaaq piginnittup siusinnerpaamik 60-inik ukioqalernerani tunniunneqartalissapput, ukiukinnerunissaq akileraaruseriffimmit akuersissutigineqarsimanngippat imaluunniit tunniunneqarnerat piginnittup toquneranik pissuteqarpat. Piumasagaatit tamarmik eqquutsinneqarpata tunniussineq akileraaruteqaataannngitsumik pisinnaavoq. Piumasagaatilli ilaat ataaseq arlaqartulluunniit eqquutsinneqanngippata tunniussineq akileraaruteqaataassaaq.

Maanna akileraartartuusut amerlasuut soraarnerussutisiaqarnissamut aaqqissuussinernut nunani allaniittunut, akiliutiminnik ilanngaateqarsinnaallutik imaluunniit sulisitsup akileeqataassutaanik ilanngussisussaanaatik akiliuteqartarput. Siunnersuutip kingunerissavaa akiliutinit taak-kunannga tunniunneqartussat akileraarusigassaanerat atuutiinnassasoq.

Taamaattumik akileraartartut amerlasuut soraarnerussutisiamik ilaannit, ilanngaateqarsinnaal-luni akiliuteqarfiusimasunit sulisitsisulluunniit akileeqataassutaanik ilanngussisussaaffiusi-manngitsunit tunniunneqartunit akileraarutinut akiliisartussaajumaarput, soraarnerussutisia-millu ilaannit, ilanngaateqarsinnaanani akiliuteqarfiusimasunit silisitsisulluunniit akileeqa-taassutaanik ilanngussisussaaffiusimasunit tunniunneqartunit akileraartussaassanaatik.

Taamaattoqartussaana nakkutigisinnaajumallugu siunnersuutikkut anguniarneqartoq tassaa-voq, soraarnerussutisiaqarnissamut ileqqaakkat ilaat qanoq amerlatigisut ilanngaateqarsinnaa-nani akiliuteqarfiusimanerannik sulisitsisulluunniit akileeqataassutaanik ilanngussiffiusimane-rannik uppersaatissaqarnissaq akileraartartut ataasiakkaat pisussaaffigissagaat. Akileraar-tartut kikkut soraarnerussutisiaqarnissamut aaqqissuussinernik akileraarusiiffigineqannginnis-samut piumasagaatinik naammassinniffiusunik ullumikkut peqarnerisut akileraaruseriffiup ili-simannila.

Akileraartartut uppersaatissaqarnissamik piumasagaammik tamatuminnga ikiorumallugit akileraaruseriffik aaqqissuussinermik atuutilersitsiniarpoq, sulisitsisut sulisuminnut tunngatil-lugu soraarnerussutisiaqarnissamut akiliutit akileraarusigaasut pillugit akileraaruseriffimmut

nalunaaruteqartussaanerannik imaqartumik. Nalunaarutit akileraaruseriffiup nalunaarsussavai, ilaatigullu atorsinnaallugit akiliutit taakku pillugit pappialangorlugit akileraartartunut nassiuussuinissamut. Soraarnerussutisiaqarnissamut aaqqissuussinernut akiliuteqartarnissaq pillugu nammineerluni isumaqatigiissusiornerit nalunaarsorneqartussanut aallaqqaammut ilaassanngillat, taamaammat akileraartartut taamaattunut tunngatillugu uppernarsaatissat pisariallit taamaasa toqqortarisussaassavaat. Kisianni soraarnerussutisiaqarnissamut aaqqissuussinernut, nammineerluni isumaqatigiissusiornerit tunngavigalugit pilersinneqarsimasunut akiliutinik ingerlaavartumik akuerinnittarnissaq nalunaarsuisarnissarlu akileraaruseriffiup sullississutimi ilaatut piffissap ingerlanerani neqeroorutigisalissagaa naatsorsuutigineqarpoq.

Soraarnerussutisiaqarsinnaatitaasoq soraarnerussutisiaqarnissamut aaqqissuussinermik, aningaasat akileraarusigaanngitsut atorlugit akiliuteqarfiusarsimasumik, aamma soraarnerussutisiaqarnissamut aaqqissuussinermik allamik, aningaasat akileraarusikkat atorlugit akiliuteqarfiusarsimasumik peqarpat, taava uppernarsaatissanik pisariaqartunik pissarsinissaq ajornartorsiutaasussaassanngilaq.

Kingusinnerusukkut imaalersinnaavoq akileraartartup aningaasarsiaasa amerlanersaat tassaat soraarnerussutisiaqarnissamut aaqqissuussinermut nunami allamiittumit soraarnerussutisiat akileraaruteqaataasussaannngitsut. Akileraartartup taamaalilluni inummut ilanngaas il.il. atungitsoortussanngussavai. Soraarnerussutisiaqarnissamut aaqqissuussinernut tunngasut akileraarusersorneqarnerannik allannguinerit inummut ilanngaas il.il. akileraarutitigut nalingannik mangiaanissaat pinngitsoortinniarlugu siunnersuutigineqarpoq, inummut ilanngatit tamakku akileraarutitigut nalingi atorneqanngitsoortut akileraartartunut tunniunneqartarnissaat.

Aningaasarsiat akileraaruteqaataasussat inatsisini allani innersuussutigineqartarput. Tamanna ilaatigut pisarpoq isumaginninnikkut tunniunneqartartut assigiinnngitsut, matumani aamma ineqarnermut tapiissutit tunniunneqarnissaannut atatillugu. Aningaasarsiat akileraarusigasaaanngitsut aningaasarsianut akileraaruteqaataasussanut ilanngunneqartussaannngimmata inatsisit tamakku naleqqussartariaqalersinnaapput, taamaalillutik soraarnerussutisiat akileraarusigassaaanngitsut naatsorsoqgeriarlugit aningaasarsianut akileraaruteqaataasussanut ilanngunneqartussanngorlugit. Taamaaliornikkut innuttaasut marluk aningaasarsiamikkut assigiimmik inissisimagaluartut inatsisini pineqartuni nalogiimmik pineqarsinnaapput, naak aappaa taamaallaat soraarnerussutisianik akileraaruteqaataasussanik pisaraluartoq aappaalu taamaallaat soraarnerussutisianik akileraaruteqaataasussaannngitsunik pisaraluartoq.

Soraarnerussutisiaqarnissamut aaqqissuussinerit ”nunatsinneersut” amerlanerpaartaat maanna Danmarkimi danskit soraarnerussutisianit iluanaarutininik akileraarusiisarneq pillugu inatsisaanni (PAL-skat) pineqartunut ilaapput. Kalaallit Nunaata PAL-skat-ip taassuma ilaanit pissasai Danmarkip Kalaallit Nunaannut ukiumoortumik nuuttarpari. Soraarnerussutisiaqarnissa-

mut aaqqissuussinernut, ilaatigut soraarnerussutisiat akileraaruserneqartarnerannik inatsimmi § 53 A-mi pineqartunut akiliuteqartarnissaq siunissami periarfissaalissaq. Aaqqissuussinerit taakku iluanaarutitaat danskit PAL skat-ianni pineqartunut ilaangillat. PAL skat-p aningaasaatinit iluanaarutit Danmarkimi akileraarutaannit allaassutaa tassaavoq, akileraartartut ataasiakkaat aningaasaatit iluanaarutitaannit akileraarut danskit akileraartarnermut oqartussaasuinut akilertussaammassuk. Aaqqissuussineq taamaattoq Kalaallit Nunaanni aningaasatigut sulisutigullu annertooujussuarmik atuiffiusussaassaaq. Aamma aningaasaatit iluanaarutitaannit akileraarutissat akilerneqanngitsoortut pillugit suliassat amerlasoorujussooratarsinnaapput. Taamaattumik aaqqissuussinerit § 39 a-mi nutaami aamma § 39 a-p atuuttuuffissaani qallunaat pensionsbeskatningslovianni § 53 A, aaqqiissutillu allat § 53 A-mut ilaasut assiginnigippagit, pineqartussat iluanaarutitaasa akileraarutaannik atuutilersitsinissaq siunniunneqanngikkallarpoq. Aaqqissuussinerit taakku taamaalillutik aaqqissuussinernit § 39-mi pineqartunit iluanaarnerupput. Aaqqissuussinerit § 39 a-mi pineqartut aningaasaatit iluanaarutitaannit akileraarusersunninnerisigut isertitassatigut sunniutaasussat piffissap ingerlanerani angisoorujussuanngussapput. Taamaattumik siunniunneqarpoq soraarnerussutisianut aaqqissuussinerit iluanaarutitaasa akileraaruserneqartalernissaat pillugu siunnersuummik, immaqalu pisortat automatiskiusumik akiliisiteriaatsimik pilersitsinissaannut atasumik ukiut tulliuttut marluk ingerlaneranni saqqummiussinissaq.

Akissarsiatigut isertitat tamarmiusut ilaasa soraarnerussutisiaqarnissamut ileqqaakkanut, akiliutinik ilanngaateqarfiusinnaasunut imaluunniit sulisitsisup akileeqaataassutaanik ilanngussisussaaffiunngitsunut ileqqaarneqarsinnaaneranut killiliussap 15 procentiniit 20 procentinut qaffanneqarnissaa siunnersuutaavoq.

Soraarnerussutisiaqarnissamut aaqqissuussinernik atorunnaarsitsinermi akitsuutip 45 procentiniit 55 procentinut qaffanneqarnissaa siunnersuutaavoq. Soraarnerussutisiaqarnissamut aaqqissuussinernut aningaasat akileraarusikkat atorlugit akiliiffigineqartartunut tunngatillugu akitsuutip 10 procentiunissaa siunnersuutaavoq.

Taakku saniatigut allannguutit, soraarnerussutisianik akileraarusiisarnermut tunngasut inatsimmi allassimanerannut tunnganerusat siunnersuutigineqarput.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertai atuuttut</i>	<i>Inatsisissatut siunnersuut</i>
	Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, Inatsisartut inatsisaatigut nr. 37, 9. december 2015-imeersukkut kingullermik allanngortinneqartumi makku allannguutigineqarput.

	tinneqarput:
	<p><b>1. § 34-mi ilanngunneqarpoq:</b>  ”17) aningaasat sillimmasiisup toqoreerneratigut pisartagaqartitsiniarluni sillimmasiissutinit, matumani ilaallutik timikkut innarluuteqalernermit taartisiat ataatsikkoortumik inuunermut sillimmasiissutinit aamma aju-naarnissamut sillimmasiissutinit tunniunneqartut, tunniunneqarnerat sillimmasersimane-rup naaffissaatut isumaqatigiissutigineqarsimasoq nallertinnagu pippat, atorunnaarfissaatut isumaqatigiissutigineqartoq sillimmasersimasup 80-inik ukioqalernerata kingorna ullormit policep atuuffianit siullermit kingusinerunngippat.  18) innarluuteqalernermit taarsiissutit ingerlaavartumik tunniunneqartartut, sillimmasi-nermut akiliutit ilanngaatigineqarsinnaaner- at imaluunniit sulisitsisup akileeqataassutaasa ilanngunneqartussaanninnerat Danmarkimi, Savalimmiuni imaluunniit Kalaallit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuusumilluunniit atuutsinneqarsimangitsoq sillimmasiisup uppersarsinnaappagu.  19) aningaasat navianartumik nappaateqalernissamut sillimmasiinermit ataatsikkut tunniunneqartut, sillimmasiinermit akiliutit ilanngaatigineqarsinnaaner at imaluunniit sulisitsisup akileeqataassutaasa ilanngunneqartussaanninnerat Danmarkimi, Savalimmiuni imaluunniit Kalaallit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuusumilluunniit atuutsinneqarsimangitsoq sillimmasiisup uppersarsinnaappagu.”</p>
<p><b>§ 39.</b> Soraarnerussutisiatigut inuunermullu sillimmasiissutitigut aqqissuussinernut ingerlaavartumik inuuneq tamaat, toqunikkut</p>	<p><b>2. § 39, imm. 1, nr. 1, ima oqaasertaqarpoq:</b>  ”1) Aqqissuussinernit soraarnerussutisiaqar-nissamut aningaasaateqarfimmi Kalaallit Nu-</p>

<p>unittussanik, pisartagaqarfigineqartartussanut akilersuutit, tamakkununga ilanngullugit aapparisaq imaluunniit inooqatigisap qitor-nallu soraarnerussutisiassanit pisartagaqartin-nissaannut kiisalu innarluutilittut ingerlaavar-tumik soraarnerussutisiassanut akilersuutit aningaasarsiat akileraaruteqaataasussat na-atsorsorneranni ilanngaatigineqarsinnaapput. Taamaattorli piumasarisat makku naammas-sineqarsimassapput:</p> <p>1) Aaqqissuussinerit pilersinneqarsimassap-put soraarnerussutisiaqalernissamut aningaa-saate-qarfimmi sillimmasiisarneq pillugu inatsimmi ilaatinneqartumi. Aamma aaqqis-suussinerit pilersinneqarsinnaapput selskabi-mi inuunermut soraarnerussutisiaqalernissa-mullu sillimmasii-sarfimmi ingerlatsinissa-mut Finanstilsynimit akuerisaasumi.</p>	<p>naanni angerlarsimaffeqartumi, sillimmasii-sarnerlu pillugu inatsimmi pineqartunut ilaa-sumi pilersinneqarsimassapput. Aaqqissuus-sinerittaaq inuunermut soraarnerussutisiaqar-nissamullu sillimmasiisarfimmi Kalaallit Nu-naanni angerlarsimaffeqartumi, Finanstilsyn-imit akuersissummik peqarluni sillimmasii-sarnermik ingerlatsisumi pilersinneqarsin-naapput.”</p>
	<p><b>3. § 39, imm. 1-imi nr. 7</b> atorunnaarsinneqar-poq.</p> <p><b>4. § 39, imm. 1, nr. 4,</b> ima oqaasertaqarpoq:  ”4) Aappaasumut inooqatigisamulluunniit pi-sartagaritinneqartartut aappaasumut toqkkut qimagaasumut, aappaasumut avissimasamut inooqatigisamulluunniit pisassanngortinne-qarsinnaapput. Inooqatigisaq tassaavoq:  a) Inuk aqqatigut taasaq, toqusup pisassan-ngortitsinerup nalaani najugaqatigisimasaa, imaluunniit  b) Inuk toqusup:  1. katissimasinnaasaralua imaluunniit nalu-naarsugaasumik inooqatigisimasinnaasaralua aamma  2. testamentiliornermigut, aappaasup pinngit-soorani kingornussassaasa minnerpaamik angeqqataannik kingornussisussanngortissi-masaa. Testamenti toqussaq qaammatinik pi-ngasunik sioqqullugu pilersinneqarsimas-</p>

<p><b>§ 39</b>  <i>Imm. 2.</i> Inuunermut sillimmasiisoqarpat sillimmasiisoq sillimmasersimassaaq sillimmasiu-tinullu piginnittuussalluni.</p>	<p>saaq, aamma  3. toqussaq sioqqullugu ukiuni kingullerni marlunni najugaqatigisimasaa. Imaluunniit siusinnerusukkut piffissami atasuinnarmi si-vikinnerpaamik ukiuni marlunni najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, imaluunniit  c) Inuk toqusup piffissami toqquimmini najugaqatigisimasaa toqusulluunniit siusinnerusukkut najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, aamma toqusumit naartusoq, qitornaqartoq qitornaqarsimasorluunniit.”</p> <p><b>5.</b> § 39, <i>imm. 2,</i> ima oqaasertaqarpoq:  ” <i>Imm. 2.</i> Inuunermut sillimmasiineq pineqarpat sillimmasiisoq sillimmasigaassaaq sillimmasiissumillu piginnittuussalluni. Sillimmasiineq sulisuusup taassumalu sulisitsisuata isumaqatigiissuteqarnerat tunngavigalugu pilersinneqarsimappat, aammalu akiliutit akileqataassutillu sulisitsisumit akilerneqartarpata, taava sulisuusq sillimmasigaassaaq sillimmasiissumillu piginnittuussalluni.”</p>
	<p><b>6.</b> § 39, <i>imm. 3-mi allassimasoq</i> ”6.000 kr.-it” allanngortinneqarpoq ima: ”8.000 kr.-it”</p> <p><b>7.</b> § 39-p kingornagut ilanngunneqarpoq:  ”§ <b>39 a.</b> Aningaasarsiat akileraaruteqaataassat naatsorsorneranni ilanngunneqassanngillat soraarnerussutisiaqarnissamut imaluunniit inuunermut sillimmasiinermit aaq-qissuussinermit ingerlaavartumik, toqunikkut</p>



	<p>unittussamik tunniussiviusartumit tunniunneqartut, aaqqissuussinermut akiliutit ilanngaa-tigineqarsinnaanerat imaluunniit sulisitsisup akileeqaataassutaasa ilanngunneqartussaanginnerat Danmarkimi, Savalimmiuni imaluunniit Kalaallit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuusumilluunniit atuutsinneqarsimanngitsoq soraarnerussutisiaqarsinnaatitaasup sillimmasiisulluunniit up- pernarsarsinnaappagu.</p> <p><i>Imm. 2.</i> Imm. 1-imi aalajangersagaq taamaallaat atuutissaaq piumasagaatit makku eqquutsinneqarpata:</p> <ol style="list-style-type: none"> <li>1) Aaqqissuussineq soraarnerussutisiaqarnisamut aningaasaateqarfimmi, sillimmasiisarneq pillugu inatsimmi pineqartunut ilaasumi imaluunniit inuunermut soraarnerussutisiaqarnissamullu sillimmasiisarfimmi, Finans-tilsynimit akuersissummik peqarluni sillimmasiisarnermik ingerlatsisumi pilersinneqarsimassaaq.</li> <li>2) Utoqqalineq pissutigalugu soraarnerussutiasiat siusinnerpaamik tunniunneqartalersinnaapput 60-inik ukioqalernermi, taakkunanga ukiukinnerunissaq akileraaruseriffimmit akuerineqarsimanngippat.</li> <li>3) Utoqqalineq pissutigalugu soraarnerussutisiani inuuneq naallugu pisartagassanik, naammaataasunillu inuuneq naallugu pisartagassaanngitsunik aningaasartaqartuni, utoqqalineq pissutigalugu soraarnerussutiasiat ilaannit naammaataasunit tunniunneqartut, utoqqalineq pissutigalugu soraarnerussutiasiat ilaannit inuuneq naallugu pisartagassanit tunniunneqartut 50 procentiinit amerlanerussanngillat.</li> <li>4) Aappaasumut inooqatigisamulluunniit pisartagaritinneqartartut aappaasumut toqukkut</li> </ol>
--	---

	<p>qimagaasumut, aappaasumut avissimasamut inooqatigisamulluunniit pisassanngortinnetqarsinnaapput. Inooqatigisaq tassaavoq:</p> <p>a) Inuk aqqatigut taasaq, toqusup pisassanngortitsinerup nalaani najugaqatigisimasaa, imaluunniit</p> <p>b) Inuk toqusup:</p> <p>1. katissimasinnaasaralua imaluunniit nalunaarsugaasumik inooqatigisimasinnaasaralua aamma</p> <p>2. testamentiliornermigut, aappaasup pinngitsoorani kingornussassaasa minnerpaamik angeqqataannik kingornussisussanngortissimasaa. Testamenti toqussaq qaammatinik pingasunik sioqqullugu pilersinneqarsimasaaq, aamma</p> <p>3. toqussaq sioqqullugu ukiuni kingullerni marlunni najugaqatigisimasaa. Imaluunniit siusinnerusukkut piffissami atasuinnarmi sivikinnerpaamik ukiuni marlunni najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, imaluunniit</p> <p>c) Inuk toqusup piffissami toqquimmini najugaqatigisimasaa toqusulluunniit siusinnerusukkut najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, aamma toqusumit naartusoq, qitornaqartoq qitornaqarsimasorluunniit.</p> <p>5) Aappaasumut toqukkut qimagaasumut, aappaasumut avissimasamut inooqatigisamulluunniit pisartagaritinneqartartut sivikinnerpaamik ukiuni qulini tunniunneqartassaput.</p> <p>6) Toqusulli qitornaanut, matumani aamma qitornasaanut toqukkut qimagaasunut pisar-</p>
--	---

	<p>tagaritinneqartartut qitornat 24-nik ukioqaler- nerat tikillugu taamaallaat tunniunneqartar- sinnaapput.</p> <p><i>Imm. 3.</i> Inuunermut sillimmasiineq pine- qarpat sillimmasiisoq sillimmasigaassaaq sil- limmasiissummillu piginnittuussalluni. Sil- limmasiineq sulisuusup taassumalu sulisitsi- suata isumaqatigiissuteqarnerat tunngaviga- lugu pilersinneqarsimappat, aammalu akiliu- tit akileeqataassutillu sulisitsisumit akilerner- qartarpata, taava sulisuusoq sillimmasigaas- saaq sillimmasiissummillu piginnittuussallu- ni.</p> <p><i>Imm. 4.</i> Soraarnerussutisiaqarnissamut aaq- qissuussinermut akiliinerit aningaasat akile- raarusigaasut akileraarusigaanngitsullu ator- lugit pisimappata, aningaasat tunniunneqartut ilaat inuup aningaasat akileraarusigaasut atorlugit akiliuteqarfigineqarsimasutut upper- narsarsinnaasaanut naapertuuttut aningaasar- siat akileraaruteqaataasussat naatsorsorneran- ni ilanngunneqassanngillat. Tunniunneqartut ilaat aningaasat akileraarusigaasut atorlugit akiliuteqarfigineqarsimasut iluanaarutininik, ernianik assigisaannilluunniit taperneqassan- ngillat.</p> <p><i>Imm. 5.</i> Ingerlaavartumik, toqunikkut unit- tussamik tunniunneqartartut ukiumut 5.000 kr.-it qaangersimanngippatigit, soraarnerus- sutisiaqarnissamut aaqqissuussinernit imm. 1-imi 2-milu taaneqartunit, atorfinitsitaaner- mut atatillugu pilersinneqarsimasunit tunni- unneqartussat ataasiaannartumik tunniunne- qarsinnaapput.</p> <p><i>Imm. 6.</i> Aningaasat soraarnerussutisiaqar- nissamut aaqqissuussinernit imm. 1-imi 2- milu taaneqartunit, soraarnerussutisiaqarnis- samut aningaasaateqarfinni imaluunniit inuu- nermut soraarnerussutisiaqarnissamullu sil-</p>
--	---

	<p>limmasiisarfinni Kalaallit Nunaanni angerlar-simaffeqartuni pilersinneqarsimasunit, aamma atorfinitsitaanermut atatillugu pilersinneqarsimasunit ukiuni marlunni ingerlaavartumik tunniunneqartartussat amerlaqataat ataasiaannartumik tunniunneqarsinnaapput.</p> <p><i>Imm. 7.</i> Tunniunneqartussat ilaat imm. 1 aamma 2 naapertorlugit akileraarusigassaanngitsut pillugit maleruagassat erseqqinnerusut Naalakkersuisunit aalajangersarneqarsinnaapput.”</p>
	<p><b>8.</b> 39 a-p kingornagut ilanngunneqarpoq:  ”§ <b>39 b.</b> Inuit aningaasarsiamik akileraaruteqaataasussat naatsorsorneranni soraarnerusutisiaqarnissamut aqqissuussinernit tunniunneqartunik ilanngussisussaannngitsut, tak. § 39 a, imm. 1 aamma 2, ernianut aningaasartuutit, tak. § 15, imm. 1, aningaasarsianit akileraaruteqaataasussanit tamakkiisumik ilanngaatisinnaanngikkunikkit, ilanngaatisap atunngitsuukkap akileraarutitigut nalingata tunniunneqarnissaa akileraaruseriffimmut qinnutigisinnaavaat.</p> <p><i>Imm. 2.</i> Imm. 1 naapertorlugu tunniussiner-mi piumasagaatit makku eqquutsinneqarsimassapput:</p> <ol style="list-style-type: none"> <li>1) ernianut aningaasartuutit illuummik Kalaallit Nunaanniittumik pisinermut ingerlatsinermulluunniit tunngasuussapput,</li> <li>2) taarsigassarsiat illuummik taassuminnga qularnaveeqqusigaassapput,</li> <li>3) inuup illuut najugaqarfigissavaa, aamma</li> <li>4) ilanngaata aappaasumut inooqatigisamut § 4 d, imm. 2 naapertorlugu nuunneqarsinnaas-sanngillat.</li> </ol> <p><i>Imm. 3.</i> Tunniunneqartussat annerpaamik amerlaqatigisinnaavaat aningaasat soraarnerusutisiaqarnissamut aqqissuussinernit pineqartunit tunniunneqartut akileraartussaati-</p>

	<p>taasup aningaasarsiaanik akileraaruteqaa-taasussaannngitsunik allanik ilasat, ernianut ilanngaatinut atunngitsuukkanut sanilliullugit naatsorsorneqartut.</p> <p><i>Imm. 4.</i> Tunniussinerit qaammammut kingumoortumik pissapput. Ukiumut aningaasarsiorfiusumut, ernianut ilanngaatit attuumassuteqarfigisaannut inaarummik naatsorsuinerup nassiunneqarnera ilutigalugu, kingusinnerpaamillu ukiumi, ukiup aningaasarsiorfiup tulliani ulloq 1. september, akileraruseriffiup tunniunneqartut imm. 1-imi taaneqartut naatsorsorsussavai nikingassutaajunartullu tunniutissallugit akiligassiissutigisallugilluunniit.”</p> <p><b>9. § 40-p</b> kingornagut ilanngunneqarpoq:  <b>”§ 40 a.</b> Sillimmasiissutit sillimmaserneqartuq toqugaluarpalluunniit piffissami aalajangersimasumi tunniussa qarfiusartussat (tunniunneqartartussat qulakkiikkat), aammali § 39-mi, § 39 a-mi § 40-miluunniit piumasaqaatinik eqquutsitsisut, qulakkeerinnermut akiliut sillimmasiissuummut tamarmiusumut akiliutip 10 pct.-ianit anginerunngippat so-raarnerussutisiaqarnissamut aqqissuussinernut ingerlaavartumik, toqunikkut unittusamik tunniussiviusartussanut maleruagassat malillugit suliarineqassapput.</p> <p><i>Imm. 2.</i> Taamaattorli sillimmaserneqartup sillimmasiisarneq pillugu inatsisip paasineqartarneratuut “qaniginerpaasaasa” imaluunniit sillimmaserneqartumut aappaasup imaluunniit aappaasup avissimasap, sillimmaserneqartup kingornussisussaasa, qitornassaasa imaluunniit qitornassaasa kingornussisussaasa imaluunniit inuup aqqatigut taaneqartup, pisassannngortitsinerup nalaani sillimmaserneqartumik najugaqateqartup taassuma-</p>
--	--

	luunniit kingornussisussaasa saniatigut allanik policemi ilanngussisoqarsimanninnissaa piumasqaataavoq.”
<p><b>§ 41.</b> Aaqqissuussinernut §§-ini 39-mi aamma 40-mi taaneqartunut akilersuutit pillugit ilanngaatt piffissamut akilersuiffiusumut tunngatinneqassaaq, aammalu ilanngaatt ukiup aningaasarsiorfiup ilaani akiliuteqarfiusumi akissarsiat tamarmiusut 15 procentiannit annerusinnaangilaq. Aappariinnut ataatsimut akileraarusigaasunut imaluunniit inooqatigiittut nalunaarsugaasunut tunngatillugu ilanngaatt taaneqartut akissarsiaasa tamarmiusut 15 procentiannit annerusinnaangilaq. Namminersorlutik inuussutissarsiummik ingerlatsisunut tunngatillugu naatsorsuinermit tunngavissaaq pissuseqataanik atorfillip akissarsiaasa missingersorneqarnerat.</p> <p><i>Imm. 2.</i> Sulisuusup akissarsiaasa akileraaruteqaataasussat naatsorsorneranni ilaassanngillat aningaasat §§-ini 39-mi aamma 40-mi aaqqissuussinernut taaneqartunut sulisitsisup akilersimasai.</p> <p><i>Imm. 3.</i> Ukiup aningaasarsiorfiusup ingerlanerani soraarnerussutisiaqalernissamut aaqqissuussinernut ingerlaavartumik tunniussisartussamut, takuuk § 39, imaluunniit naaffertumik akilersuilluni sillimmasiivimmut, takuuk § 40, akiliuit imm. 1 naapertorlugu akissarsiat tamarmiusut 15 procentiat sinnerlugu akiliisoqarsimappat, akileraaruseriffiup akuerisinnaavaa taanna qaangerlugu akiliutit utertinneqarnissaat pillugu tamatumunnga immikkut ittunik patsisissaqarsimappat.</p>	<p><b>10. § 41</b> ima oqaasertaqarpoq:  ”<b>§ 41.</b> Aaqqissuussinernut §§-ini 39-mi 40-milu taaneqartunut akileeqataassutit akiliutilu pillugit ilanngaatt piffissamut akiliiffiusumut tunngatinneqassapput, soorlutaaq ilanngaatt ukiup aningaasarsiorfiup ilaani, akileeqataassutit akiliutillu tunngassuteqarfigisaanni akissarsiat tamarmiusut 20 procentiinit amerlanerusinnaangitsut. Aappariinnut imaluunniit nalunaarsugaasumik inooqatigiinnut tunngatillugu ilanngaatt, taakku akissarsiaasa tamarmiusut 20 procentiinit amerlanerusinnaangillat. Namminersorlutik inuussutissarsiuqartunut tunngatillugu naatsorsuinermit tunngavissaaq, inuup taakkunatut atorfeqarluni akissarsiaasat missingersukat tunngavigalugit angissusilerneqassaaq.</p> <p><i>Imm. 2.</i> Sulisuusup aningaasarsiaasa akileraaruteqaataasussat naatsorsorneranni ilanngunneqassanngillat aningaasat, sulisitsisup aaqqissuussinernut §§-ini 39-mi 40-milu taaneqartunut akilersimasai.</p> <p><i>Imm. 3.</i> Soraarnerussutisiaqarnissamut aaqqissuussinernut ingerlaavartumik tunniussiviusartumut, tak. § 39, imaluunniit naaffertumik akilersuilluni sillimmasiinermit, tak. § 40, ukiumi aningaasarsiorfiusumi akiliutaasimasut akissarsiat tamarmiusut 20 procentiinit amerlanerusimappata, tak. imm. 2, aningaasat akiliivallaarutaasut utertinneqarnissaat akileraaruseriffiup akuerisinnaavaa, pissutsit immikkut ittut taamaaliornissaaq pissutissaqartippassuk.”</p>
<p><b>§ 43.</b>  <i>Imm. 3.</i> Aningaasarsiat akileraaruteqaataa-</p>	<p><b>11. § 43-mi imm. 3-miit 5-imut</b> atorunnaarsinneqarput.</p>

sussat naatsorsorneqarneranni danskit aningaaseriviini assigisaannilu soraarnerussutisiassanik katersiniarluni aaqqissuussinernit, soraarnerussutisiaqalernissamut ileqqaakkat pillugit aaqqissuussinernut akileraaruserneqartarnerat pillugu inatsimmi kapitali 1-imi pineqartunut ilaatinneqartunit, kiisalu Lønmodtagernes Dyrtdisfondimi uninngasuutinit erniasiat ilanngunneqartassanngillat.

*Imm. 4.* Aningaasarsiat akileraaruteqaataasussat naatsorsorneqarneranni ilanngunneqartassanngillat pisortani atorfillit soraarnerussutisiaqalernissamut ileqqaagaannut sulisitsisup akiliutai, soraarnerussutisiaqalernissamut ileqqaakkat makkunatut iluseqartinneqarpata: naafferartumik akilersuilluni sillimmasiinerit, soraarnerussutisiaqalernissaq siunertaralugu naafferartumik akilersuilluni ileqqaakkat naafferartumik tunniunneqartussat, sillimmasiinerit akit nikerarneri najoqqutaralugit iluarsineqartartut, akit nikerarneri najoqqutaralugit ileqqaakkat, ataatsikkut akiliilluni sillimmasiinerit aammalu soraarnerussutisiaqalernissamut ileqqaakkat ataatsikkut tunniunneqartussat, aaqqissuussineq sulisumut pingitsoorani ileqqaartitsissutaappat akileraartussaanerullu siornatigut pilersinneqarsimappat. Taamaattorli aaqqissuussineq soraarnerussutisiaqalernissamut ileqqaakkat akileraaruserneqarnissaannut inatsimmi § 50 imaluunniit § 53 A naapertorlugu akileraarusigassanngortinneqarsimappata sulisitsisup akiliutai aningaasarsiat akileraaruteqaataasussat naatsorsorneqarneranni ilangunneqartassapput.

*Imm. 5.* Aningaasarsiat akileraaruteqaataasussat naatsorsorneqarneranni soraarnerussutisiaqalernissamut aaqqissuussinerit maannaanaq atorunnaarsinneqartut nalingat ilan-

<p>ngunneqartassanngilaq, aaqqissuussinerit tamakku soraarnerussutisiaqalernissamut ileqqaakkat akileraaruserneqarnissaannut inatsimmi kapitali 1-imi pineqartunut ilaasimap-pata.</p>	
<p><b>§ 44.</b> Aningaasarsiat akileraaruteqaataasussat naatsorsorneranni inuunermut sillimmasiissutinit soraarnerussutisiatigullu aaqqissuussinernit § 39-mi imaluunniit § 40-mi taaneqanngitsunit iluanaarutit ilanngunneqartassapput. Aningaasarsianit akileraartartussaataavoq piginnittoq imaluunniit piginnittup toqunera-ta kingornagut sillimmasiissutinit pisartagaqartussaataasoq. Iluanaarutit naatsorsorneqassapput illuatungaani sillimmasiussat ukiup aningaasarsiorfiup naanerani aningaasanngorlugit nalingata ukiup ingerlanerani sillimmasiisumut tunniunneqarsimasunik tapik-kat illuatungaani sillimmasiussat ukiup aningaasarsiorfiup aallartinnerani aningaasanngorlugit nalingata ukiup ingerlanerani sillimmasiisumit akiliutigineqarsimasunik tapikkat assigiinnngissutaattut. Sillimmasiissutinit amigartoorutit § 30, imm. 1-imi maleruagassat malillugit taamaallaat ukiuni aningaasarsiorfiusuni tallimani tulliuttuni sillimmasiissutinit taakkuusunit iluanaarutaasunit ilanngaattissanngorlugit nuunneqarsinnaapput.</p> <p><i>Imm. 2.</i> Inuunermut sillimmasiissutinit imm 1-imi pineqartunit, pisassat ingerlaavartumik tunniuttagaannngippata aningaasarsiat akileraaruteqaataasussat naatsorsorneranni ilanngunneqassanngillat.</p> <p><i>Imm. 3.</i> Taamaattorli imm. 1-imi 2-milu maleruagassat inuunermut sillimmasiissutinit sillimmasiisooq piffissap sillimmasiiffiusup isumaqatigiissutaasumik naanissaa nallertinnagu toquppat imaluunniit timimigut innarluuteqalerpat aatsaat tunniunneqarsinnaasu-</p>	<p><b>12. § 44</b> ima oqaasertaqarpoq:</p> <p>”§ 44. Inuunermut sillimmasiinernit aamma soraarnerussutisiaqarnissamut aaqqissuussinernit iluanaarutit aningaasarsiat akileraaruteqaataasussat naatsorsorneranni ilanngunneqassapput.</p> <p><i>Imm. 2.</i> Imm. 1 makkununga atuutinngilaq:</p> <p>1) aaqqissuussinernut § 39, imm. 1-imi, § 39 a, imm. 1-imi 2-milu, aamma § 40, imm. 1-imi pineqartunut kiisalu aaqqissuussinernut allanut, soraarnerussutisianik akileraarusiisarneq pillugu inatsimmi § 53 A-mi pineqartunut,</p> <p>2) soraarnerussutisiaqarnissamut aaqqissuussinernut danskit aningaaseriviini, soraarnerussutisiaqarnissamut aningaasaateqarfiini aamma inuunermut soraarnerussutisiaqarnissamullu sillimmasiisarfiini pilersinneqarsimasunut, soraarnerussutisiaqarnissamut aaqqissuussinernik ilaallu ilanngullugit akileraarusiisarneq pillugu inatsimmi kapitali 1-imi pineqartunut kiisalu Lønmodtagernes Dyr-tidsfondimi uninngasuutinut ernialius-sanut,</p> <p>3) naafferartumik akilersuilluni sillimmasiinernut aamma soraarnerussutisiaqarnissaq siunertaralugu naafferartumik akilersuilluni ileqqaakkanut, sillimmasiinernut akit nikerarneri najoqqutaralugit iluarsineqartartunut, ileqqaakkanut akit nikerarneri najoqqutaralugit iluarsineqartartunut, ataatsikkut akiliilluni sillimmasiinernut soraarnerussutisiaqarnissamullu ileqqaakkanut ataatsikkut tunniunneqartussanut, soraarnerussutisiaqarnissamut</p>



nut atussanngillat, isumaqatigiissutaasumik naaffissaq taanna sillimmasiisup 80-inik ukioqalernerata kingornagut sillimmaserneqarnermut allagartami ullormit siullermit kingusinnerunngippat

*Imm. 4.* Aningaasarsiat akileraaruteqaataasussat naatsorsorneranni ilanngunneqassanngillat aningaasat sillimmasiisup toqoreerneratigut pisartagaqartitsiniarluni sillimmasiisutinit, matumani ilaallutik timikkut innarluuteqalerneremut taartisiat ataatsikkoortumik inuunermut sillimmasiisutinit imm. 3-mi pineqartunit kiisalu ajunaarnissamut sillimmasiisutinit tunniunneqartut.

*Imm. 5.* Imm. 1-imi 2-milu maleruagassat taamattaq aamma atussanngillat naafferartumik akilersuilluni sillimmasiinernut soraarnerussutisiaqalernissarlu siunertaralugu naafferartumik akilersuilluni ileqqaakkanut naafferartumik tunniunneqartussanut, sillimmasiinernut akit nikerarneri najoqqutaralugit iluarsineqartartunut, akit nikerarneri najoqqutaralugit ileqqaakkanut, ataatsikkut akiliilluni sillimmasiinernut soraarnerussutisiaqalernissamullu ileqqaakkanut ataatsikkut tunniunneqartussanut, soraarnerussutisiaqalernissamut ileqqaakkat akileraaruserneqartarnerat pillugu inatsimmi kapitali 1-imi il.il. pineqartunut.

*Imm. 6.* Inuunermut sillimmasiisutit akileraaruseriffiup imm. 1 aamma 2 malillugit akileraarusigassanngortinngissinnaavai inuunermut sillimmasiineq pilersinneqarsimappat sillimmasiisooq Kalaallit Nunaannut akileraartartussanngorsimatinnagu.

aaqqissuussinernik ilaallu ilanngullugit akileraaruserneq pillugu inatsimmi kapitali 1-imi pineqartunut, aamma

4) inuunermut sillimmasiinernut, sillimmaserneqartoq sillimmasersimanagerup naaffissaatut isumaqatigiissutigineqarsimasooq nallertinnagu toqussagalarpat innarluuteqalisagalarpalluunniit aatsaat tunniunneqarsinnaasunut, atorunnaarfissaatut isumaqatigiissutigineqartoq sillimmasersimasup 80-inik ukioqalernerata kingorna ullormit policep atuuffianit siullermit kingusinnerunngippat.

*Imm. 3.* Aningaasarsianit akileraartussaati-taavoq piginnittoq imaluunniit piginnittup toqneratigut sillimmasiisummit tunineqarsinnaatitaasoq. Iluanaarutit sillimmasiinerup, ukiup aningaasarsiorfiup naanerani aningaasannorlugi nalingata ukiup ingerlanerani tunniunneqarsimasunik taperneqartup aammalu sillimmasiinerup, ukiup aningaasarsiorfiup aallartinnerani aningaasannorlugi nalingata ukiup ingerlanerani akiliutaasimasunik taperneqartup assigiinngissutaattut naatsorsorneqassapput.

*Imm. 4.* Sillimmasiinermit amigartoorutit, § 30, imm. 1-imi maleruagassat naapertorlugit taamaallaat ukiuni aningaasarsiorfiusuni tullittuni tallimani sillimmasiinerup taassuma iluanaarutitaanit ilanngaaticigineqarsinnaapput.

*Imm. 5.* Soraarnerussutisiaqarnissamut aaqqissuussinernit il.il. imm. 1-imi taaneqartunit, tak. imm. 2 aamma 3, ingerlaavartumik iluanaarutit akileraaruserneqarnerannut matussutissatut tunniunneqartut, aningaasarsiat akileraaruteqaataasussat naatsorsorneranni ilanngunneqassanngillat. Aningaasat akileraarummut matussutissat kingusinnerpaamik tunniunneqassapput ukiumi, ukiup iluanaarutit pisassaqalerfiup tulliani.

	<p><i>Imm. 6.</i> Soraarnerussutisiaqarnissamut aaq-qissuussinernit inuunermullu sillimmasiiner-nit iluanaarutit nalunaarutigineqartarnerat aammalu iluanaarutit akileraarutitaasa akiler-neqartarnerat pillugit maleruagassat erseq-qinnerusut Naalakkersuisunit aalajangersar-neqarsinnaapput.”</p>
<p><b>§ 45.</b> Soraarnerussutisiaqalernissamik isuma-qatigiissutip imaluunniit soraarnerussutisia-qalernissamut aningaasaateqarfiit aamma inuunermut soraarnerussutisiaqalernissamul-lu selskabit Kalaallit Nunaanni angerlarsi-maffeqartut akornanni tunniussinertut akiliu-titulluunniit suliarineqassanngillat nuussinermi pineqarpata:</p> <p>1) Soraarnerussutisiaqarnermut aaqqissuussi-nerit ingerlaavartumik tunniussisartut akor-nanni, takuuk § 39.</p> <p>2) Naafferartumik sillimmasiutiniit, takuuk § 40, soraarnerussutisiaqalernissamut aaqqis-suussinermut ingerlaavartumik tunniussisar-tussamut, takuuk § 39.</p> <p>3) Naafferartumik sillimmasiummiit taamaa-gataanut nuussinernit, takuuk § 40.</p> <p><i>Imm. 2.</i> Akileraaruseriffiup akuerisinnaavaa aningaasat nunani allani sillimmasiisarner-mut aaqqissuussinerniit nuunneqartut soraar-nerussutisiaqalernissaq pillugu aaqqissuussi-nernut § 39-mi imaluunniit § 40-mi pineqar-tunut akiliutitut suliarineqassanngitsut.</p> <p><i>Imm. 3.</i> Imm. 1-imi aamma 2-mi maleruagas-sat atortinneqarnissaannut piumasqaataavoq nuussineq sioqqullugu aningaasat nuutat pil-lugit aningaasarsianit akileraartussanngortit-sisoqarsimassanngitsoq imaluunniit nuunne-qartunit akitsuutinik akileraartussanngortitsi-soqarsimassanngitsoq.</p>	<p><b>13.</b> § 45 ima oqaasertaqarpoq:</p> <p>”<b>§ 45.</b> Soraarnerussutisiaqarnissamut isuma-qatigiissummik sillimmasiinermilluunniit, soraarnerussutisiaqarnissamut aningaasaate-qarfiit aamma inuunermut soraarnerussutisia-qarnissamullu sillimmasiisarfiit Kalaallit Nu-naanni angerlarsimaffeqartut akornanni nuus-sineq tunniussinertut akiliinertulluunniit sul-iarineqassanngilaq, nuussineq:</p> <p>1) soraarnerussutisiaqarnissamut aamma inuunermut sillimmasiineramik aaqqissuussi-nerit ingerlaavartumik, toqunikkut unittussa-mik tunniussiviusartut akornanni pippat, tak. § 39,</p> <p>2) soraarnerussutisiaqarnissamut aamma inuunermut sillimmasiineramik aaqqissuussi-nernit ingerlaavartumik, toqunikkut unittus-samik tunniussiviusartunit § 39 a-mi pineqar-tuniit soraarnerussutisiaqarnissamut aamma inuunermut sillimmasiineramik aaqqissuussi-nernut ingerlaavartumik, toqunikkut unittus-samik tunniussiviusartunut § 39-mi imaluun-niit § 39 a-mi pineqartunut pippat,</p> <p>3) soraarnerussutisiaqarnissaq siunertaralugu naafferartumik akilersuilluni sillimmasiinerit akornanni pippat, tak. § 40, aamma</p> <p>4) soraarnerussutisiaqarnissaq siunertaralugu naafferartumik akilersuilluni sillimmasiiner-miit, tak. § 40, soraarnerussutisiaqarnissamut aamma inuunermut sillimmasiineranut § 39-mi pineqartunut pippat.</p> <p><i>Imm. 2.</i> Aningaasanut nuunneqartunut tun-</p>

	<p>ngatillugu akileraartussaataanerup akit-suummilluunniit akiliisussaataanerup nuus-sineq sioqqullugu atuutilersimannginnissaa maleruagassat imm. 1-imiittut ator-neqarnis-saanni piumasqaataavoq.”</p>
<p><b>§ 46.</b> Soraarnerussutisiaqalernissamut aaqqisuussinermit ingerlaavartumik tunniussisartussamut aammalu soraarnerussutisiaqalernissamut aningaasaateqarfimmi imaluunniit inuunermut soraarnerussutisiaqalernissamul-luunniit selskabimi Kalaallit Nunaanni anger-lasimaffeqartumi pilersitaasumi maanaannak-kut unitsitat tunniutassat akileraaruserneqas-sapput 45 procentimik.</p> <p><i>Imm. 2.</i> Naafferartumik sillimmasiutit maa-naannakkut unitsitat tunniunneqalerneranni aammalu inuunermut soraarnerussutisiaqaler-nissamullu sillimmasiinermit selskabimi Ka-laallit Nunaanni angerlarsimaffeqartumi pi-lersinneqarsimasut, akileraaruserneqassapput 45 procentimik.</p> <p><i>Imm. 3.</i> Imm. 1 aamma 2 malillugit tunnius-sinermit naligiissitaapput allamut tunniussineq imaluunniit allamut pigisassanngortitsineq qularnaveeqqutissatulluunniit tunniussineq kiisalu iliuutsit il.il. aaqqissuussinerup ilanngaatigineqarsinnaaneranut piumasqaata-taanik naammassinnissinnaajunnaarnermik kinguneqartut. 45 procentimik akileraaruser-neqassapput aningaasat allamut tunniussine-rup iliuseqarnerulluunniit nalaani aaqqis-suussinerup atorunnaarnerani tunniunneqar-sinnaagaluartut akeqanngitsumik isumaqati-giissutip assigisaataluunniit naligisinnaasaat-tut.</p> <p><i>Imm. 4.</i> Imm. 1-imiit 3-mut maleruagassat atussanngillat pigeqatigisanik aapparissamut agguaassinermi. Agguaassinermi kingornati-gut aapparisaq nammineerluni akileraartar-</p>	<p><b>14.</b> § 46 ima oqaasertaqarpoq: ”§ 46. Soraarnerussutisiaqarnissamut aaqqisuussinermit imaluunniit inuunermut sillim-masiinermit piffissaq suli nallinngitsoq ato-runnaarsinneqartumit tunniunneqartunit akit-suut 55 procentiusoq akilerneqassaaq. Aaq-qissuussinermit akiliutit ilanngaatigineqar-sinnaanerat imaluunniit sulisitsisup akileeqa-taassutaasa ilanngunneqartussaanninnerat aningaasarsiat akileraaruteqaataasussat naat-sorsorneranni tamakkiisumik ilaannakuusu-milluunniit atuutsinneqarsimanngitsoq, tak. § 39 a, imm. 1, uppersarsarneqarpat akitsuut 10 procentiusoq akilerneqassaaq. Soraarnerussutisiaqarnissamut aaqqissuussinermit akiliinerit aningaasat akileraarusigaasut aki-leraarusaannigitsullu atorlugit pisimappata, aningaasat tunniunneqartut ilaat inuup ani-ngaasat akileraarusigaasut atorlugit akiliute-qarfigineqarsimasutut uppersarsinnaasaa-nut naapertuuttut 10 procentimik akitsuuser-neqassapput, tak. § 39 a, imm. 4.</p> <p><i>Imm. 2.</i> Piffissaq suli nallinngitsoq atorun-naarsitsinertut isigineqassapput tunniussineq allatulluunniit pigisassanngortitsilluni qular-naveeqquusiussilluniluunniit tunniussineq kii-salu iliuutsit il.il., aaqqissuussinerup soraar-nerussutisiaqarnissamut aaqqissuussinerune-rata siunertaanik eqquutsitsiunnaarnermik ki-ngineqartut. Akitsuusigassaapput aningaasat, aaqqissuussineq tunniussinerup, nuussinerup iliuseqarnerulluunniit nalaani atorunnaarsin-neqartuuppat tunniunneqarsimasinnaagaluar-tut, imaluunniit fripolicep assigisaataluunniit</p>

<p>tunngussaaq imaluunniit pissarseqataassutiminit akileraarutinut akitsuutinullu akiliisussanngussaaq, aammalu § 40, imm. 2-mi maleruagassat malillugit salliutitatut inississinnaalluni.</p> <p><i>Imm. 5.</i> Akileraarutinik akiliisussaataasup pisussaaffigaa soraarnerussutisiaqalernissamut aningaasaateqarfik imaluunniit inuunermut soraarnerussutisiaqalernissamut sillimasiinermut selskabi iliuitsit imm. 3-mi taaneqartut pillugit piaartumik ilisimatissallugu.</p>	<p>aningaasanngorlugu nalinga. Iliuitsit taaneqartut soraarnerussutisiaqarnissamut aningaasaateqarfimmut imaluunniit inuunermut soraarnerussutisiaqarnissamulluunniit sillimasiisarfimmut piaartumik nalunaarutigineqarnissaat akitsuummik akiliisussaataasup pisussaaffigaa.</p> <p><i>Imm. 3.</i> Ataatsimut pigisanik agguaanikkut imaluunniit ataatsimut pigisaqarnermik atorrunnaarsitsinikkut aappaasumut pisassanngortitsinermi imm. 2-mi maleruagassat ator-neqassanngillat. Aappaasoq pisassanngortitsinerup kingorna pigisarilikkaminit nammineerluni akileraartussaataalissaaq akitsuummilluunniit akiliisussaataalissalluni.</p> <p><i>Imm. 4.</i> Aaqqissuussineq soraarnerussutisiani akileraarusiisarneq pillugu inatsimmi kapitali 1-imi pineqartunut ilaappat imm. 1 aamma 2 atuutissanngillat.”</p>
<p><b>§ 47, imm. 2, oqaaseqatigiit kingulliit.</b> Akiligassat akilersinniarneqarsinnaapput inatsimmi matumani maleruagassat malillugit.</p>	<p><b>15.</b> § 47, imm. 2-mi oqaaseqatigiit kingulliit peerneqarput.</p>
	<p><b>16.</b> § 67-p kingornagut ilanngunneqarpoq: ”§ 67 a. Inuit aningaasarsiamik akileraaruteqaataasussat naatsorsorneranni soraarnerussutisiaqarnissamut aaqqissuussinernit tunniunneqartunik ilanngussisussaangitsut, tak. § 39 a, imm. 1 aamma 2, inummut ilanngaata § 67, imm. 1-imi taaneqartoq tamakkiisumik ilanngaatisinnaangikkunikku, ilanngaatisap atunngitsuukkap akileraarutitigut nalingata tunniunneqarnissaa akileraaruseriffimmut qinnutigisinnaavaat. Uppernarsaatissat pisariaqartut qinnuteqaatinut ilanngullugit nassiunneqassapput. Tunniunneqartussat annerpaamik amerlaqatigisinnaavaat aningaasat soraarnerussutisiaqarnissamut aaqqissuussinernit pineqartunit tunniunneqartut akileraar-</p>

	<p>tussaataasup aningaasarsiaanik akileraaruteqaataasussaannngitsunik allanik ilasat, inummut ilanngaammum atunngitsuukkamut sanilliullugit naatsorsorneqartut.</p> <p><i>Imm. 2.</i> Imm. 1 naapertorlugu tunniussineq qaammammum kingumoortumik pissaaq.</p> <p><i>Imm. 3.</i> Ukiumut aningaasarsiorfiusumut, inummut ilanngaatip attuumassuteqarfigisaa-nut inaarummik naatsorsuinerup nassiunneqarnera ilutigalugu, kingusinnerpaamillu uki-umi, ukiup aningaasarsiorfiup tulliani ulloq 1. september, akileraaruseriffiup tunniunneqartut imm. 1-imi taaneqartut naatsorsorsus-savai nikingassutaajunnartullu tunniutissallu-git akiligassiissutigissallugilluunniit.”</p>
	<p><b>§ 2</b></p> <p>Inatsisartut inatsisaat 1. januar 2017-imi ator-tuulissaaq.</p>

### 3. Pisortanut aningaasatigut allaffissornikkullu sunniutissai

Soraarnerussutisiaqarnissamut ileqqaakkanut kalaallit akileraartartut 2013-imi 410 mio. kr.-it missingi akilerpaat. Akiliutit pingajorarterutingajaat (1/3) soraarnerussutisiaqarnissamut aningaasaateqarfinnut nunani allaniittunut sinnerilu soraarnerussutisiaqarnissamut aningaasaateqarfinnut nunatsinniittunut agguataarneqarput.

Suminggaanniit	Soraarn. aningaasaat.	Akiliutit	Aningaasaatit
Kal. Nunaanniit	SISA	171 mio. kr.	1.879 mio. kr.
	PFA Soraarneq	107 mio. kr.	772 mio. kr.
Kal. Nun. avataaniit		131 mio. kr.	2.742 mio. kr.
Katillugit		410 mio. kr.	5.393 mio. kr.

Tabel 1, Sulinal 2013, Akileraartarnermut ministereqarfik

Akileraartartut soraarnerussutisiaqarnissamut aningaasaateqarfinnut nunani allaniittunut akiliuteqartartut amerlanersaat Kalaallit Nunaata avataani inunngorsimasuupput, piffissamilu soraarninngorfimminni Kalaallit Nunaanni najugaqarnissaat naatsorsuutigineqarani.

*Siunissami ungasinnerusumi sunniutissaa*

Utoqqanngorlutik soraarninngortut Kalaallit Nunaanni inunngorsimasut amerlangaatsiartut piffissami soraarninngorfimminni Kalaallit Nunaanniit nuuttarput. Utoqqalilluni pensionisia-

qartitsinerup pitsaanerulernerata aamma tjenestemandit soraarnerussutisiaqarnissaannut aaq-qissuussinerit atorunnaarsikkiartuaarneqarnerisa kingunerisaannik soraarninngornerminni Kalaallit Nunaannit nuuttartut ikilinissaat eqqarsaatigalugu, maleruagassat maanna atuuttut tungavigalugit mianersortumik eqqoriarneqarsinnaavoq soraarnerussutisiaqarnissamut akiliutit pingajoraruterutaasa (1/3) missingi Kalaallit Nunaanni akileraaruserneqarsinnaanissaat naatsorsuutigineqarsinnaanngitsaq.

Takornariaqarneq aamma/imaluunniit aatsitassarsiorneq siuariartorpata tamanna sivikitsuinnarmik Kalaallit Nunaanniittartut, piffissarlu soraarninngorfissaq nallerpat Kalaallit Nunaanni najugaqaratillu akileraartartuusussaannngitsut amerlissapput. Tamanna akileraarutitigut annaassanik amerlisitsissaaq.

#### *Siunissami qanittumi sunniutissaa*

Danskit soraarnerussutisiaqarnissamut aningaasaateqarfiinut soraarnerussutisiaqarnissamut akiliutaasartut 2010-mi 121 mio. kr.-iniit 2014-imi 139 mio. kr.-inut amerlissimapput, tamanalu isumaqarpoq inatsisissatut siunnersuut manna akuersissutigineqassappat akileraarutitigut isertitassat 2017-imi 55 mio. koruuninik amerlinissaat naatsorsuutigineqarsinnaassasoq.

Taakku saniatigut aaqqissuussinernik piffissami qaninnermi Kalaallit Nunaanniit Danmarkimut nuussisoqarnissaa naatsorsuutigineqarpoq. Inatsisissatut siunnersuut ataatsimut missingersuinnikkut piffissami qaninnermi 105 mio. kr.-inik isertitsissutaanerussaap.

Soraarnerussutisiaqarnissamut aaqqissuussinerit tamarmik	2010	2011	2012	2013	2014
	--- mio. kr. ---				
Soraarnerussutisiaqarnissamut aaqqissuussinernut danskit soraarnerussutisiaqarnissamut aningaasaateqarfiiniittunut akiliutit Katillugit	121	120,1	127,7	131,3	138,7

Tabel 2, najoqqutaq SKAT-ip nalunaarsugai. 2014 kisitsisaataagallartut

#### *Aningaasaatinit iluanaarutinit akileraarut*

Siunnersuutip kingunerissavaa maannakkut aaqqiissutinit § 53 A-nik taaneqartartunit aningaasaatinit iluanaarutit akileraarusersorneqarnerat atorunnaassasoq. Aaqqiissutinit taakkunanga iluanaarutit 2010-mit 2014-imut ataani nalunaarsorsimapput.

	2010	2011	2012	2013	2014	Ukiunut tallimanut
--	------	------	------	------	------	--------------------

	agguaqatigiissillugut					
Ilunaarutit § 53						
A	585.103	1.003.331	627.849	1.733.113	3.448.276	1.479.534
Akileraarutip annertussusaa (43 %)	251.594	431.432	269.975	745.239	1.482.759	636.200

Ukiunut marlunnut tulliuuttunut siunertaavoq, immaqalu pisortat akiliisitsiniarnermut atortorissaarutaannut atatillugu, utoqqalinersiassanut aaqqiissutit ilaanniit, matuma ataani § 53 A aaqqiissutit, aningaasaatinit ilunaarutininik akileraarusersuinissamut siunnersuummik saqqummiussinissaq.

#### *Allaffissorneq*

Akileraaruserisut nalilerpaat IT-mik atortorissaarutit tulluussarneranni kiisalu databaset ineriartortinnerannut aningaasartuutit, ataasiarluni akilerlugit 2-3 mio. kr.-it missaanniinnissaat ilimanarsinnaasoq. Tamatumunnga tunngatillugu suliaasiissut ukiut marluk missiliorlugu naammassiniagassaq, tassani ataaseq ilisimatusarnikkut tunuliaqutalik takkutissaaq. Akissarsiassanut kiisalu ingerlatsisunut akiliutissatut, ukiumut aningaasartuutissat 1,3-nit 1,5 mio. kr-inut missiliorneqarput.

#### **4. Inuussutissarsiutinik ingerlataqartunut aningaasatigut allaffissornikkullu sunniutissai** Aningaasatigut

Siunnersuut inuussutissarsiutinik ingerlataqartunut nalinginnarnut aningaasatigut sunniuteqartussaangitsutut nalilerneqarpoq. Siunnersuulli soraarnerussutisiaqarnissamut aningaasaateqarfiit aamma soraarnerussutisiaqarnissamut inuunermullu sillimmasiisarfiit allaffissornermut IT-mullu atortunik, aningaasat akileraarusikkat atorlugit akiliutinik immikkoortitsisinnaasunik ineriartortitsinerannut aningaasartuuteqartitsissaaq, soraarnerussutisiaqarnissamut aningaasaateqarfiit il.il. aaqqissuussinernik taamaattunik neqerooruteqariingippata.

#### Allaffissornikkut

Siunnersuut inuussutissarsiutinik ingerlataqartut allaffissornerannik taasarialimmik annertusisitsissangatinneqanngilaq, sulisitsisummi soraarnerussutisiaqarnissamut akiliutit pillugit paasissutissanik akileraaruseriffimmut nalunaaruteqartareerput.

#### **5. Avatangiisinut, pinngortitamut inuillu peqqissusiannut sunniutissai**

Siunnersuut avatangiisinut pinngortitamulluunniit sunniuteqassangatinneqanngilaq aammalu inuit peqqissusiannut sunniuteqassangatinneqarani.

## **6. Innuttaasunut sunniutissai**

Akilerarusersuinerup allanngortitsinnissaa soraarnerussutisiaqarnissamut ileqqaakkanut aningaasatigut sunniuteqangaartussaannngilaq.

Inatsisit atuuttut naapertorlugit, soraarnerussutisiaqarnissamut isumaqatigiissummi ilaakkajuttumi, sillimmasiinerit ilaannut akiliutinik akileriikkanik ilanngaasiisoqarsinnaavoq. Inatsisissatut siunnersuutip kingunerissavaa, ilanngaasiisinnaaneq atorunnaassasoq, soraarnerussutisiaqarnissamut aningaasaateqarfimmut imaluunniit inuunermut aamma soraarnerussutisiaqarnissamut sillimmasiisarfimmut, Kalaallit Nunaanni najugaqanngitsumut akiliineq pippat.

Soraarnerussutisiaqarnissamut ileqqaagaqarnissamik nammineerlutik isumaqatigiisusior-simasut aallarniutigalugu, soraarnerussutisiassaminnit tunniunneqartussat ilaasa qanoq amerlatigisut akileraruteqaataanngitsumik tunniunneqarnissaannik aalajangiinissami uppersaatissat toqqortarisussaassavaat. Naatsorsuutigineqarporli, akileraruserinermik ingerlatsisut sullissinermut ilaatillugu, nammineq isumaqatigiisuteqarnikkut pilersinneqarsimasuni soraarnerussutisiaqarnissamut aaqqiissutinut akiliinermi ingerlaavartumik akuersissutinik nalunaarsuinernillu suliaqarnissamik neqeroortassat.

## **7. Sunniutissai pingaarutillit allat**

Inatsisissatut siunnersuut allanik pingaarutilinnik sunniuteqartussaannngilaq.

## **8. Oqartussaasunik kattuffinnillu il.il. tusarniaaneq**

Siunnersuut piffissami 4. december 2015-imiit 13. januar 2016-imut ukungunnga tusarniaasutigineqarpoq:

SISA, PFA Soraarnej, Sulisitsisut (GE), SIK, IMAK, ASG, PPK, KANUKOKA, Inuussutisarsiornermut, Suliffeqarnermut Niuernermullu Naalackersuisoqarfik, Ilaqutariinnermut, Naligiissitaanermut Isumaginninnermullu Naalackersuisoqarfik.

Tusarniarneqartut oqaaseqaataasa pingaarnersaat ataani nalinginnaasumik allallugit issuarneqarput, Naalackersuisut akissutaat *uingasumik* allanneqartut.



Tusarniaanermi akissutigineqartut imaattunik oqaaseqaateqarfiupput:

### IMAK

Kalaallit Nunaanni atorfinitsitaanernut atatillugu soraarnerussutisiaqarnissamut ileqqaakkanit akileraarutitigut isertitassat Nunatta landskarsianit pisassarineqarnissaannik qulakkeerinissaq IMAK-ip paasilluarsinnaavaa. IMAK-ip periarfissat pingasuusorai 1) Akileraarusiinissap inatsisissatut siunnersuummisuulli siuartinneqarnissaa, 2) Taarsiiffigineqarnissamik Danmarkimut isumaqatigiissusiornissaq imaluunniit 3) Kalaallit Nunaanniit aallarnermi akileraarusiinissaq (nunap qimannerani akileraartinneqarnissaq).

IMAK-ip inatsisissatut siunnersuut inassutiginarthingilaa, inuiaqatigiinnummi aammalu soraarnerussutisiaqarnissamut ileqqaartunut ataasiakkaanut arlalitsigut kingunerluttussaammat. Inatsisissatut siunnersuutip kingusinnerusukkut kingunerisussaassavaa Kalaallit Nunaata soraarnerit soraarninngornerminni Kalaallit Nunaanniiginnartut eqqarsaatigalugit akileraarutitigut isertitassat amerlasuut annaassammagit. Meeqqat atuarfianni ilinniartitsisup ataatsip tamanna 1 mio. kr.-it sinnerlugit annaasaqaatigissagaa Deloitte-ip naatsorsorsimavaa.

*Deloitte-ip naatsorsugaasa aallaavigaat, soraarnerussutisiaqarnissamut aaqqissuussinernut nunani allaniittunut soraarnerussutisiaqarnissamut akiliutit akileraarutaannut siunissami akilernerqartartussat iluanaarutitaqarunnaarnissaat. Akileraarutitigut isertitassat soorlu inuit akileraarutaannik appaanermut imaluunniit ingerlatsinermi aningaasartuutinik nalinginnaasunik qaffaanermut atornerqarpata eqqortuussagaluarpoq. Akileraarutitigulli isertitassat tamakkununga atornerqarnissaat Naalakkersuisut kissaatiginngilaat. Qulaani immikkoortoq 3-mi allassimavoq soraarnerussutisiaqarnissamut aaqqissuussinernut nunani allaniittunut akiliutinik akileraarusiinikkut akileraarutitigut isertinneqartussat, soraarnerussutisiaqarnissamut pinngitsoorani ileqqaartussaaneq pillugu inatsisissatut siunnersuutip matumunnga ilutigitillugu saqqummiunneqartup akuersissutigineqarnerata kingunerisaanik isertitassatigut annaaneqartussanut matussutigineqarnissaat siunertaasoq. Soraarnerussutisiaqarnissamut aaqqissuussinernut nunani allaniittunut akiliutinik akileraarusiinikkut akileraarutitigut isertinneqartussat taamaalillutik erniaqartussanngussapput, soraarnerussutisiaqarnissamut ileqqaakkat ilarpassuisuulli angissusilinnik. Isertitassatigut annaaneqartussat linniarititsisumut ataatsimut 1 mio. kr.-init amerlanerussanerarlugit IMAK-ip oqaatigisaa eqqunngilaq, naatsorsukkammi tunngavissanik tamakkiisuunngitsunik aallaaveqarput.*

Inatsisissatut siunnersuut inuit ataasiakkaat soraarnerussutisiaqarnissamut aaqqissuussinermik ilaasa sorliit aningaasat akileraarusigaasut atorlugit sorliillu akileraarusigaanngitsut atorlugit akilernerqarsimanerannik nammineerluni uppernarsaasinnaanissaannik kinguneqassasoq IMAK-ip oqaatigaa. Soraarnerussutisialik uppernarsaatissaqanngikkuni marloriarluni akile-

raarusiiffiqineqassaaq. Soraarnerussutisiallittaag ilanngaatiq nalinginnaasup atorineqanngitsup akileraarutitigut nalingata tunniunneqarnissaa nammineerluni isumagissavaa. Inuit ataasiakkaat inatsisitigut illersugaanerat tassuunakkut innarlerneqassaaq.

*Immikkoortoq 2-mi oqaatigineqartutuut akileraartartut uppernarsaatissaqarnissamik piusaqaammik tamatuminnga ikiorumallugit akileraaruseriffik aaqqissuussinermik atuutilersitsiniarpoq, tassa sulisitsisut sulisuminnut tunngatillugu soraarnerussutisiaqarnissamut akiliutit akileraarusigaasut pillugit akileraaruseriffimmut nalunaaruteqartussaanerannik imaqartumik. Nalunaarutit akileraaruseriffiup nalunaarsussavai, ilaatigullu atorsinnaallugit akiliutit taakku pillugit pappialangorlugit akileraartartunut nassiussuinissamut. Soraarnerussutisiallit eqqorneqartussat amerlanersaasa aaqqissuussineq taamaattoq iluaqutigissagaat naatsorsuutigineqarpoq. Akileraartartut soraarnerussutisiaqarnissamut aaqqissuussinernut nunani allaniittunut nammineerlutik akiliisartut, soraarnerussutisiaqarnissamut aaqqissuussinernut aningaasat akileraarusigaasut atorlugit akiliiffiusinnaasutut aaqqissuussanut siunissami atuinissartik toqqassagaat ilimagineqarsinnaavoq; assersuutigalugu aaqqissuussinermut danskit soraarnerussutisianik akileraarusiisarneq pillugu inatsisaanni § 53 A-mi pineqartumut imaluunniit utoqqalinissamut ileqqaakkanut. Taamaattoqassappat akileraartartut, akiliutit aningaasat akileraarusigaasut atorlugit akiliutigineqarsimanerat uppernarsarsinnaajumallugu soraarnerussutisiaqarnissamut aningaasaateqarfimmut imaluunniit inuunermut soraarnerussutisiaqarnissamulluunniit sillimmasiisarfimmut ikioqqusinnaanissaat ilimanarpoq. Naatsorsuutigineqarporli, akileraaruserinermik ingerlatsisut sullissinermut ilaatillugu, nammineq isumaqatigiissuteqarnikkut pilersinneqarsimasuni soraarnerussutisiaqarnissamut aaqqiissutinut akiliinermi ingerlaavartumik akuersissutinik nalunaarsuinernillu suliaqarnissamik neqeroortassasut. Akileraartartut soraarnerussutisiaqarnissamut aaqqissuussinernut nunani allaniittunut, aningaasat akileraarusigaasut aningaasallu akileraarusigaanngitsut atorlugit akiliuteqarfiusinnaasunut akiliisarnissaminnik toqqaasimasut; assersuutigalugu aaqqissuussinermut danskit soraarnerussutisianik akileraarusiisarneq pillugu inatsisaanni § 20, imm. 4-mi pineqartumut, akiliutit ilaasa aningaasat akileraarusigaasut atorlugit akilerneqarsimasut uppernarsaatissaat pisariallit tamaasa toqqortarisariaqartussaassavaat. Soraarnerussutisiaqarnissamut aaqqissuussinernik taamaattunik atuinissaq akileraartartunilluunniit ikittuinnarnit toqqarumaneqarnissaa aallaqqaasiutigalugu naatsorsuutigineqarpoq.*

*Inummut ilanngaatiq ilaata atorineqanngitsup akileraarutitigut nalinganik tunniussisarnissamut tunngasoq ukiuni aggersuni amerlasuuni taasarialimmik malunniuttussaannigilaq, soraarnerussutisiallimmi tamarmik utoqqalinersiutinik aningaasarsianillu allanik pisarnertik pissutigalugu aningaasarsiaat akileraaruteqaataasussat ima amerlatigissapput, inummut ilanngaatiq tamakkerlugu atorsinnaassallugu. Piffissaq ungasinnerusoq eqqarsaatigalugu soraarnerussutisiallit ikittunnguit ima inissisimassangatinneqarput, aningaasarsiaasa amerla-*

*nersaat soraarnerussutisiaqarnissamut aaqqissuussinernit nunani allaniittunit akileraaruteqaataasussaannngitsumik tunniunneqartunit pisuussallutik, aningaasarsiallu taakku ima qaffasitsigissallutik allaat soraarnerussutisialik utoqqalinersiutinik pisinnaanani imaluunniit aningaasarsianik allanik ima ikitsigisunik pisassalluni, allaat inummut ilannga atorsinnaangu. Qinnuteqarnissamut periussamik pisariitsumik aaqqissuussisoqarnissaa, akileraaruserif-fiullu paasissutissat pigineqareersut sapinngisamik atorsinnaassagai naatsorsuutigineqarpoq.*

IMAK soraarnerussutisiaqarnissamut ileqqaartunut, peqqinngissuteqarnertik pissutigalugu sulisinnaajunnaartunut kingunerluutissai pillugit allakkiamik malinnaasitsiumavoq.

*Lærernes Pensionimit allakkiaq tiguneqarpoq ataanilu oqaaseqarfigineqarpoq.*

IMAK-ip oqaatigaa siunnersuut soraarnerussutisiaqarnissamut aningaasaateqarfinnut/sillimmasiisarfinnut aningaasartuuteqarnerulersitsissasoq ileqqaartunit akilerneqartussanik. Soraarnerussutisiaqarnissamut aningaasaateqarfiit/sillimmasiisarfiit allaffissornermut IT-mullu ator-tunik pisariaqartunik peqariinngitsut tamakkuninnga ineriartortitsinissamut sivikinnerpaamik ukiumik ataatsimik piffissaqartariaqassapput.

*Siunnersuut soraarnerussutisiaqarnissamut aningaasaateqarfiit aamma inuunermut soraarnerussutisiaqarnissamullu sillimmasiisarfiit allaffissornermut IT-mullu ator-tunik, aningaasat akileraarusigaasut atorlugit akiliutinik suliaqarnissamut atorsinnaasunik ineriartortitsinissaannut aningaasartuuteqartitsissaaq, tassa soraarnerussutisiaqarnissamut aningaasaateqarfiit il.il. aaqqissuussinernik taamaattunik neqerooruteqareersimangippata. Soraarnerussutisiaqarnissamut aningaasaateqarfiit aamma inuunermut soraarnerussutisiaqarnissamullu sillimmasiisarfiit arlaqartut ilaasortatik sullitatillu aaqqissuussinernik taamaattunik maanna neqerooruteqarfigereerpaat. Sulisussat nunat killeqarfii apeqquataatinnagit suliar-tortartut amerliartuinnarput. Taamaattumik soraarnerussutisiaqarnissamut aningaasaateqarfiit il.il. ilaasortaminnut sullitaminnullu neqeroorutaat, ilaasortaanerup pioreersup ingerlatiinnarnissaanut nutaamilluunniit ilaasortanngornissamut periarfissiisut ineriartornerup malitsigiinna-gaasut isigisariaqarunarput.*

*Inatsisissatut siunnersuummik maanna saqqummiunneqartutut ittumik saqqummiussisoqar-nissaata naatsorsuutigineqarsinnaanera Naalakkersuisut piffissami sivitsulersumi ilimasaa-rutigereerpaat. Tamanna soorlu takuneqarsinnaavoq 2015-imi aningaasanut inatsimmi kontu pingaarnermi 20.11.51, Aaqqissuusseqqinerit sunniutaat. Taamaammatt, aammalu soraarne-russutisiaqarnissamut aningaasaateqarfiit soraarnerussutisiaqarnissamut aaqqissuussinernik ilaasortaminnut Danmarkip avataaniittunut naleqquttunik neqerooruteqarnissartik nammi-neerlutissaaq soqutigissagunarmassuk, soraarnerussutisiaqarnissamut aningaasaateqarfiit*

*il.il. naammaginartumik sivisussuseqartumik ilimasaarneqareersimanissaat pisimasorinarpoq.*

IMAK isumaqarpoq inatsisissatut siunnersuut sulisussanik pissarsiniartarnermut ajornartorsiortitsisinnaasoq.

*Inatsisissatut siunnersuut akileraartartunut ataasiakkaanut aningaasatigut sunniuteqartussaannngilaq. Inatsisissatut siunnersuutip kingunerissavaa, ilanngaasiisinnaaneq atorunnaassasoq, soraarnerussutisiaqarnissamut aningaasaateqarfimmu imaluunniit inuunermut aamma soraarnerussutisiaqarnissamut sillimmasiisarfimmu, Kalaallit Nunaanni najugaqannngitsumut akiliineq pippat. Sulisuusut nutaamik atorfinittut atugassarititaasut il.il., matumani aamma atorfigilikkaminni soraarnerussutisiaqarnissamut tunngasut pillugit paasiniagassaqartarnerat amerlanertigut pisariaqartarpoq. Tamanna pingaartumik nunami allami atorfininnissamik qinnuteqarnermi pisarunarpoq. Taamaammat inatsisissatut siunnersuutip sulisussanik pissarsiniartarnermut ajornartorsiortitsinissaanik naliliineq Naalakkersuisut isumaqatiginngilaat.*

IMAK-ip oqaatigaa siunnersuut soraarnerussutisiallit namminerisamik illuminnut atatillugu ernianut aningaasartuutigiunnakkaminnik ilanngaateqarsinnaanermik atuisinnaannginnerannik kinguneqarsinnaasoq, tamannalu namminerisamik illumik pisiumassutsimik millisitsissasoq.

*Ajornartorsiut taanna § 39 b-tut siunnersuutikkut isumannaarneqareersorinarpoq, tak. inatsisissatut siunnersuummi nr. 5.*

IMAK-ip oqaatigaa inatsisissatut siunnersuut soraarnerussutisiallit amerlanerusut soraarnerussutisianut tapinik ineqarnermullu tapiissutinik pisinnaalernerannik kinguneqassasoq.

*Qulaani immikkoortoq 2-mi oqaatigineqartutuut inatsisit atuuttut arlaqartut naleqqussarnissaat piffissap ingerlanerani pisariaqartussaaq, soraarnerussutisianit tunniunneqartartut akileraaruteqaataasussaannngitsut taamaalillutik naatsorsoqqinneqartassallutik aningaasarsianullu akileraaruteqaataasussanut ilanngunneqartassallutik. Taamaaliornikkut innuttaasut marluk assigiissunik aningaasarsiaqaraluartut naligiissinneqassapput.*

Taarsiiffigineqarnissamik Danmarkimut isumaqatigiissuteqarnissamik siunnersuummut tunngatillugu IMAK-ip oqaatigaa danskit naalagaaffiannut isumaqatigiissuteqartoqarsinnaasoq, soraarnerussutisiaqarnissamut aqqiussuussinernit Danmarkimiittunit, Kalaallit Nunaanni atorfeqartitaanernit soraarnerussutisiaqarnissamut akiliuteqarfigineqartartunit soraarnerussutisiatut tunniunneqartut akileraarutissaralunit Kalaallit Nunaata annaasassai immaqa ataatsimoorumik tapiissutit aqutugalugit taarserneqarsinnaasut. Aqqiussuussineq inatsisinik allannguisa-

riaqarnermik kinguneqartussaangilaq, taamatullu aamma sulisuusunut ataasiakkaanut imaluunniit soraarnerussutisiaqarnissamut aningaasaateqarfinnut/sillimmasiisarfinnut allannguernik nassataqartussaanani.

*Danskit akileraartarnermut ministererisimasaata nunatta unammilligassai paasisinnaanerarlugit allakkatigut 16. marts 2015-imeersutigut oqaatigaa, nalimmassaanissamilli aaqqissuussinissaq aqqtissaasorinngilaa. Akileraartarnermut ministerip nalunngisai malillugit nunat allat danskit soraarnerussutisiaqarnissamut aaqqissuussinerinut akiliutinik ilanngaateqartisisarnerat immikkut aqqtissiuussaavoq. Taamaammat ministeri isumaqarpoq soraarnerussutisiaqarnissamut ileqqaakkanik ilanngaatiginnissinnaannginneq sulisitsisullu tamakkuninnga isumaginnittannginnerat, nunarsuarmi tamarmi tassaasut sulisussanik nunanit allaneersunik pissarsiortarnermi sulisorinniinnarniarnermilu piumasaqaatinut tunngaviusunut ilasartut.*

*Taarsiiffigineqarnissamik isumaqatigiissutissaq paasisutissanik, aaqqissuussinerup maanna atuuttup aningaasatigut sunniutaanik takussutissiisinnaasunik qanoq iliorluni tunngavissinnersinnaanersoq Akileraartarnermut Ministereqarfimmuot siusinnerusukkuot oqaloqatiginnissutaavoq. Periusissamik atorsinnaasumik nassaartoqarsinnaasimannngilaa, taamaanneralu taarsiiffigineqarnissamik isumaqatigiissutip siusinnerusukkuot atuuttup, danskit kalaallillu marloriaammik akileraannginnissaq pillugu isumaqatigiissutaat 2012-imi allanngortinneqaromat atorunnaarsinneqarneranut pissutaasunut pingaarnernut ilaavoq.*

Nunap qimannerani akileraartinneqarnissamik siunnersuut pillugu IMAK allappoq, soraarnerussutisiaqarnissamut ileqqaakkat Kalaallit Nunaanni atorfinitsitaanermeersut Kalaallit Nunaannut tamakkiisumik akileraartussaataaneq kipisorlu akileraaruserneqartarnissaat pillugu Danmark isumaqatigiissuteqarfigineqarsinnaasoq. Aaqqissuussineq taamaattoq Kalaallit Nunaata soraarnerussutisiaqarnissamut ileqqaakkanik akileraarutitigut isertitassaanik qulakkeerisuussaaq, aammalu siunissami soraarninngortussat Kalaallit Nunaanni najugaqaannartussat eqqarsaatigalugit Kalaallit Nunaata akileraarutitigut isertitassatigut annertuumik annaasaqannginnissaanik qulakkeerissalluni. Siunnersuutittaaq assersuutigalugu kingunerissavaa inuiaqatigiit isumaginninnermut aningaasartuutaasa ikinnerulernerat.

*Taamatut aaqqissuussisoqassappat ilaatigut akileraarusigassat qanoq naatsorsorneqarnissaat Danmarkip Kalaallillu Nunaata isumaqatigiissutigisinnaasariaqassavaat. Naatsorsuinnermi assersuutigalugu soraarnerussutissiassat piffissani nunamut tikiffimmi nunamillu aallariffimmi amerlassusii imaluunniit akiliutit iluanaarutitassaannik assigisaannilluunniit taperlugit aallaavigineqassappat. Apeqqut pingaarutilik alla tassaavoq soraarnerussutisiaqarnissamut akiliutit isumaqatigiissut atuutilersinnagu akilernerqarsimasut nunap qimannerani akileraartinneqarnissami ilaatinneqassanersut imaluunniit akileraarusiinissaq akiliutinut piffissap atuutilerfiup kingorna akilernerqartunut aatsaat atuutissanersoq. Akileraarusigassat qa-*

noq naatsorsorneqarnissaat Danmarkip Kalaallillu Nunaata isumaqatigiissutigisinnaappas-  
suk inatsisit, danskit soraarnerussutisiaqarnissamut aningaasaateqarfii aamma inuunermut  
soraarnerussutisiaqarnissamullu sillimmasiisarfiisa Kalaallit Nunaanni akileraartarnermut  
oqartussaasunut naatsorsukkanik suliaqartarnissaannik soraarnerussutisiallu akileraaruti-  
taannik Kalaallit Nunaannut akiliisarnissaannik peqqusisut Danmarkip akuersissutigissavai.  
Soraarnerussutisiaqarnissamut aningaasaateqarfii Kalaallit Nunaanniittut danskit akileraar-  
tarnermut oqartussaasuinut nalunaaruteqartarnissaat akiliisarnissaallu pillugit inatsisinik  
Kalaallit Nunaata taamatutaaq akuersissuteqarnissaa Danmarkip piumasarissagaa ilimagi-  
neqarsinnaavoq.

Nunap qimannerani akileraaruteqartitsineq allaffissorneq eqqarsaatigalugu soraarnerussuti-  
siaqarnissamut aningaasaateqarfinnut/sillimmasiisarfinnut, pisortanut innuttaasunullu assi-  
giinnigtsunik unammilligassaqartitsissaaq. Inuit 2.733-t 2014-imi Kalaallit Nunaanniit Dan-  
markimut nuupput. Inuit taakku ilaat 1.652-it Kalaallit Nunaanni suliffeqarsimapput. Inuit  
taakku 1.652-it ilaat qanoq amerlatigisut soraarnerussutisiaqarnissamut ileqqaakkanut Dan-  
markimiittunut akiliisimansut paasissutissaatigineqanngilaq, pineqartulli 50 procentiinit  
amerlanerusut taamaaliorsimanissaat ilimagissallugu pissutissaqarsorinarpoq. Danskit so-  
raarnerussutisiaqarnissamut aningaasaateqarfii aamma inuunermut soraarnerussutisiaqar-  
nissamullu sillimmasiisarfiit innuttaasunit pineqartunit tamanit akileraarusigassanik naatsor-  
suisussaasimassapput. Naatsorsuineq taamaattoq innuttaasut akileraartarnermullu oqartus-  
saasut atuarsimassallugulu misissorsimassavaat.

Akileraartartoq sulinini tamaat Kalaallit Nunaanniissimasoq, soraarninngornerminilu tassa-  
niiginnartoq soraarnerussutisiaqarnissamut aaqqissuussinermut nunami allamiittumit soraar-  
nerussutisianik pisaraluaruniluunniit nunap qimannerani akileraaruteqartitsinermut eqqorne-  
qarnaviangilaq. 2014-imili Danmarkimut nuuttorpasuit ilimanarsisippaat innuttaasut  
amerlasuut, aamma innuttaasut soraarninngornerminni Kalaallit Nunaanniiginnartussatut  
naatsorsuutigineqarsinnaagaluartut inuunermik ilaani sukkulluunniit nunap qimannerani aki-  
leraaruteqartitsinermut eqqorneqassasut.

IMAK-ip allamut tunngatillugu uparuarpaat inatsisissatut siunnersuutip saqqummiunneqartup  
soraarnerussutisiaqarnissamut aningaasaateqarfii/sillimmasiisarfiit aningaasartuuteqarne-  
rulersissagai. Nunap qimannerani akileraaruteqartitsinerup aningaasartuutinik, matumani  
aamma atortunik ineriartortitsinermut aningaasartuutinik taakku minnerpaamik amerlaqa-  
taannik kinguneqarnissaa takuneqarsinnaavoq.

Naalackersuisut isumaqarput inatsisissatut siunnersuut saqqummiunneqartoq unammilligas-  
sanut aaqqissuutissat pitsaanersarigaat, nunat allat peqataajumassusiat apeqqutaatinnigikka-  
luarlugu Kalaallit Nunaanni aaqqiissutaasinnaanini pissutiginerullugu.

Taarsiiffigineqarnissaq pillugu Danmarkimut isumaqatigiissuteqartoqarnissaa IMAK-ip inasutigaa. Namminersorlutik Oqartussat SISA-mit tunniunneqartartunit akileraarutitigut maanna isertitaqartareerput, tunniunneqartut taakku soraarninngorsimasunut Danmarkimiittunut Kalaallilluunniit Nunaanniittunut tunniunneqartarnerat apeqqutaatinnagu. Aaqqissuussineq taamaattoq soraarnerussutisiaqarnissamut aaqqissuussinernut Kalaallit Nunaanni atorfeqartitaanermut tunngasunut nalinginnaasumik atorneqarsinnaassagalarpoq.

*Taarsiiffigineqarnissamik isumaqatigiissuteqarnissap aqutissaannginneranik danskit akileraararnermut ministererisimasaata oqarsimanera qulaani taaneqarpoq. Namminersorlutik Oqartussat SISA-p soraarnerussutisiatut tunniussaasa akileraarutaannik pisarnerannut pissutaasut tassaapput SISA-p Kalaallit Nunaanni angerlarsimaffeqarnera aamma Kalaallit Nunaata SISA-mut akiliutinik ilanngaateqartitsisimanera. Soraarnerussutisiaqarnissamulli aningaasaateqarfik il.il. Danmarkimi angerlarsimaffeqarpat Danmarkilu akiliutinik ilanngaateqartitsisimalluni, taava Danmark akileraarusiisuusaaq. Aamma taamaassaaq innuttaasoq piffissami tunniussiviusumi Kalaallit Nunaanni najugaqarpat.*

Taarsiiffigineqarnissamik isumaqatigiissuteqartoqarsinnaannginnera Danmark politikikkut oqaloqatigereerlugu paasinarsippat, Naalakkersuisut nunap qimannerani akileraarusiisarnissamik aaqqissuussinissaq pillugu danskit naalakkersuisuinut isumaqatigiissuteqartariaqarput. Inatsisissatut siunnersuutip saqqumiunneqannginnissaa, isumaqatigiissutinilli pisariaqartunik Naalakkersuisut danskillu naalakkersuisuisa isumaqatigiissuteqarnissaat IMAK-ip siulersuisuisa sakkortuumik inassutigaa.

*Nunap qimannerani akileraaruteqartitsinermik aaqqissuussineq pillugu qulaani taaneqartut innersuussutigineqarput.*

Tusarniaanissaq sioqqullugu tusarniaaqaarnermit akissutit

IMAK-p tusarniaanermut akissummini, inatsisissatut siunnersuutip tusarniaassutigineqaaqaarnerani akissutini november 2015-imeersoq innersuussutigaa. Tusarniaanermut ataatsimoorluni akissutinut kattuffiit makku tunuliaqutaapput: IMAK, Atorfillit Kattuffiat (AK), Peqqinnissaq Pillugu Sulisut Katuffiat (PPK), Nunatsinni Perorsaasut Kattuffiat (NPK) aamma Sulisitsisut (GE).

IMAK-ip Sulisitsisullu (GE) innersuussinerisa kingunerisaannik kattuffiit tusarniaaqaarnermi akissutaasa pingaarnersaat taakkunungalugu akissutit ataani issuarneqarput. Tusarniaaqaarnermi akissutit tusarniaaneq pillugu allakkiamut 18. november 2015-imeersumut ilanngullugit Aningaasaqarnermut Akileraararnermullu Ataatsimiititaliamut 3. december 2015-imi nassiunneqarput.

Kattuffiit isumaqarput Landskarsip aningaasat marloriarluni pissagai, ataatsimoortumimmi tapiissutit pillugit danskit naalagaaffiannut isumaqatigiissummi ilaareerpoq equnganeq (soraarnerussutisiassat Kalaallit Nunaanniinnermi ileqqaariarlugit Danmarkimi tunniunneqartarnerat) matussuserniarlugu ukiumut 20 mio. kr.-it ilanngunneqartarnerat.

Kalaallit Nunaata Danmarkillu akornanni allaffeqarfikkoortumik ataatsimut aaq- qeeqatigiinnissaq kattuffiit siunnersuutigaat, taassuma kingunerisaanik naalagaaffeqatigiiffiup ilaa akiliutinik ilanngaateqartitsisimasooq aningaasat akiliutinut naapertuuttut tunniunneqarneranni akileraarutinik akitsuutinillu akiligassiisartussanngorlugu.

*Tamanna paatsuineruvoq, matumanimi innersuussutigineqarpoq aaqqiissuussineq atuukkunnaareersoq 2012-imilu isumaqatigiissuteqarnikkut atorunnaarsinneqareersoq. Iseritassaraluit annaasat ataatsimoortumik tapiissutit aqputigalugit utertinneqartarnissaannik oqartussaasut akornanni allaffeqarfikkoortumik aaqqiissuussinissaq siunertaralugu Naalakkersuisut danskit akileraartarnermut ministeriat 2014-imi attaveqarfigaat. Aaqqiissutissatut siunnersuut akileraartarnermut ministerimit itigartitsissutigineqarpoq.*

*Aaqqiissutissatut siunnersuutaasoq atorneqassappat danskit kalaallillu soraarnerussutisianik akileraarusiisarnermik inatsisaannik allannguinnissat pisariaqassapput, soraarnerussutisiaqarnissamut aningaasaateqarfiit atortuinut nutaanik piumasaqaateqarnermik kinguneqassaaq, aammalu nunani taakkunani marlunni soraarnerussutisiat tunniunneqartarneranni ingerlaavartumik nakkutilliinissamut atortunik nutaanik pisariaqartitsinermik nassataqassalluni – ilaatigut ukiunik 40-nik amerlanerusunilluunniit nikingasumik. Taamaammat ataatsimoorusamik allaffeqarfikkoortumik aaqqiissuteqarnissaq peqataasussamik imminnut attuumassuteqanngitsunik ima amerlatigisunik akuliutsitsinissamik nassataqartussaqaq atorneqarsinnaanngitsutut nalilerneqarpoq.*

Soraarnerussutisiat pillugit inatsisit pisariunerulissagaluarpata tamassuma suliussamik pissarsiniartarnermut ajoqutaanissaa kattuffiit tikkuarpaat.

*Soraarnerussutisiaqarnissamut aningaasaateqarfiit Aningaasaqarnermullu Naalakkersuisoqarfiup soraarnerussutisiat pillugit 2015-imi junimi isumasioqatigiinneranni soraarnerussutisiaqarnissamut aningaasaateqarfinit oqaatigineqarpoq, nunanut allanut suliarortoqartillugu nunat allat danskit soraarnerus-*



*sutisiaqarnissamut aningaasaateqarfiinut akiliutinik ilanngaateqartitsisanngin-  
nerat nalinginnaalluinnartoq.*

*Ileqqaagaqartut danskit soraarnerussutisiaqarnissamut aningaasaateqarfiinut  
soraarnerussutisiaqarnissamut akiliutaasa marloriaammik akileraaruserneqan-  
nginnissaannut maleruagassanik atuutsitsinissaq danskit soraarnerussutisianik  
akileraarusiisarnermi inatsisaanni eqqumaffigineqarpoq. Taamaammat innut-  
taasunut soraarnerussutisiaqarnissamullu aningaasaateqarfinnut paasissutis-  
siissutinik paasiuminartunik suliaqartoqarnissaa soraarnerussutisiaqarnissamut  
aningaasaateqarfiit pingaartippaat, tassuunakkut suliffissarsiortup akileraaruti-  
tigut kingunerisassat pillugit toqqissisimanissaa paasinnilluarnissaalu siunerta-  
ralugit.*

Akileraarusiisarnermik siuartitsinerup aaqqiipallanniutaannaanera kattuffiit upa-  
ruarpaat, allatut oqaatigalugu, tassuunakkut isertinneqartussat Aningaasanut  
inatsimmi amigartoorutissanut matussusiinernut atorneqassapput.

*Nunatsinni akileraartartut danskit soraarnerussutisiaqarnissamut aningaasaa-  
teqarfiinut akiliutaannik naatsorsukkami akileraartarnermut ministereqarfimmit  
suliarineqartumi takuneqarsinnaavoq 138,7 mio. kr.-it 2014-imi akilernerqarsi-  
masut, tassa akileraarutitigut isertinneqarsinnaagaluartunut 55-60 mio. kr.-inut  
naapertuuttut.*

*Danskit soraarnerussutisiaqarnissamut aningaasaateqarfiinut akiliutitigut aki-  
leraarutininut isertinneqartussat 60 %-iisa missingisa danskit naalagaaffiannut  
tuttussanngussagaluarnerat erseqqissassallugu pingaartuuvoq. Missingersuineq  
siuliani taaneqartoq maanna akiliutaasartut akileraartartup inunngorfianut sa-  
nilliullugit naatsorsugaapput.*

*Inuit Kalaallit Nunaata avataani inunngorsimasut aningaasarsiaat tamarmiusut  
ukiumut 2 mia. kr.-iupput. Anguniagaavoq innuttaasut tamarmik aningaasarsia-  
mik tamarmiusut minnerpaamik 10 %-ii soraarnerussutisiaqarnissamut ileq-  
qaakkanut akilertassagaat, tassa imaappoq inuit, soraarnerussutisiassatik tun-  
niunneqarpata qularnanngilluinnartumik Kalaallit Nunaannut akileraartussaa-  
sussaannngitsut soraarnerussutisiaqarnissa–mut ileqqaakkanut ukiumut akiliutis-  
saasa minnerpaamik 200 mio. kr.-iusut amerlaqataat.*

*Tamanna maleruagassat atuuttut malillugit isumaqarpoq akiliutit tamakku akileraarutitigut nalingi, minnerpaamik ukiumut 85-90 mio. kr.-it toqqaannangik-kaluamik danskit naalagaaffiannut nuunneqartartut.*

*Takornariaqarnermik suliat aatsitassarsiornermillu ingerlatat amerliartornerat ilutigalugu inuit piffissami sivikitsumi Kalaallit Nunaanniittartut amerlissapput, taamaattumillu inuit soraarninngornerminni Kalaallit Nunaanniissagunanngitsut aningaasarsiaat tamarmiusut taamaaqataanik amerlissapput.*

*Soraarnerussutisiaqarnissamut pinngitsoorani ileqqaagaqarnissaq ileqqaarnermik annertusisitsissaaq, aamma ileqqaartut Kalaallit Nunaanni soraarnerussutisiaqarnissamut aningaasaateqarfinni ileqqaagaannik. Tamanna akileraarutitigut isertitassat ikilinerannik kinguneqassaaq. Akileraartarnermi maleruagassat atuuttut atuutitiinnarneqarpata, taava aningaasarsianit tamarmiusunit minnerpaamik 10 %-inik ileqqaarnejq ileqqaakkat ukiumut 4-500 mio. kr.-inik amerli-nerannik kinguneqassooq tagginneqarpoq, tamannalu aaqqissuussineq tamakkii-sumik atuutsinneqaleriarpat akileraarutitigut isertitassat ukiumut 200-240 mio. kr.-inik ikilinnissaannik kinguneqassaaq. Soraarnerussutisiaqarnissamut aningaasaateqarfinnut nunani allaniittunut akiliutinik akileraarusiisarnermik siuartitsinerup kingunerisaanik ikileriaatit ikinnerulissapput, ileqqaarnerulerne-rullu atuutsikkiartuaarnera pisortat aningaasaqarneranni aqukkuminarnerulis-saaq.*

*Soraarnerussutisiaqarnissamut ileqqaarnerulerneq pingaartumik kinguaariinnut aggersunut (aaqqipallanniummut) iluaqutaasussaavoq, aningaasaqarnermillu politikkip attaneqarsinnaanerani annertusisitsissalluni. Tassa imaappoq Aningaasaqarnermut Naalakkersuisoqarfik isumaqarpoq aaqqissuusseqqinnerit tamarmiusut kinguaariinnut aggersunut iluaqutissaasut.*

*Kattuffiit isumaqarput akileraarutitigut isertitassat nutaat, pitsannorsaanissamik siuarsaanissamillu suliniuteqarnissanit pingaartinneqarnerusut.*

*Qulaani taaneqareerpoq akileraarusiisarnermik siuartitsineq soraarnerussutisiaqarnissamut pinngitsoorani ileqqaarnissamut attuumassuteqartinneqassasoq. "Oqartoqarsinnaangajappoq" akileraarusiisarnermik siuartitsineq soraarnerussutisiaqarnissamut pinngitsoorani ileqqaarnissamik aningaasalersueqataas-sasoq, pisortallu aningaasaqarniarnerata suliniutinut, aningaasarsiornikkut ineriartornermut ikorfartuutaasussanut akissaqartitsiuarneqat qulakkeereqataassasoq. Kissaatigineqartut amerlaqaat; tamat iluaqutissaannik pitsan-*

*ngorsaanerit, inuusuttut sullinneqarnikkut sammineqarnerunissaat, ilinniagaqarnerup qaffasinnerulersinneqarnissaa, inuusutissarsiutinik ingerlataqartut tunngaviusumik atugarisaannik pitsanngorsaaniisaaq, matumani aamma inuusutissarsiutinik ingerlataqartunik akileraarusiisarnermik allannguinnissat assigiinngitsut, aningaasaliiumassutsimut pitsanngorsaataasussat.*

*Aamma missingersuutitut inatsimmik nutaamik, pisortat ingerlatsiviisa sulisutigut aningaasatigullu pigisaminnik sapinngisamik pitsaanerpaamik atuinnissannut atortussaqaarnissamik qulakkeerisussamik, UPA2016-imi saqqummiussinissaq naatsorsuutigineqarpoq.*

Naalakkersuisut akileraarusiisarnermik siuartitsinikkut isertinneqartussatut naatsorsuutigisaat qularnartuunerarlugit naatsorsuinerillu missingersuutinik qularnaatilinnik tunngaveqarnerarlugit kattuffiit isornartorsiupput.

*Akileraarusiisarnermik siuartitsinikkut akileraarutitigut isertitassat kalaallit akileraartartut piffissami 2010-miit 2014-imut, danskit soraarnerussutisiaqarnissamut aningaasaateqarfii akiliutaannik tamarmiusunik imaqartumik tunngaveqarput.*

Soraarnerussutisiaqarnissamut aaqquisuussinerit tamarmik	2010	2011	2012	2013	2014
	--- mio. kr. ---				
Soraarnerussutisiaqarnissamut aaqquisuussinernut danskit soraarnerussutisiaqarnissamut aningaasaateqarfiiniittunut akiliutit Katillugit	121	120,1	127,7	131,3	138,7

Tabel 3, najoqqutaq SKAT-ip nalunaarsugai. 2014 kisitsisaataagallartut

*2017-imi isertitassat Aningaasanut inatsimmi 55 mio. kr.-iusussatut taaneqarput, tassa 2017-imi danskit soraarnerussutisiaqarnissamut aningaasaateqarfii akilerneqartussat 2014-imi akilerneqartut amerlatiginissat pisarnertut naatsorsuutigissagaanni.*

*Isertinneqartussatut naatsorsuutaajuartut, tassa imaappoq innuttaasut ilaannit, soraarnerussutisiat tunniunneqarneranni Kalaallit Nunaanni najugaqartussaangitsutut naatsorsuutigineqartuneersut 30-35 mio. kr.-iusutut missingersorne-*

*qarput. Missingersuut taanna innuttaasut Kalaallit Nunaata avataani inunngorsimasut akissarsiaat tamarmiusut tunngavigalugit naatsorsugaavoq. Missingersuineq innuttaasup nunami sumi najugaqarumaarneranik – ilaatigut ukiut 35-40-t qaangiuppata, naatsorsuutigisanik tunngaveqarmat misissueqqissaaqqinnissat eqqornerusumik missingersuineramik kinguneqarnaviangillat. Taamaaliornissaq ajornarlunnassaaq.*

*Ukiut soraarninngorfissat nalleraangata Kalaallit Nunaanniit nuuttartut, pingaartumik innuttaasut soraarnerussutisiatigut aqqissuussinernik pitsaasunik peqartut, amerlasoorujussuupput, tamanna utoqqanngornermi pensionisialinnik maanna maaniittunik misissueqqissaarnerup uppernarsarparaa. 2014-imi utoqqalinermi pensionisiallit 88 %-ii utoqqalinermi pensionisiamik saniatigut 50.000 kr.-inik taakkuluunniit ataallugit aningaasarsiaqarput, 96 %-iilu utoqqalinermi pensionisiamik saniatigut 150.000 kr.-inik taakkuluunniit ataallugit aningaasarsiaqarlutik. Kisitsisitigut takuneqarsinnaavoq allaat inuit Kalaallit Nunaanni inunngorsimasut soraarninngoraangamik nunamit nuuttartut. Missingersuinermi ilaavoq inuit Kalaallit Nunaanni inunngorsimasut soraarninngornerminni Nunatsinniiginnartussat, tjenestemandinut aqqissuuserup atorunnaariartorerata, nunaqavissut ilinniagaasa qaffasinnerulernerisa aammalu pisortanit utoqqalinermi pensionisiaqartitsinerup pitsaanerulernerata kingunerisaannik amerliumaartut.*

Sillimmasiineramik aqqissuussinernut akiliutit soraarnerussutisianut akiliutinit akilernerqartarnerannik ajornartorsiutit, taamaattumillu akileraarusiinerup siuartinneqarneratigut ilanngaatigineqarsinnaannginnerat, kisiannili tunniunneqarnerminni akileraaruserneqartussaanerat kattuffiit tikkuarparaat.

*Assigiimmik pinnittoqartariaqarpoq, taamaammat akiliutit ilanngaatigineqarsinnaassapput imaluunniit ingerlaavartumik tunniunneqartut akileraarusigassaassangillat.*

Soraarnerussutisiaqarnissamik aqqissuussinernit akileraaruteqaataasussaangitsumik tunniunneqartut kingunerisaannik, aningaasarsianik akileraaruteqaataasussanik peqannginnissap inummut ilanngaatip aamma nammineq inigisanut taarsigassarsiat erniaannik ilanngaateqarsinnaanerup atunngitsoorneqarsinnaanerannik kinguneqarnissaa kattuffiit eqqaasitsissutigaat. Kattuffiit tikkuarparaat ilanngaatinut tunngatillugu tunniunneqartussat Landskarsimut ukiumut 24,3 mio. kr.-inik naleqassasut. Akileraarutitigut isertitassat siunissaq ungasinnerusoq eq-

qarsaatigalugu nassuiarneqannginnerat kattuffiit tassunga ilanngullugu ernumasutigaat.

*Tamanna piviusunnungussappat pissutsit arlaqartut eqquutsinneqarsimanissaat kattuffiit namminneerlutik eqqaasitsissutigaat.*

- 1. Soraarnerussutisianit tunniunneqartut ukiumut 340.000 kr.-init amerlanerussapput*
- 2. Ilangaat aappaasumut nuunneqarsinnaassanngilaq*
- 3. Soraarnerussutisialik akileraaruteqaataasussaannngitsumik tunniunneqartartuinnarnik aningaasarsiaqarsinnaassaaq*

*Innuttaasut amerlassusiisa allanngoriartornerat pillugu Naatsorsueqqissaartarfiup kisitsisaataasa takutippaat innuttaasut 66-it sinnerlugit ukiullit 2040-mi 5.680-iujumaartut. Soraarnerussutisiaqarnissamut aaqqissuussinermi ukiumut tunniunneqartartut 340.000 kr.-iuppata, matussutissallu 70 %-iuppata, taava innuttaasoq sulinini tamaat agguaqatigiussillugu ½ mio. kr.-ingajannik aningaasarsiaqartarsimassaaq.*

*Innuttaasut 10 %-ii inorlugit 2014-imi, tassa imaappoq ukiumi akileraarfiusumi ataasiinnarmi, 500.000 kr.-it sinnerlugit akissarsiaqarsimapput. Inuit Kalaallit Nunaata avataani inunngorsimasut taakkunannga ilanngaaticigaanni amerlassusiat ikileriarujussuassaaq, taassumalu saniatigut aamma aappaariit piumasaqaatinik tamarmik naammassinnissimassappata amerlassusiat suli ikileriarnerussaaq.*

*Taamaammat inuit 1.000-it, tassa 2040-mi utoqqalinermi pensionisiaqartussatut naatsorsuutigineqartut 20 %-ingajaat piumasaqaatinik tamanik naammassinnissimanissaannik kattuffiit ilimaginninnerat missingersuineruvoq paasisutissanik tunngaveqanngitsoq.*

*Innuttaasup namminerisamik ineqarnissaa piumasaqaatitut ilanngunneqassappat, piffissamilu soraarninngorfimmi ernialimmik taarsigassarsiaqarpat, taava innuttaasut pineqartut amerlassusii suli ikileriaqqissapput. Sapinngisamik amerlanerpaat namminerisaminnik ineqarnissaat Naalakkersuisut anguniagaraat. Taamaattumik utoqqalinermi pensionisiallit ineqarnermut akiliutaat pillugu nalornisitsilernissaaq Naalakkersuisut anguniagarinngilaat. Taamaammat ajornartorsiummik eqqorneqartussatut naatsorsuutigineqartussat ikittuararsuussagaluartut apeqquut taanna eqqaamaneqassaaq.*

Kattuffiit tikkuarpaat aaqqissuussinermik atorunnaarsitsinermi akitsuutip qaffan-  
neqarnera (45 %-imiit 55 %-imut) inunnut, nammineq inuttut atukkatik pissuti-  
galugit soraarnerussutisiaqarnissamut aaqqissuussinerminnik atorunnaarsitsisari-  
aqartunut ajornartorsiortitsisinnaasoq.

*Ajornartorsiut qulaajarneqarsinnaassappat kattuffiit nammineq inuttut atukkat  
suusinnaanerinit assersuutinik piviusunik saqqummiusseqqullugit Aningaasa-  
qarnermut Naalackersuisoqarfimmit kajumissaarneqarput.*

Akilerarusiisarnermik siuartitsinerup kingunerisaanik akileraarutitigut isertitas-  
sat 50 %-it missaannik ikileriaateqarnissaannik naatsorsuilluni assersuut kattuf-  
fiit saqqummiuppaat.

*Kattuffiit naatsorsugaanni akileraarutitigut isertitassat ikileriaataat ileqqaakkat  
ernialersorneqarnerannik, taamatullu aamma akileraarutip akilerneqartup erni-  
alersorneqarneranik pissuteqarpoq.*

*Akilerarusiisarnernup siuartinneqarneratigut isertitassat soraarnerussutisia-  
qarnissamut pinngitsoorani ileqqaarnermik aningaasalersueqataassappata ta-  
manna – qanorluunniit pisoqaraluarpat – isumaqarpoq soraarnerussutisiaqar-  
nissamut akiliutinik nutaanik ernialersuineq aaqqissuussinernik pioreersunik er-  
nialersuinertut issasoq, taamaammallu tassunga tunngasoq akileraarutitigut  
isertitassanut sunniuteqartussaannigisoq. Aamma ileqqaarnerulerneq siunissa-  
mi soraarninngortussat aningaasatigut atugassaqarnerunissaannik, taamaalil-  
lutillu atuinissamut periarfissaqarnerunissaannik kinguneqassaaq. Tamanna  
isumaqarpoq soraarnerussutisiallit inuiaqatigiit aningaasaqarnikkut ingerlan-  
neqarneranni ullumikkornit annertunerusumik peqataalissasut.*

*Oqaatigineqareersutuut soraarnerussutisiaqarnissamut aningaasaateqarfinnut  
nunani allaniittunut maanna akiliutaasartut 60 %-iisa Kalaallit Nunaanni akile-  
raaruserneqartussaanniginnissaat tagginneqarpoq. Taannaannarluunniit eqqar-  
saatigigaanni akilerarusiisarnermik siuartitsineq ilanngaattissat ilanngaatige-  
reerlugit isertitassanut pitsaasuussaaq.*

*Kiisalu akilerarusiisarnermik siuartitsinerup kingunerissavaa ilinniartitaaner-  
mut, tamat iluaqutissaannut suliniutinullu siuarsaataasussanut kiisalu soraarne-  
russutisiaqarnissamut pinngitsoorani ileqqaagaqarnermut aningaasaliissutissat  
akissaqartinneqartuarnissaat. Aningaasaqarnermut Naalackersuisoqarfik isu-  
maqarpoq aningaasaliissutissat taakku, soraarnerussutisiaqarnissamut ani-*

*ngaasaateqarfiit iluanaarutigigitissinnaasaannit amerlanerusunik amerlaqataan-  
nilluunniit iluanaaruteqartitsissasut. Taamaattumik akileraarusiisarnermik  
siuartitsineq tassaannaangilaq Aningaasanut inatsimmi amigartoorutininik  
maannakkorpiaq matusissutissanik pissarsiniarneq, tassaallunili aningaasarsi-  
ornermik politikimik siunissami ungasinnerusumi attanneqarsinnaasumik pi-  
lersaarusiorterup ilaa.*

Aningaasarsiat B-t soraarnerussutisiaqarnissamut pinngitsoorani ileqqaarnissami  
ileqqaarnissamut tunngavissanik naatsorsuinermin ilanngunneqannginnissaat kat-  
tuffiit kaammattuutigaat. Matumani aamma ilanngullugu pinngitsoorani ileqqa-  
gaqarnissaq siuariartornermut kigaallassaataassanngikkuni taamaallaat akissarsi-  
ortunut atuutissasoq.

*Inuussutissarsiutit ineriartornissamut sapinngisamik pitsaanerpaanik toqqam-  
maveqarnissaat Naalakkersuisut sulissutigerusuppaat, ilutigitilluguli Naalak-  
kersuisut kissaatigaat siunissami soraarninngortartussat sapinngisamik immi-  
nut pilersorsinnaassasut. Akissarsiortuusimappata namminersortuusimappata-  
luunniit apeqqutaatinnagu.*

Soraarnerussutisiaqarnissamut aaqjissuussinernut akiliisarnissami ukiutigut  
qummut killiliisoqarnissaa kiisalu tjenestemandit eqqarsaatigineqarnissaat kat-  
tuffiit siunnersuutigaat.

*Ukiutigut qummut killiliinissaq pitsaasuussaaq, soorlu aamma Forsikring og  
Pensionip tamanna siunnersuutigigaa. Tjenestemandinut tunngatillugu immik-  
kut aaqjissuussisoqarsinnaanera misissorneqassaaq.*

Soraarnerussutisiaqarnissamut pinngitsoorani ileqqaagaqarnissap isumaqatigiis-  
sutit pillugit isumaqatigiinniarnissanut aggersunut sunniuteqarsinnaanera kattuf-  
fiit tikkuarpaat.

*Soraarnerussutisiaqarnissamut ileqqaagaqarnissap sammineqarnera isumaqati-  
giissutit pillugit isumaqatigiinniarnissani aggersuni ilanngunneqartarnissaa  
naatsorsuutigineqarpoq.*

*Naalakkersuisut KNAPK, soraarnerussutisiaqarnissamut ileqqaagaqanngitsunik  
amerlasuunik tunuliaqutaqartoq oqaloqatigisimavaat. KNAPK-p ilaasortami so-  
raarnerussutisiaqarnissamut ileqqaagaqarnissaat nammineerluni kissaatigaa.*

*Kiisalu pinngitsoorani ileqqaarnissamik aaqqissuussinissap suliffeqarfuit nali-giimmik pineqalersissavai. Suliaqarfuit ilaanni suliffeqarfuit sulisorisamik soraarnerussutisiaqarnissamut aaqqissuussinerannut akileeqataassuteqartarnissaq maannakkut peqataaffigiumasangilaat, taamaaliornermikkullu suliffeqarfinnut akileeqataajumassuseqartunut sanilliullutik unammillersinnaanerusarlutik. Unammillernermik equngatitsineq taanna pinngitsoorani ileqqaarnissamik peqataaffiginnittusaanikkut pinngitsoorneqassaaq.*

Lærernes Pension (LP - Ilinniartitsisut Soraarnerussutisiaqarnissamut aningaasaateqarfiat)

Akilerartarnermik aaqqissuussinermik maanna atuuttumik allannguinnissaq LP-p atortunik ineriartortitsinissaanut ilaasortanullu attaveqartarneranut assigiinngitsorpassuarnik aningaasartuuteqartitsissaaq. Aamma ilaasortanut attaveqartarneq pisariunerulissaaq, ilaasortanummi atortumik nutaamik pilersitsisoqassammat.

*Akilerartarnermut inatsisinik allannguinerit inatsisinillu assigiinngitsunik allanik allannguinerit suliffeqarfinnut, innuttaasunut il.il. atortunik ineriartortitsinermut il.il. aningaasartuuteqartitsisinnaanerat ilumoorpoq. Taamaattoqartillugu apeqqut pingaarneq tassaavoq, aningaasartuutit inatsisiliornikkut isumannaarniakkanut naapertuunnersut. Naalakkersuisut pisumi matumani isumarput inatsisip siunertai aammalu soraarnerussutisiaqarnissamut aningaasaateqarfuit il.il. aningaasartuutiginerussaasaat imminnut naapertuuttut.*

LP-mi ilaasortaq innarluuteqalernermi soraarnerussutisianik pisartussanngortinneqaraangat LP ilaasortap ileqqaagaanit pissamaatinik immikkoortitsisarpoq, tassa innarluuteqalernermi soraarnerussutisiat ilaasortap 65-inik ukioqalernissaata tungaanut tunniunneqartussat amerlasusissaannut naapertuuttut immikkoortinneqartarlutik. Taakku aningaasarpassuusinnaapput. Pissamaatinik immikkoortitsineq taamaattoq aningaasaatinit iluanaarutit akileraarutaat eqqarsaatigalugu ajornartorsiuteqartitsisinnaavoq.

*Qulaani immikkoortoq 2-mi oqaatigineqarpoq aaqqissuussinerit § 39 a-mi nutaami pineqartut iluanaarutitaasa akileraarutaannik atuutilersitsinissaq siunniunneqanngikkallartoq. Taamaattorli aaqqissuussinerit § 39 a-mi pineqartut iluanaarutitaasa akileraaruserneqartalernissaat pillugu siunnersuummik, immaqalu pisortat automatiskiusumik akiliisitseriaatsimik pilersitsinissaannut atasumik ukiut tulliuttut marluk ingerlaneranni saqqummiussinissaq siunniunneqarpoq. Ajornartorsiutip LP-mit uparuarneqartup inatsisissatut siunnersuutissap taamaattup piareersarneqarnerani ilanngunneqarnissaa pissusissamisuussaaq.*

Inatsit aatsaat 2016-imi junimi akuersissutigivinneqassaaq, inatsisissatullu siunnersuut malillugu 1. januar 2017-imi atortuulissalluni. Aningaasaateqarfinnut/sillimmasiisarfinnut § 53 A naapertorlugu aaqqissuussinernik atuisooreersuunngitsunut qaammatit arfinillit piareersarfi-



gissallugit sivikippallaarpoq. LP-p atortunik ineriartortitsinissaq inatsit akuersissutigivinneqartinnagu allartikkusunngilaa, inatsisimmi akuersissutigineqartinnani allannqortinneqaratar-sinnaammat.

*Inatsisissatut siunnersuummik maanna saqqummiunneqartutut ittumik saqqummiussisoqar-nissaata naatsorsuutigineqarsinnaanera Naalackersuisut piffissami sivitsulersumi ilimasaa-rutigereeraat IMAK-ip tusarniaanermut akissutaanut oqaaseqaammi taaneqarpoq. Tamanna soorlu takuneqarsinnaavoq 2015-imi aningaasanut inatsimmi kontu pingaarnermi 20.11.51, Aaqqissuusseqqinerit sunniutaat. Taamaammat, aammalu soraarnerussutisiaqarnissamut aningaasaateqarfuit soraarnerussutisiaqarnissamut aaqqissuussinernik ilaasortaminnut Dan-markip avataaniittunut naleqquttunik neqerooruteqarnissartik nammineerlutissaaq soqutigis-sagunarmassuk, soraarnerussutisiaqarnissamut aningaasaateqarfuit il.il. naammaginartumik sivisussuseqartumik ilimasaarneqareersimanissaat pisimasorinarpoq.*

#### Sulisitsisut (GE)

IMAK-ip, AK-p, PPK-p, NPK-p aamma Sulisitsisut GE tusarniaaqaarnermut ataatsimoorlu-tik akissutaat 17. november 2015-imeersoq Sulisitsisut aallarniutitut nassiteqqippaat.

Sulisitsisut immikkut pingaartillugu tikkuarpaat soraarnerussutisiaqarnissamut ileqqaagaqa-reersut soraarnerussutisiaqarnissamut ileqqaakkatik, aningaasat akileraarusigaasut akileraaru-sigaanngitsullu atorlugit ileqqaakkanut naleqqussarneqarpata allaffissornermut immikkut ani-ngaasartuuteqartinneqannginnissaat uppernarsaatissaqartinneqanngitsoq.

*Naalackersuisut soraarnerussutisiaqarnissamut aningaasaateqarfuit aamma soraarnerussuti-siaqarnissamut inuunermullu sillimmasiisarfiit nunani allaniittut assigiinngitsut aningaasar-tuutiminnik ilaasortaminnut qanoq agguaanissaannik aalajangersaanissamut periarfissaqan-ngillat. Taamaattumik uppernarsaatissamik kissaatigineqartumik saqqummiussisoqarsin-naanngilaq.*

Tunniussinermi akileraarusiinissap akiliinermilu ilanngaateqartitsinissap naammaginartumik ataqatigiittariaqarnerat Sulisitsisut tapersorsorpaat, tamannalu ataatsimoortumik tapiissutit aq-qutigalugit pisariitsumik aaqqinneqarsinnaassagaluarpoq. Periusissap taamaattup politikikkikut malersorneqarnerusimannginnera, aammalu inatsisissatut siunnersuutip pitsaanngequtaasa so-raarnerussutisiaqarnissamut ileqqaagaqartunit akueriinnarneqarnissaat Sulisitsisut paasiumi-naatsippaat. Suleriaqqinnissami pingaartinneqarluinnartariaqartoq tassaavoq Kalaallit Nunaata soraarnerussutisiaqarnissamut tunngasunik pisariunerulersitsinnginnissaa, matumani aamma sulisussanut inuiaqatigiinni atorfinnut amerlasuunut suli pissarsiariniarneqartartussanut sulif-feqarfiillu pisariaqartilluinnagaannut.

*Danskit akileraartarnermut ministererisimasaata nunatta unammilligassai paasisinnaanerarlugit allakkatigut 16. marts 2015-imeersutigut oqaatigaa, nalimmassaanissamilli aaqqissuussinissaq aqputissaasorinngilaa. Allatut oqaatigalugu, periusissaq taanna politikikkut misilinneqareerpoq.*

Inatsisissatut siunnersuutip aamma soraarnerussutisiaqarnissamut pinngitsoorani ileqqaarnissaq pillugu siunnersuutip innuttaasunut, suliffeqarfinnut landskarsimullu aningaasatigut sunniutissaat angisuujussapput, aamma soraarnerussutisiaqarnissamut aaqqissuussinernut nunani allaniittunut akiliutinik akileraarusiisarnissamik aaqqissuussinissap soraarnerussutisiaqarnissamut ileqqaagaqartunut il.il. ilumut sunniuteqannginnissaa qularnartoqarpoq. Pingaarutilerujussuit pineqarput, inatsisissatullu siunnersuutit taakku marluk pitsaasuussappata soraarnerussutisiaqarneq pillugu ataatsimiititaliarsuarmik susassaqartunit, matumani ilanngullugit tusarniaavigineqartunit soraarnerussutisianillu aalajangersaasarneq il.il. pillugit ilisimasaqarluartunit peqataaffigineqartumik pilersitsinissaq Sulisitsisut sakkortuumik inassutigaat.

*Soraarnerussutisianik akileraarusiisarnermik aaqqissuusseqqinnerit tamatigorluinnaq nalorninartoqartarnissaat naatsorsuutigineqarsinnaavoq. Tamannalu 2015-imi junimi Københavnimi isumasioqatigiissitsinermik, IMAK-ip aamma soraarnerussutisiaqarnissamut aningaasaateqarfii, aningaaseriviit il.il. peqataaffigisaannik ingerlatsisoqarneranut ilaatigut pissutavoq. Siunnersuutip pingaarnertut siunertai isumasioqatigiinnermi peqataasunut ilisimatitsisutigineqarput, soorluttaaq peqataasut tamaasa allannguutit qanoq pitsaanerpaamik aaqqissuunneqarsinnaanerannut siunnersuuteqaqqullugit kajumissaarneqartut. Kiisalu Aningaasaqarnermut Naalakkersuisoqarfiup inatsisissatut siunnersuutip allaqqaarneqarnera kattuffinnut, soraarnerussutisiaqarnissamut aningaasaateqarfinnut, aningaaserivinnut il.il. 2015-imi ukiakkut tusarniaassutigeqqaarpaa. Kattuffiit tusarniaanermut akissutaat, tusarniaanerlu pillugu allakkiarineqartoq qulaani erseqqinnerusumik eqqartorneqarput. Aammattaaq kattuffiit allallu naatsorsuinissami tunngavissat il.il. isumaqatigiissutigineqarnissaat siunertaralugit ataatsimeeqatigineqartarput. Allatut oqaatigalugu, siunnersuutip innuttaasunut, suliffeqarfinnut pisortallu karsiinut aningaasatigut allaffissornikkullu sunniutissai paasilluarumallugit erseqqissarumallugillu assigiinnigitsunik iliuuseqartoqarpoq. Taamaammat siunnersuutip nalilersorneqarnissaa siunertaralugu ataatsimiititaliarsuarmik pilersitsinissamut tunngavissaqarsorinannigilaq.*

#### Kalaallit Nunaanni Akademikerit Kattuffiat (ASG)

Sulisut nunamut nuuttartut tassanngaanniillu nuuttartut amerlasoorujussuupput. Soraarnerussutisiaqarnissamut aningaasaateqarfinnut Danmarkimiittunut akiliutinik ilanngaateqarsinnaaneq/sulisitsisut akileeqataassutaannik akileraarusiisanninneq atorunnaarsinneqarpat tamanna piffissami killiligaasumi sulisussanik pissarsiortarnermut ajornartorsiortitsinnaavoq. Innuttaasup soraarnerussutisiaqarnissamut ileqqaagaanik innarliinissaq pineqartumut pitsaanngitso-

rujussuussaaq. Atorfinititaagallarnermi, immaqa soorlu piffissami qaammatinik 60-inik sivi-  
sussusiligaasumi ataatsimoortunut isumaqatigiissutit tunngavigalugit atorfinitsitaanermi ilan-  
ngaateqarsinnaaneq/sulisitsisut akileeqataassutaannik akileraarusiinnginnissaq atuuttariaqar-  
poq.

*Soraarnerussutisiat pillugit 2015-imi junimi isumasioqatigiinnermi aaqqissuussinernik mar-  
lunnik atuinissaq soraarnerussutisiaqarnissamut aningaasaateqarfiit allaffissornermik pissu-  
teqarlutik inassutigaat. Danskit soraarnerussutisianik akileraarusiisarneq pillugu inatsisaan-  
ni § 20, imm. 4 aaqqissuussinernik ataasiinnarmik atuinissamik ammaassivoq. Aningaasat  
akileraarusigaasut akileraarusigaanngitsullu atorlugit akiliutit § 20, imm. 4-mi akuerineqar-  
put, aammalu taakkunanga tunniunneqartut akileraaruteqaataasussaannnginnissaat/akile-  
raarusigaanissaat periarfissinneqarluni. Kattuffiup innuttaasulluunniit soraarnerussutisia-  
qarnissamut aaqqissuussinerit, danskit soraarnerussutisianik akileraarusiisarneq pillugu  
inatsisaanni § 20, imm. 4-mi pineqartut atorusunnerugunigik tamanna kimulluunniit amma-  
voq. Maannamulli nalunaarutigineqartartut nalilissagaanni tamanna soraarnerussutisiaqar-  
nissamut aningaasaateqarfinni il.il. toqqarneqajuitsuuvoq.*

*Aamma pingaartumik namminersortut suliffeqarfiutaanni sulisuusut nutaamik suliffittaaraa-  
ngamik aammattaaq soraarnerussutisiaqarnissamut aaqqissuussinernik nutaamik pisaartar-  
nerat nalinginnaalluinnarpoq. Tassa imaappoq akissarsiorlut amerlasuut inuunerminni suli-  
nerminni soraarnerussutisiaqarnissamut aaqqissuussinernik arlaqartunik peqartarput.*

*Akiliutinik ilanngaateqarsinnaanermik/sulisitsisut akileeqataassutaannik akileraarusiisan-  
ginnermik qaammatit 60-it tikillugit atuutsitsiinnarnissamik siunnersuutip, soraarnerussuti-  
siaqarnissamut ileqqaakkanit akileraarutitigut isertinneqartussat Kalaallit Nunaannit pias-  
sarineqarnissaannik inatsisissatut siunnersuutip siunertaa isumaarutitissavaa.*

Aaqqissuusseqqinnerup soraarnerussutisiaqarnissamut ileqqaagaqartunut aningaasatigut sun-  
niuteqannginnissaanik siunnersuummut oqaaseqaatini oqarneq ASG-p tupigusuutigaa. Innut-  
taasut aningaasatigut qanoq sunnerneqarnissaasa nassuiarluarneqarnissaa ASG-p kissaatigaa.

*Deloitte-ip Aningaasaqarnermullu Naalackersuisoqarfiup naatsorsuinerisa takutippaat ta-  
manna inunnut ataasiakkaanut sunniuteqartussaannngitsoq. ASG taakku misissorumallugit  
Aningaasaqarnermut Naalackersuisoqarfirmut saaffiginninnissaminut tikilluaqqusaavoq.*

### Grønlandsbanken

Aningaaserivik akissutissarsinngisaminik pingaarutilinnillu arlaqartunik apeqqutissaqarpoq,  
tamannalu paasissutissanik tunngaviusinnaasumik amigaateqarnermik ilaatigut pissuteqarsin-  
naavoq. Danmarkimi aamma Kalaallit Nunaanni inatsisit tunngavigalugit naatsorsuinerit as-

sersuutigalugu takutippaat inuup 31-nik ukiullip Danmarkimut akiliisartup 67-inik ukioqarluni soraarninngoruni soraarnerussutisiassai 58 aamma 63 procentit akornanniissasut, inuulli taassuma Kalaallit Nunaannut akiliisaruni soraarninngoruni soraarnerussutisiassai 75 procentiussasut. Ileqqaagaqartup sunnerneqannginnissaanik siunnersuummut oqaaseqaatini oqarneq tassunga akerliulluinnarpoq.

*Aningaaseriviup naatsorsuinermini sunik aallaaveqarsimanera tusarniaanermut akissummi allassimannngilaq. Allanguutissat ileqqaagaqartunut sunniuteqartussaanninnerannik inatsisissatut siunnersuummut atatillugu oqartoqarnerani aallaavigineqarpoq, innuttaasup danskit soraarnerussutisiaqarnissamut aningaasaateqarfiannik atuisup atuinini inatsit allangortinneqarpat attatiinnassagaa. Innuttaasup soraarnerussutisiaqarnissamut aaqqissuussinermut Danmarkimiittumut ileqqaarani aaqqissuussinermut Kalaallit Nunaanniittumut ileqqaaruni qaffasinnerusunik appasinnerusunilluunniit soraarnerussutisiaqarnissaa naatsorsorneqanngilaq, pissutsimmi tamakku inatsisissatut siunnersuutip siunertarinngilai.*

Sillimmaseeriaatsinik, soraarnerussutisiaqarnissamut ileqqaakkani nunani allaniittuni periarfissaatinneqartartunik pilersitsisinnaaneq ajornarsissaaq. Allanguut isumaqatigiissutit, pisor-tani taamatullu aamma namminersorlutik inuussutissarsiutinik ingerlataqartuni atuuttut amerlasuut eqqarsaatigalugit piffissami qaninnermi ajornartorsiuteqartitsissasoq naatsorsuutigineqarsinnaavoq, taakkunanimi soraarnerussutisiaqarnissamut aningaasaateqarfik suna atorneqas-sanersoq allassimasarmat.

*Sulisitsisut taamatullu aamma innuttaasut ataasiakkaat sillimmaseeriaatsit assigiinngitsut soraarnerussutisiaqarnissamut ileqqaakkaminnut maannamutuulli ilanngussinnaassavaat, ileqqaarnerup Kalaallit Nunaanni taassumaluunniit avataani pinera apeqqutaatinnagu.*

Aningaaseriviup innuttaasut qinigassaqartinneqarnissaat aammalu nunami maani unammiller-sinnaanivimmik pilersitsinissaq eqqarsaatigalugit kajumissaarutigaa, aningaaseriviittaaq nuna-mi maaniittut soraarnerussutisiaqarnissamut aaqqissuussinernik neqerooruteqarsinnaanissaat, inatsisissatut siunnersuutip matuma atuutilersinneqarneranut ilutigitillugu pisariaqartunik inat-sisitigut tunngavissiuunneqassasoq.

*Aningaaseriviit, sillimmasiisarfiit il.il. soraarnerussutisiaqarnissamut aaqqissuussinernik sul-litaminnut neqerooruteqarsinnaanissaannik ammaassisoqarnissaa Naalakkersuisut isumaqa-tigaat. Aningaasaqarnermulli Naalakkersuisoqarfiup suliassamik taassuminngattaaq sulia-qarnissaq maannamut naammattunik sulisussaqaqtissimannngilaa. Suliassarli taanna piffissa-mi aggersumi pingaartilluinnarneqarumaarpoq.*

Aningaaserivik nalilivoq ileqqaagaqartunut ataasiakkaanut, landskarsimut, aningaasarsiornik-kut ineriartornermut aammalu akissarsiat pillugit isumaqatigiissutinut atuuttunut sunniutissat akissutissarsineqanngitsut amerlasuujusut. Inatsimmik taama annertutigisumik kalluaasussamik atuutilersitsinnginnermi ataatsimiititaliamik sulinasuartussamik, apeqqutit suli akissutis-saqartinneqanngitsut qulaajarneqarnissaannik suliaqartussamik piaarnerpaamik pilersitsiso-qarnissaa Grønlandsbankenip inassutigaa.

*Soraarnerussutisianik akileraarusiisarnermik aaqqissuusseqqinnerit tamatigorluinnaq nalor-ninartoqartarnissaat naatsorsuutigineqarsinnaavoq. Tamannalu 2015-imi junimi København-imi isumasioqatigiissitsinermik, IMAK-ip aamma soraarnerussutisiaqarnissamut aningaasaa-teqarfiit, aningaaseriviit il.il. peqataaffigisaannik ingerlatsisoqarneranut ilaatigut pissutaa-voq. Siunnersuutip pingaarnertut siunertai isumasioqatigiinnermi peqataasunut ilisimatitsis-sutigineqarput, soorluttaaq peqataasut tamaasa allannguutit qanoq pitsaanerpaamik aaqqis-suunneqarsinnaanerannut siunnersuuteqaqqullugit kajumissaarneqartut. Kiisalu Aningaasa-qarnermut Naalakkersuisoqarfiup inatsisissatut siunnersuutip allaqqaarneqarnera kattuffin-nut, soraarnerussutisiaqarnissamut aningaasaateqarfinnut, aningaaserivinnut il.il. 2015-imi ukiakkut tusarniaassutigeqqaarpaa. Kattuffiit tusarniaanermut akissutaat, tusarniaanerlu pil-lugu allakkiarineqartoq qulaani erseqqinnerusumik eqqartorneqarput. Aammattaaq kattuffiit allallu naatsorsuinissami tunngavissat il.il. isumaqatigiissutigineqarnissaat siunertaralugit ataatsimeeqatigineqartarput. Allatut oqaatigalugu, siunnersuutip innuttaasunut, suliffeqarfin-nut pisortallu karsiinut aningaasatigut allaffissornikkullu sunniutissai paasilluarumallugit er-seqqissarumallugillu assigiinnigitsunik iliuuseqartoqarpoq. Taamaammat siunnersuutip nali-lersorneqarnissaa siunertaralugu ataatsimiititaliarsuarmik pilersitsinissamut tunngavissaqar-sorinangilaq.*

### SISA aamma SIK

SISA-p SIK-llu maluginiarpaat inatsisissatut siunnersuut soraarnerussutisiaqarnissamut aaq-qissuusinnermut nunani allaniittunut akiliutinik akileraarusiinissap siuartinneqarnissaanut tun-nganerusoq, taamaalillutik soraarnerussutisiassat Kalaallit Nunaanni pisassarilikkat Kalaallit Nunaanni akileraaruserneqartussanngorlugit. Aammattaaq soraarnerussutisianut akiliutinik ilanngaateqarsinnaanerlut/sulisitsisut akileeqaataassutaannik akileraarusiisussaanninnermut killigitinneqartup 15 procentiniit 20 procentinut qaffanneqarnissaa siunnersuutaavoq. Inger-laavartumik tunniunneqartartussat ataatsikkut ataasiartumik tunniunneqartussanngortinneqar-nissaanni killigitinneqartup 6.000 kr.-iniit 8.000 kr.-inut qaffanneqarnissaa SISA-p SIK-llu pitsaasuusoraat.

### PFA Soraarnek (PFA)

Soraarnerussutisiaqarnissamut ileqqaakkat toqukkut qimagaasunut tunniunneqarsinnaanerat inatsisissatut siunnersuummi pineqarneris PFA-p nalornissutigaa. Inatsisissatut siunnersuu-

tip allaqqaarneqarnerani § 39 a, imm. 1-imi oqaatsit ”toqunikkut unittussamik” ilanngunneqarsimangillat, § 39, imm. 1-imi allassimanerisuulli. Inatsisissatut siunnersuutip allaqqaarneqarnerani § 34, nr. 17-imi ” inuunermut sillimmasiissutinit ... tunniunneqartut” taaneqarput. Siunnersuummi § 7-imut oqaaseqaatini ataasiakkaani eqqartorneqarput ileqqaakkat tunniunneqartussatut qulakkeerniarlugit sillimmasiinerit aamma pinngitsooratik tunniunneqarnissaannik qulakkeerinerit. Soraarnerussutisianik akileraarusiisarneq pillugu inatsimmi § 5 periarfisiivoq soraarnerussutisiaqarnissamut aaqqissuussinernut ingerlaavartumik tunniussaqaarfiusartussanut akiliutit 10 procentii tikillugit, soraarnerussutisiassat piffissami aalajangersimasumi tunniunneqartarnissaannik qulakkeerinissamut atorneqarsinnaasut, tassa tunniussineq pissalluni piginnittup uumanera toqukkulluunniit qimagussimanagera apeqqutaatinnagit. Toqukkut qimagaasut aamma sillimmasiinerimik naafferartumik tunniussaqaarfiusartumik pilersitsinikkut qulakkeerunneqartarput. Ileqqaakkat tunniunneqartussatut qulakkeerneqarnissaat sillimmaserneqartartunit ujartorneqartarpoq Danmarkimilu neqeroorutaasunut nutaanerpaanut ilaasarluni, aammalu Kalaallit Nunaanni akileraartarneq pillugu inatsimmi pineqartunuttaaq neqeroortigineqarsinnaassappat pitsaalluinnartuussaaq. Soraarnerussutisiaqarnissamut aaqqissuussinernut § 39-mi § 39 a-miluunniit pineqartunut soraarnerussutisiaqarnissamut ileqqaakkat, piginnittoq soraarnerussutisiaqarnissamut aaqqissuussinermut tunniussisarnissaq suli aallartingitsoq toquppat imaluunniit piginnittoq tunniussisarneq aallartereersoq toquppat toqukkut qimagaasunut tunniunneqarsinnaanerit erseqqissumik paasineqartariaqarpoq.

*Inatsisissatut siunnersuut ima paasineqassaaq, soraarnerussutisiaqarnissamut aaqqissuussinermut ingerlaavartumik, toqukkut unittussamik tunniussiviusartussamut atasumik ileqqaakkat tunniunneqartarnissaannik qulakkeerinissamut pinngitsooratillu tunniunneqarnissaannik isumannaarinerimut sillimmasiinerimik pilersitsisoqarsimanagerata kingunerisaannik tunniunneqartut soraarnerussutisiaqarnissamut aaqqissuussinernup, sillimmasiinerup attuumassuteqarfigisaata akileraarutitigut pineqarnissaatulli pineqassasut. Sillimmasiineq soraarnerussutisiaqarnissamut aaqqissuussinermut ilanngaaticigineqarsinnaasumut atasumik pilersinneqarsimappat tunniunneqartut pissarsisumut akileraaruteqaataasussaapput. Sillimmasiinerli soraarnerussutisiaqarnissamut aaqqissuussinermut ilanngaaticigineqarsinnaanngitsumut atasumik pilersinneqarsimappat tunniunneqartut pissarsisumut akileraaruteqaataasussaannngillat. § 39 a, imm. 2-mut, tak. siunnersuummi nr. 4, oqaaseqaatit manna naapertorlugu erseqqisarneqarput.*

§ 39, imm. 2-mi aamma § 39 a, imm. 3-mi ima ilanngussisoqarnissaa PFA-p siunnersuutigaa ”Sillimmasiineq sulisuusup taassumalu sulisitsisuata isumaqatigiissuteqarnerat tunngavigalugu pilersinneqarsimappat, aammalu akiliutit akileeqataassutillu sulisitsisumit akilerneqartarpata, taava sulisuusooq sillimmasigaassaaq sillimmasiissummillu piginnittuussalluni.” Oqaaseqatigiit danskit soraarnerussutisianik akileraarusiisarneq pillugu inatsisaanni § 4, imm. 2, oqaaseqatigiit aappaannit tigusaavoq.

*Siunnersuut inatsisissatut siunnersuutip suliarineqarnerani ilanngunneqarpoq.*

Innarluuteqalernermi soraarnerussutisianit § 39 a-mik aaqqissuussinermi pineqartunit ingerlaavartumik tunniunneqartartut akileraaruteqaataasussaanginnerat erseqqissarneqassasoq PFA-p siunnersuutigaa.

*Tamanna siunnersuummi § 34, nr. 18-imi allassimavoq, tak. siunnersuummit nr. 1.*

§ 44, imm. 2, nr. 2-mi oqaatsip ”assigisaannilu” ima allangortinneqarnissaa ”soraarnerussutisiaqarnissamut aningaasaateqarfiini aamma inuunermut soraarnerussutisiaqarnissamullu sillimmasiisarfiini” PFA-p siunnersuutigaa.

*Siunnersuut inatsisissatut siunnersuutip suliarineqarnerani ilanngunneqarpoq.*

Nr. 2-mut oqaaseqaatini nalinginnaasuni allassimavoq soraarnerussutisiaqarnissamut aaqqissuussinert § 39 a-mi pineqartut iluanaarutitaannik akileraarusiisarnissaq pillugu inatsisissatut siunnersuummik ukiut tulliuttut marluk ingerlaneranni saqqummiussinissaq siunniussaasoq. Taamaattoqarnissaata erseqqissumik paasisitsissutigineqarnissaa PFA-p kajumissaarutigaa.

*Siunnersuutissap taaneqartup ukiut marluk ingerlaneranni saqqummiunneqarnissaa Naalakkersuisut siunniuppaat. Inatsisissatut siunnersuutip ilusissavia qanoq ittuunersoq siunnersuutissap suliarineqalernissaanut utaqqinneqartariaqassaaq.*

PFA-p siunnersuutigaa § 45-mi erseqqissarneqassasoq, soraarnerussutisiaqarnissamut aaqqissuussineq danskit aningaaserivianniittoq, akileraarutitigullu ilanngaatigineqarsinnaasumik ulloq 1. januar 2017 tikillugu akiliiffiusartooq, akiliiffiusarnissaalu kingusinnerpaamik 1. januar 2017-imi unittussaappat danskit aningaaseriviannut allamut nuunneqarsinnaasoq, nuussinissarlu aamma pisinnaasoq soraarnerussutisiaqarnissamut aaqqissuussinert § 39 a-mi pineqartut marluk akornanni, taakku marluk tamarmik kalaallit aningaaserivianniippata imaluunniit taakku marluk tamarik danskit aningaaserivianniippata.

*Aaqqissuussinernik § 39 a-mi pineqartunik kalaallit aningaaseriviisa marluk akornanni nuussinnaanissamik siunnersuut inatsisissap suliarineqarnerani ilanngunneqarpoq. Danskit aningaaseriviisa marluk akornanni nuussinerup akileraarutitigut sunniutissai danskit inatsisaanni aalajangersagaapput.*

Inatsisit, matumani aamma isumaginninnikkut tunniunneqartartut pillugit inatsisit assigiingitsut 1. januar 2017 nallertinnagu naleqqussarneqartariaqarput, aaqqissuussinernit § 39 a-mi

pineqartunit tunniunneqartut aningaasarsianut akileraaruteqaataasussanut ilanngunneqartussaanninnerat isumannaarumallugu, taamaalillutik inuit soraarnerussutisiaqarnissamut aqqissuussinermik Danmarkimiittumik atuisut tassuunakkut eqqornerlunneqaqqunagit.

*Innuttaasunut soraarnerussutisianit akileraaruteqaanngitsunik pissarsisartunut, taakku aningaasarsianut akileraaruteqaataasussanut ilanngunneqartussaanninnerat pitsaasuuvoq. Innuttaasut taamaalillutik isumaginninnikkut tunniunneqartartunik amerlanerusunik pisinnaasapput. Naatsorsueqqittussaanninnerup piffissaq qaninnerusoq eqqarsaatigalugu kinguneri-sassai annikitsuararsuaannaassangatinneqarput. Piffissarli ungasinnerusoq eqqarsaatigalugu innuttaasunut ataasiakkaanut inuiaqatigiinnullu aningaasatigut sunniutissai annertusinnaapput. Taamaattumik inatsisit pineqartut ukiut arlaqanngitsut ingerlaneranni naleqqussarneqarnissaat pingaartuuvoq.*

#### Forsikring & Pension (FP)

Soraarnerussutisiaqarnissamut ileqqaakkat toqukkut qimagaasunut tunniunneqarsinnaanerat inatsisissatut siunnersuummi pineqarnerusoq FP-p nalornissutigaa. Inatsisissatut siunnersuutip allaqqaarneqarnerani § 39 a, imm. 1-imi oqaatsit ”toqunikkut unittussamik” ilanngunneqarsimangillat, § 39, imm. 1-imi allassimareernerisuulli. Inatsisissatut siunnersuutip allaqqaarneqarnerani § 34, nr. 17-imi ” inuunermut sillimmasiissutinit ... tunniunneqartut” taaneqarput. Soraarnerussutisiaqarnissamut ileqqaarneq pillugu Inatsisartut inatsisissaattut siunnersuutip allaqqaarneqarneranut (tassa imaappoq inatsisissatut siunnersuutit tusarniaassutigineqartut marluk kingullersaanni) oqaaseqaatini qupperneq 13-imi immikkoortumut ”§ 7-imut” eqqartorneqarput ileqqaakkat tunniunneqartussatut qulakkeerniarlugit sillimmasiinerit aamma pingitsooratik tunniunneqarnissaannik qulakkeerinerit. Soraarnerussutisianik akileraarusiisarneq pillugu inatsimmi § 5 periarfissiivoq soraarnerussutisiaqarnissamut aqqissuussinernut ingerlaavartumik tunniussa qarfiusartussanut akiliutit 10 procentii tikillugit, soraarnerussutisiassat piffissami aalajangersimasumi tunniunneqartarnissaannik qulakkeerinissamut ator neqarsinnaasut, tassa tunniussineq pissalluni piginnittup uumanera toqukkulluunniit qimagussimanera apeqqutaatinnagit. Toqukkut qimagaasut aamma sillimmasiinerimik naafferartumik tunniussa qarfiusartumik pilersitsinikkut qulakkeerunneqartarput, amerlassusii ingerlaavartumik aqqin neqartarlutik, soraarnerussutisiaqarnissamut aqqissuussinermi soraarnerussutisiaqarnissamut ileqqaakkanut naapertuuttunngorlugit. Ileqqaakkat tunniunneqartussatut qulakkeerneqarnissaat sillimmaserneqartartunit ugartorneqartarpoq Danmarkimilu neqeroorutaasunut nutaanerpaanut ilaasarluni, aammalu Kalaallit Nunaanni akileraartarneq pillugu inatsimmi pineqartunuttaaq neqeroorutigineqarsinnaassappat pitsaalluinnartuussaaq. Taamaammatt soraarnerussutisiaqarnissamut aqqissuussinernut § 39-mi § 39 a-miluunniit pineqartunut soraarnerussutisiaqarnissamut ileqqaakkat, piginnittoq soraarnerussutisiaqarnissamut aqqissuussinermi tunniussisarnissaq suli aallartinngitsoq toquppat imaluunniit piginnittoq tunniussisarneq aallarte-



reersoq toquppat toqukkut qimagaasunut tunniunneqarsinnaanerata inatsisissatut siunnersuutip allaqqaarneqarnerani imaluunniit tassunga oqaaseqaatini erseqqissarneqartariaqarpoq.

*PFA taamaaqataanik oqaaseqarneranut qulaani oqaaseqaatini taaneqartutuulli inatsisissatut siunnersuut ima paasineqassaaq, soraarnerussutisiaqarnissamut aaqqissuussinermut ingerlaavartumik, toqukkut unittussamik tunniussiviusartussamut atasumik ileqqaakkat tunniunneqartarnissaannik qulakkeerinnissamut pinngitsooratillu tunniunneqarnissaannik isumannaarnermut sillimmasiinermik pilersitsisoqarsimanerata kingunerisaanik tunniunneqartut soraarnerussutisiaqarnissamut aaqqissuussinerup, sillimmasiinerup attuumassuteqarfigisaata akileraarutitigut pineqarnissaatulli pineqassasut. Sillimmasiineq soraarnerussutisiaqarnissamut aaqqissuussinermut ilanngaatigineqarsinnaasumut atasumik pilersinneqarsimappat tunniunneqartut pissarsisumut akileraaruteqaataasussaapput. Sillimmasiinerli soraarnerussutisiaqarnissamut aaqqissuussinermut ilanngaatigineqarsinnaanngitsumut atasumik pilersinneqarsimappat tunniunneqartut pissarsisumut akileraaruteqaataasussaannngillat. § 39 a, imm. 2-mut, tak. siunnersuummi nr. 4, oqaaseqaatit manna naapertorlugu erseqqissarneqarput.*

Nr. 2-mut oqaaseqaatini nalinginnaasuni allassimavoq soraarnerussutisiaqarnissamut aaqqissuussinerit § 39 a-mi pineqartut iluanaarutitaannik akileraarusiisarnissaq pillugu inatsisissatut siunnersuummik ukiut tulliuuttut marluk ingerlaneranni saqqummiussinissaq siunniussaasoq. Taamaattoqarnissaata erseqqissumik paasisitsissutigineqarnissaa FP-p kajumissaarutigaa.

*Siunnersuutissap taaneqartup ukiut marluk ingerlaneranni saqqummiunneqarnissaa Naalakkersuisut siunniuppaat. Inatsisissatut siunnersuutip ilusissavia qanoq ittuunersoq siunnersuutissap suliarineqalernissaanut utaqqinneqartariaqassaaq.*

FP-p siunnersuutigaa § 45-mi erseqqissarneqassasoq, soraarnerussutisiaqarnissamut aaqqissuussineq danskit aningaaserivianniittoq, akileraarutitigullu ilanngaatigineqarsinnaasumik ulloq 1. januar 2017 tikillugu akiliiffiusartooq, akiliiffiusarnissaalu kingusinnerpaamik 1. januar 2017-imi unittussaappat danskit aningaaseriviannut allamut nuunneqarsinnaasoq, nuussinsarlu aamma pisinnaasoq soraarnerussutisiaqarnissamut aaqqissuussinerit § 39 a-mi pineqartut marluk akornanni, taakku marluk tamarmik kalaallit aningaaserivianniippata imaluunniit taakku marluk tamarik danskit aningaaserivianniippata.

*Aaqqissuussinernik § 39 a-mi pineqartunik kalaallit aningaaseriviisa marluk akornanni nuussinnaanissamik siunnersuut inatsisissap suliarineqarnerani ilanngunneqarpoq. Danskit aningaaseriviisa marluk akornanni nuussinerup akileraarutitigut sunniutissai danskit inatsisaanni aalajangersagaapput.*

Inatsisit, matumani aamma isumaginninnikkut tunniunneqartartut pillugit inatsisit assigiingitsut 1. januar 2017 nallertinnagu naleqqussarneqartariaqarput, aaqqissuussinernit § 39 a-mi pineqartunit tunniunneqartut aningaasarsianut akileraaruteqaataasussanut ilanngunneqartussaanninnerat isumannaarumallugu, taamaalillutik inuit soraarnerussutisiaqarnissamut aaqqissuussinermik Danmarkimiittumik atuisut tassuunakkut eqqornerlunneqaqqunagit.

*Innuttaasunut soraarnerussutisianit akileraaruteqaanngitsunik pissarsisartunut, taakku aningaasarsianut akileraaruteqaataasussanut ilanngunneqartussaanninnerat pitsaasuvoq. Innuttaasut taamaalillutik isumaginninnikkut tunniunneqartartunik amerlanerusunik pisinnaasapput. Naatsorsueqqittussaanninnerup piffissaq qaninnerusoq eqqarsaatigalugu kingunerisassai annikitsuararsuaannaassangatinneqarput. Piffissarli ungasinnerusoq eqqarsaatigalugu innuttaasunut ataasiakkaanut inuiaqatigiinnullu aningaasatigut sunniutissai annertusinnaapput. Taamaattumik inatsisit pineqartut ukiut arlaqanngitsut ingerlaneranni naleqqussarneqarnissaat pingaartuvoq.*

FP-p piffissaq iluatsillugu naggataatigut tikkuarusuppaa Kalaallit Nunaata soraarnerussutisianit iluanaarutininik nalinginnaasumik akileraarusiisalernissaata tungaanut unammilligassaasorisani, tassa soraarnerussutisiaqarnissamut aaqqissuussinerit danskit soraarnerussutisiaqarnissamut aningaasaateqarfiini sillimmasiisarfiinilu pilersinneqarsimasut ingerlaavartumik iluanaarutitaasa akileraarusigassaanninnerannik sullitanut/ilaasortanut qulakkeerussinissaq. Innuttaasut Kalaallit Nunaanni akileraartussaataitaasut aningaasaatitigut isertitaat Danmarkimi pissarilerneqartut pillugit paasissutissat Danmarkip Kalaallit Nunaannut maanna tunniuttarpai. Tassunga ilaapput soraarnerussutisiaqarnissamut aaqqissuussinerni Danmarkimi § 53 A-mi pineqartuni aningaasaatinit isertitat. Inatsisissatut siunnersuut tusarniaassutigineqartoq akuersissutigineqarpat aaqqissuussinerit taakku *ilaasa* iluanaarutitaat Kalaallit Nunaanni akileraaruteqaataasussaajunnaarsinnaapput. Akileraarusigassaanngitsulli sinneruttut danskit kalaallillu akileraartarnermut oqartussaasuinit, maanna paasissutissiissutigineqartartut tungavigalugit immikkoortinneqarsinnaanissaat FP-p qularutigaa. Soraarnerussutisiaqarnissamut aaqqissuussinerit Danmarkimiittut Kalaallillu Nunaanniittut ilumut naligiissinneqassappata akileraaruteqaannginnissap taassuma allaffissornikkut pisariunnginnissaa pingaartuussaaq. Suliasaq danskit soraarnerussutisiaqarnissamut aningaasaateqarfiinut/sillimmasiisarfiinut imaluunniit sullitanut Kalaallit Nunaanniittunut suliassanngortinneqaraluarpalluunniit assigiissaaq.

*Inatsisissatut siunnersuut ima aaqqissugaavoq, aaqqissuussinerit soraarnerussutisianik akileraarusiisarneq pillugu inatsimmi § 53 A-mi pineqartut ilaannit iluanaarutitaaq piffissami ikaarsaarfimmi akileraaruserneqartussaananatik. Ilassutip taassuma kingunerisaanik isertitasatigut annaaneqartussat ukiumut annerpaammik 1,5 mio kr.-iussangatinneqarput, taakkulu aaqqissuussinerit § 53 A-mi pineqartut atuuttut nutaannngitsullu immikkoortinniarnerni allaffissornikkut suliackersuutaasussanut sanilliikkaanni piffissaq qaninnerusoq*

*eqqarsaatigalugu naammaginartutut isigineqarput. Unammilligassat taakku aaqqiissuteqarfigiumallugit aningaasaatinil iluanaarutit akileraarutaat pillugit siunnersuummik siunissami ungasinnerusumi saqqummiussinissaq naatsorsuutigineqarpoq.*

## KANUKOKA

KANUKOKA siunnersuummut oqaaseqaatissaqanngilaq.

### Moderniseringsstyrelsen

Naalagaaffimmi atorfillit Kalaallit Nunaanniittut soraarnerussutisiaqarnissamut, isumaqatigiissutit/isumaqatigiissuteqarneq tunngavigalugit/-gu akiliutaasa soraarnerussutisiaqarnissamut aningaasaateqarfimmut/soraarnerussutisiaqarnissamut sillimmasiisarfirmut Danmarkimi angerlarsimaffeqartumut *akilerneqartartut* inatsisissatut siunnersuut naapertorlugu ilanngaatigineqarsinnaajunnaarnissaat Moderniseringsstyrelsiq maluginiarpa. Taassuma kingunerissavaa soraarnerussutisiaqarnissamut aaqqissuussinernit *tunniunneqartartussat* inatsisissatut siunnersuut naapertorlugu akileraaruteqaataasussaanninnissaat, tassa soraarnerussutisiassat aningaasat akileraarusigaasut atorlugit akilerneqartarsimanerat soraarnerussutisiaqarsinnaatitaasup *uppernarsarsinnaappagu*. Aamma inatsisissamut oqaaseqaatini allassimavoq sulisitsisut, aningaasat akileraarusigaasut soraarnerussutisiaqarnissamut akiliutigineqarsimasut pillugit akileraaruseriffimmut nalunaaruteqartarnissaannik peqquneqassasut – tassa sulisuusut taamatut uppernarsaatissaqarnissamik piumasaqaammik eqquutsitsinissaannut ikiorumallugit. Moderniseringsstyrelsiq tassunga atatillugu naatsorsuutigaa taamatut nalunaaruteqartarnissaq, akileraarutit pillugit paasissutissiissutit maanna atuuttut ilanerisigut pissasoq.

*Sulisitsisut soraarnerussutisiaqarnissamut akiliutit akileraarusigaasut pillugit nalunaarutaasa, sulisitsisut akileraaruseriffimmut nalunaarutaannut allanut ilutigitillugit nassiunneqartarnissaat naatsorsuutigineqarpoq.*

### Ilaqutariinnermut, Naligiissitaanermut Isumaginninnermullu Naalakkersuisoqarfik

Ilaqutariinnermut, Naligiissitaanermut Isumaginninnermullu Naalakkersuisoqarfiup siunnersuut iluarisimaartorujussuuaa, aningaasammi Kalaallit Nunaanni aningaasarsiarineqarsimasut Kalaallit Nunaannissaq akileraaruserneqarnissaannik kinguneqartussaammat. Nunatta aningaasaqarnera ataatsimoortumik tapiissutit piffissap ingerlanerani mangiarneqarnerisa, aammalu inuit inuussutissarsiorsinnaassusillit ukiuni aggersuni ikiliartornissaasa kingunerisaannik unammilligassaqarpoq. Inatsisissatut siunnersuut ajornartorsiummut tassunga aaqqiissutissanut ilaavoq, Namminersorlutimmi Oqartussanut amerlasuunik isertitaqarnerulissutaassagami. Pissutsit qulaani taaneqartut marluk naalakkersuisoqarfiup siunnersuummik tapersersuineranut pissutaapput.

## **Inatsisissatut siunnersuummi aalajangersakkanut ataasiakkaanut oqaaseqaatit**

### **§ 1-imut**

Nr. 1-imut

Aalajangersagaq akileraartarnermut inatsimmi § 44, imm. 4-mik atuuttumik ilaatigut tunnga-veqarpoq.

Inuunermut sillimmasiissutinit tunniunneqartut aamma innarluuteqalernermi taarsiissutitut ataatsikkut tunniunneqartut, piffissaq sillimmasiissutip atorunnaarfissaa nallertinnagu tunniunneqartut akileraarusigassaangillat. Piffissalli atorunnaarfissap sillimmaserneqartup 80-inik ukioqalernerata kingorna ullormit policep atuuffianit siullermit kingusinnerunnginnissaa piumasagaataavoq.

§ 34, nr. 18-imut 19-imullu siunnersuutit nutaajupput.

Innarluuteqalernermi taarsiissutit ingerlaavartumik tunniunneqartartut aamma navianartumik nappaateqalernermi ataatsikkut tunniunneqartut, sillimmasiinermit akiliutit ilanngaatineqarsinnaanerata imaluunniit sulisitsisup akileeqataassutaasa ilanngunneqartussaanginnerat tamakkiisumik ilaannakuusumilluunniit atuutsinneqarsimanngitsoq uppersarsarneqarsinnaappat akileraaruserneqannginnissaat siunnersuutaavoq.

Taakku marluk soraarnerussutisiaqarnissamut aaqqissuussinernut, soraarnerussutisiaqarnissamut aningaasaateqarfinni imaluunniit inuunermut soraarnerussutisiaqarnissamullu sillimmasiisarfinni Kalaallit Nunaanni angerlarsimaffeqanngitsunut akiliutit ilanngaatineqarsinnaanerisa sulisitsisulluunniit akileeqataassutaasa ilanngunneqartussaanginnerisa atorunnaarsinneqarnerat pissutigalugu ilanngunneqarput.

Innarluuteqalernissamut sillimmasiineq sillimmasiissutaavoq, sillimmasertoq nappaammik ajoqusermilluunniit pissuteqartumik inuussutissarsiorsinnaanerminik annaasaqassagaluarpat, tassa imaappoq inuussutissarsiummi akissarsiortutut aningaasarsiorsinnaajunnaassagaluarpat aningaasanik tunniussa qarfiusussaq.

Navianartumik nappaateqalernissamut sillimmasiineq sillimmaseriaasiuvoq sillimmaserneqartoq piffissap sillimmaserneqarfiusup iluani nappaateqalissagaluarpat, soorlu kræftilerluni qaratsamigulluunniit aanaartoorluni, aningaasanik siumut isumaqatigiissutaareersunit tunniussa qarfiusussaq. Nappaatit pineqartut pineqartup sillimmaserneqarnerani piumasagaatini allasimassapput.

#### Nr. 2-mut

Soraarnerussutisiaqarnissamut aaqqissuussinernut akiliutit ilanngaatigineqarsinnaassappata akiliutit soraarnerussutisiaqarnissamut aningaasaateqarfimmi imaluunniit inuunermut soraarnerussutisiaqarnissamullu sillimmasiisarfimmi Kalaallit Nunaanni angerlarsimaffeqartumi pilersinneqarsimanissaat piumasaqaataassasoq siunnersuummi allassimavoq. Tassa imaappoq aaqqissuussinernut aningaasaateqarfinni imaluunniit inuunermut soraarnerussutisiaqarnissamullu sillimmasiisarfimmi Kalaallit Nunaanni angerlarsimaffeqanngitsuni pilersinneqarsimasunut akiliutit ilanngaatigineqarsinnaassanngillat.

#### Nr. 3-mut

§ 39 a-p nutaap, tak. Inatsisissatut siunnersuummi nr. 7, soraarnerussutisiaqarnissamut aaqqissuussinernut, soraarnerussutisianik akileraarusiisarneq pillugu inatsimmi § 53 A-mi pineqartunut akiliisoqarsinnaalernissaa aammaappaa. Aalajangersagaq atuuttoq taamaalilluni pisari-aarutissaaq.

#### Nr. 4-mut

Inooqatigisap § 39, imm. 1, nr. 4-mi nassuiarneqarnerata soraarnerussutisianik akileraarusiisarneq pillugu inatsimmi § 2, imm. 1, nr. 4, litra e-mi nassuiaanermut naapertuuttunngortinneqarnissaa siunnersuutaavoq. Tamanna soraarnerussutisiaqarnissamut aaqqissuussinerit nunat-sinniittut allaffissornikkut isumagineqarneranni suliakkersuutininik millisitseqataassaaq.

#### Nr. 5-imut

Sillimmasiineq sulisuusup taassumalu sulisitsisuata isumaqatigiissuteqarnerat tunngavigalugu pilersinneqarsimappat, aammalu akiliutit akileeqaataassutillu sulisitsisumit akilernerqartarpata, taava sulisuusup sillimmasigaanissaata sillimmasiissummillu piginnittuunissaata erseqqissarneqarnissaa siunnersuutaavoq.

#### Nr. 6-imut

Ukiumut ingerlaavartumik tunniunneqartartussat qanoq amerlatigigaangata ataasiaannartumik tunniunneqarsinnaanerannut killiliussap akileraarutit ilanngaatigineqartinnagit 6.000 kr.-iniit 8.000 kr.-inut qaffanneqarnissaa siunnersuutaavoq. Killiliussap 2001-imili allanngortinneqarsimannginnera tassunga pissutaavoq.

#### Nr. 7-imut

##### Imm. 1-imut

Aaqqissuussinermut akiliutaasartut ilanngaatigineqarsinnaanerat sulisitsisulluunniit akileeqaataassutaasa ilanngunneqartussaannginnerat Danmarkimi, Savalimmiuni Kalaallilluunniit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuu-

sumilluunniit atuutsinneqarsimangitsoq soraarnerussutisiaqarsinnaatitaasup sillimmasiisulluunniit uppersarsinnaappagu, soraarnerussutisiaqarnissamut inuunermulluunniit silimmasiineramik aaqqissuussinermit ingerlaavartumik, toqunikkut unittussamik tunniunneqartartut aningaasarsiat akileraaruteqaataasussat naatsorsorneranni ilanngunneqannginnissaat siunner-suutaavoq.

Imm. 2-mut

Akileraarusiinnginnissamissaaq piunasaqaataapput:

- aaqqissuussinerup soraarnerussutisiaqarnissamut aningaasaateqarfimmi, sillimmasiisarneq pillugu inatsimmi pineqartunut ilaasumi imaluunniit inuunermut soraarnerussutisiaqarnissamullu sillimmasiisarfimmi, Finanstilsynimit akuersissummik peqarluni sillimmasiisarnermik ingerlatsisumi pilersinneqarsimanissaa,
- tunniunneqartussat piginnittumut namminermt, taassuma aappaanut inooqataanulluunniit, aappaanut avissimasaanut taassumaluunniit kingornussisusnaanut 24-nik uki-oqalersimangitsunut imaluunniit piginnittup kingornussisusnaanut, qitornasaanut qitornassaasaluunniit kingornussisusnaanut 24-nik ukioqalersimangitsunut tunniunneqartussaanissaat,
- utoqqalineq pissutigalugu soraarnerussutisiat piginnittup siusinnerpaamik 60-inik uki-oqalernerani tunniunneqartalissapput, ukiukinnerunissaq akileraaruseriffimmit akuersissutigineqarsimangippat imaluunniit tunniunneqarnerat piginnittup toquneranik pissuteqarpat,
- utoqqalineq pissutigalugu soraarnerussutisiat ilaat toqussaq tikillugu tunniunneqartartussaappata ilassutitullu ilaat toqussaq tikillugu tunniunneqartartussanngippata, taava ilassutitut ilaannit tunniunneqartartussat, toqussaq tikillugu tunniunneqartartussat 50 procentiinit amerlanerussanngillat.

Piunasaqaatit tamaasa eqquutsinneqarpata tunniussineq akileraaruteqaataangitsumik pisinnaavoq. Piunasaqaatilli ilaat ataaseq arlaqartulluunniit eqquutsinneqanngippata tunniussineq akileraaruteqaataassaaq. Soorlu tjenestemandit soraarnerussutisiaasa akileraaruteqaataasussaanerat atuutiinnassaaq.

Imm. 2, nr. 1-imiit 6-imut, inatsimmi atuuttumi § 39, imm. 1, nr. 1-imiit 6-imut pingaarnertigut assigaat, taamaallaat oqaasertaat ataasiakkaatigut allanngortinneqarlutik aammalu taagutip inooqatigisap § 39 a, imm. 2, nr. 4-miittup nassuiarneqarnera allanngortinneqarpoq, soraarnerussutisianik akileraarusiisarneq pillugu inatsimmi § 2, imm. 1, nr. 4, litra e-mi nassuiarneqarneranut naapertuuttunngorlugu.

Soraarnerussutisiaqarnissamut aaqqissuussinermt toqussaq tikillugu, toqunikkut unittussamik tunniussaqaqrfiusartumut atasumik ileqqaakkat isumannaarneqarnissaannik pinngitsoora-

tillu tunniunneqarnissaannik sillimmasiinermik pilersitsisoqarsimanerata kingunerisaanik tunniunneqartut, soraarnerussutisiaqarnissamut aaqqissuussinerup, sillimmasiinerup attuumassuteqarfigisaata akileraartarnikkut pineqarneratuulli pineqassapput. Sillimmasiineq soraarnerussutisiaqarnissamut aaqqissuussinermut ilanngaaticigineqarsinnaasumut, tak. inatsimmi § 39 aamma § 40, atasumik pilersinneqarsimappat tunniunneqartut pissarsisumut akileraaruteqaataassapput. Sillimmasiinerli soraarnerussutisiaqarnissamut aaqqissuussinermut ilanngaaticigineqarsinnaanngitsumut atasumik pilersinneqarsimappat tunniunneqartut pissarsisumut akileraaruteqaataassanngillat.

#### Imm. 3-mut

Inuunermut sillimmasiinerli sillimmasiisoq sillimmasigaallunilu sillimmasiissummik piginnittuussaaq. Sillimmasiineq sulisuusup taassumalu sulisitsisuata isumaqatigiissuteqarnerat tunngavigalugu pilersinneqarsimappat, aammalu akiliutit akileeqataassutillu sulisitsisumit akilerneqartarpata, taava sulisuusoq sillimmasigaassaaq sillimmasiissummillu piginnittuussalluni.

#### Imm. 4-mut

Soraarnerussutisianik pissarsisup soraarnerussutisiaasa ilaat, aningaasat akileraarusigaasut atorlugit akiliuteqarfiusimasutut soraarnerussutisiaqartup uppersarsinnaasai kisimik akileraaruteqaataassanngillat. Akileraaruteqaataasussat aamma akileraaruteqaataasussaannngitsut qanoq agguataarneqarnerat soraarnerussutisianik pissarsisup uppersarsinnaanngippagu soraarnerussutisianit isertitat tamarmiusut akileraaruserneqassapput.

Soraarnerussutisiaqarnissamut aaqqissuussinermut, aningaasat akileraarusigaasut atorlugit taamatullu aamma aningaasat akileraarusigaanngitsut atorlugit akiliutit amerlassusii uppersarneqarsinnaappata, aningaasat akileraarusigaasut atorlugit akiliutinut tunngasut iluanaaruti-taat, erniaat assigisaalluunniit ilanngunneqassanngillat.

Soraarnerussutisianik pissarsisut, aningaasat akileraarusigaasut atorlugit siunissami akiliutaa-sartussat uppersaatisaannik pisariaqartunik saqqummiussassaqaarnissaannut ikiorumallugit akileraaruseriffik aaqqissuussinermik atuutilersitsiniarpoq, sulisitsisut sulisuminnut tunngatil-lugu soraarnerussutisiaqarnissamut akiliutit pillugit akileraaruseriffimmut nalunaaruteqartus-saanerannik imaqartumik. Nalunaarutit akileraaruseriffiup aallarniutitut nalunaarsussavai, ilaatigullu atorsinnaallugit paasissutissat nalunaarsorneqartut taakku pillugit pappialanngorlugit akileraartartunut nassiussuinissamut. Naatsorsuutigineqarporli, akileraaruserinerli ingerlatsisut sullissinerli ilaatillugu, nammineq isumaqatigiissuteqarnikkut pilersinneqarsimasuni soraarnerussutisiaqarnissamut aaqqiissutinut akiliinerli ingerlaavartumik akuersissutinik nalunaarsuinernillu suliaqarnissamik neqeroortassat.

Nalunaarsorneqartussanut ilaassanngillat soraarnerussutisiaqarnissamut aaqqissuussinernut akiliuteqartarnissaq pillugu nammineerluni isumaqatigiissusiornerit, taamaammat akileraartartut taamaattunut tunngatillugu uppersaatissat pisariallit toqqortarisussaassavaat. Akileraartartut kikkut soraarnerussutisiaqarnissamut aaqqissuussinernik siunnersuummi § 39 a-mi, tak. siunnersuummi nr. 7, piunasaqaatinik naammassinnittunik ullumikkut peqareer-nersut akileraaruseriffiup ilisimanngilaa. Taamaammat akileraartartut taakku aamma aaqqissuussinernit taamaattut pillugit uppersaatit pisariallit toqqortarisussaassavaat.

#### Imm. 5-imut

Tunniunneqartartut toqqussaq tikillugu tunniunneqartussaanerannik piunasaqaammik avaq-qutsisinnaaneq imm. 5-imi periarfissinneqarpoq. Soraarnerussutisiaqarnissamut aaqqissuussineq atorfinitsitaanermut atatillugu pilersinneqarsimappat, aammalu ingerlaavartumik, toqunikkut unittussamik tunniunneqartartussat ukiumut 5.000 kr.-it qaangersimangippatigit tunniunneqartussat ataasiaannartumik tunniunneqarsinnaapput. Soraarnerussutisiaqarnissamut aaqqissuussinernit aningaasartakitsut allaffissornermi aningaasartuutaanissaannik killilersimaa-rinnissinnaaneq tassani eqqarsaataavoq.

#### Imm. 6-imut

Aamma aningaasat, soraarnerussutisiaqarnissamut aaqqissuussinernit atorfinitsitaanermut atatillugu pilersinneqarsimasumit aammalu soraarnerussutisiaqarnissamut aningaasaateqar-fimmi imaluunniit inuunermut soraarnerussutisiaqarnissamullu sillimmasiisarfimmi Kalaallit Nunaanni angerlarsimaffeqartumi pilersinneqarsimasumit tunniunneqartartut ukiuni marlunni tunniunneqartartussat amerlaqataasa ataasiaannartumik tunniunneqarsinnaanerannik periarfis-sap atuuttup aaqqissuussinernut § 39 a-mi, tak. siunnersuummi nr. 7, pineqartunut aamma-taaq atuunnissaa siunnersuutaavoq.

#### Imm. 7-imut

Naalakkersuisut soraarnerussutisianik akileraaruteqaataasussaannngitsunik tunniussisarneq pil-lugu maleruagassanik erseqqinnerusunik aalajangersaanissamut piginnaatinneqarnissaat siun-nersuutaavoq. Uppersaatissat suut saqqummiunneqartussaanerannik piunasaqaatit Naalak-kersuisut ilaatigut aalajangersarsinnaassavaat.

#### Nr. 8-mut

Inuit aningaasarsiamik akileraaruteqaataasussat naatsorsorneranni soraarnerussutisiaqarnissa-mut aaqqissuussinernit tunniunneqartunik ilanngussisussaannngitsut, ernianut ilanngaattissat aningaasarsianit akileraaruteqaataasussanit tamakkiisumik ilanngaatigisinnaanngikkunik, ilanngaattissap atunngitsuukkap akileraarutitigut nalingata tunniunneqarnissaa aalajangersima-sunik piunasaqaatinik naammassinnikkunik qinnutigisinnaassagaat siunnersuutaavoq.



Piomasagaatilli makku naammasineqarsimassapput:

Siulleq tassaavoq ernianut aningaasartuutit illuummik Kalaallit Nunaanniittumik pisinermit ingerlatsinermulluunniit tunngasuunissaat. Tullia tassaavoq taarsigassarsiat illuummik taassuminnga qularnaveeqqusigaasimanissaat. Pingajuat tassaavoq inuup illuut pineqartoq najugaqarfiggissagaa, sisamaallu tassaalluni ilanngaat aappaasumut inooqatigisamut § 4 d, imm. 2 naapertorlugu nuunneqarsinnaassanngitsaq.

Imm. 1 naapertorlugu tunniussineq qaammammut kingumoortumik pissaaq. Ukiumut aningaasarsiorfiusumut, ernianut ilanngaatit attuumassuteqarfigisaannut inaarummik naatsorsuinerup nassiuunneqarnera ilutigalugu, kingusinnerpaamillu ukiumi, ukiup aningaasarsiorfiup tulliani ulloq 1. september, akileraaruseriffiup tunniunneqartut imm. 1-imi taaneqartut naatsorsorsussavai nikingassutaajunnartullu tunniutissallugit akiligassiissutigissallugilluunniit.

Nr. 9-mut

Sillimmasiisummut akiliutip ilaata qanoq angitigisup tunniunneqartussanik qulakkeerinermit pinngitsooratillu tunniunneqarnissaannut sillimmasiinermit atorineqarsinnaaneramik annerpaaffissaliinissaq siunnersuutaavoq. Akiliutit soraarnerussutisiaqarnissamut ileqqaarnermut pingaarnertut atugassaanerat aalajangersakkami taparserneqarpoq.

Sillimmaserneqartup sillimmasiisarneq pillugu inatsisip paasineqartarneratuut “qaniginerpaasa” imaluunniit sillimmaserneqartumut aappaasup imaluunniit aappaasup avissimasap, sillimmaserneqartup kingornussisussaasa, qitornassaasa imaluunniit qitornassaasa kingornussisussaasa imaluunniit inuup aqqatigut taaneqartup, pisassanngortitsinerup nalaani sillimmaserneqartumik najugaqateqartup taassumaluunniit kingornussisussaasa saniatigut allanik police-mi ilanngussisoqarsimannginnissaa piomasagaataavoq.

Annerpaaffissamik qaangiisoqarpat imaluunniit inuit pineqartut saniatigut allanik ilanngussisoqarpat soraarnerussutisiaqarnissamut aqqissuussineq § 39-mi, § 39 a-mit § 40-miluunniit pineqartunut ilaannngitsutut isigineqassaaq, taavalu akiliutit, iluanaarutit tunniunneqartullu malleruagassat ileqqaakkanut taamaattunut atuuttut naapertorlugit akileraaruserneqassallutik.

Nr. 10-imut

Akissarsiatigut aningaasarsiat tamarmiusut ilaat qanoq amerlatigisut, ilanngaatigisinnaallugit imaluunniit sulisitsisut akileeqataassutaat ilannguttusnaanagit soraarnerussutisiaqarnissamut ileqqaakkanut ileqqaarneqarsinnaanerannut maannamut killiliussap 15 procentiusup 20 procentimut qaffanneqarnissaa siunnersuutaavoq.

Aalajangersagaq aamma § 41-mik atuuttumik ingerlatitseqqinneruvoq.

Nr. 11-mut

§ 43, imm. 4-p atuuttup atorunnaarsinneqarnissaa siunnersuutaavoq, aaqqissuussinermi maanna atorneqarunnaarpoq.

Pisortani atorfillit soraarnerussutisiaqarnissamut aaqqissuussinerannut naafferartumik akilersuiffiusunut il.il. sulisitsisup akileeqataassutai, aalajangersagaq atuuttoq malillugu ilanngunneqassanngillat, aaqqissuussineq atorfeqartup pinngitsoorani pilersitassarippagu aammalu akileraartussaataalerneq sioqqullugu pilersinneqarsimappat.

Allanguinerit kingunerisaannik aalajangersakkami imm. 3-p § 44, imm. 2, nr. 2-mut, tak. siunnersuummi immikkoortoq 6, aamma imm. 5-p § 46, imm. 4-mut, tak. siunnersuummi immikkoortoq 10, nuunneqarnissaat siunnersuutaavoq.

Nr. 12-imut

Aalajangersakkami imm. 1 aamma 3 inatsimmi atuuttumi § 44, imm. 1-imik tunngaveqarput, imm. 2 inatsimmi atuuttumi § 43, imm. 3-imik aamma § 44, imm. 3-mik 5-imillu tunngaveqartoq.

Imm. 1-imut

Aalajangersakkap kinguneraa inuunermut sillimmasiinerit soraarnerussutisiaqarnissamullu aaqqissuussinerit ukiumoortumik iluanaarutitaasa akileraaruteqaataasussaaneri.

Imm. 2-mut

Aaqqissuussinerilli ilaat iluanaarutinit akileraaruserneqartussanut ilaannginnissaat siunnersuutaavoq.

Nr. 1-imut

Taakku tassaapput soraarnerussutisiaqarnissamut inuunermullu sillimmasiinerimut aaqqissuussinerit § 39, imm. 1-imi, § 39 a, imm. 1-imi 2-milu pineqartut, tak. siunnersuummi immikkoortoq 3, aamma § 40, imm. 1.

Nr. 2-mut

Tamanna aamma atuuppoq soraarnerussutisiaqarnissamut aaqqissuussinernut danskit aningaaseriviini assigisaannilu pilersinneqarsimasunut kiisalu Lønmodtagernes Dyrtdsfondimi uninngasuutitut ernialinneqartunut. Tamakku ilaatigut tassaapput soraarnerussutisiaqarnissaq siunertaralugu naafferartumik ileqqaakkat naafferartumik tunniunneqartussat, ileqqaakkat akit nikerarneri najoqqutaralugit iluarsineqartartut, soraarnerussutisiaqarnissaq siunertaralugu ileqqaakkat (ataatsikkut akiliiffiusartut) aamma soraarninngornissamut nammineerluni ileqqaarnissamik aaqqissuussinerit kiisalu Lønmodtagernes Dyrtdsfondimi uninngasuutit.

Aalajangersakkami taamaallaat pineqarput danskit aningaaseriviini, soraarnerussutisiaqarnisamat aningaasaateqarfiini assigisaannilu aaqqissuussinerit, danskit akileraartarnermi akitsuusisarnermilu maleruagassaanni pineqartut.

Nr. 3-mut

Ilaanngillattaaq soraarnerussutisiaqarnissaq siunertaralugu naafferartumik akilersuilluni sillimasiinerit, sillimasiinerit akit nikerarneri najoqqutaralugit iluarsineqartartut, ileqqaakkat akit nikerarneri najoqqutaralugit iluarsineqartartut, ataatsikkut akiliilluni sillimasiinerit aamma ataatsikkut akiliilluni ileqqaakkat, soraarnerussutisiaqarnissamat aaqqissuussinerit il.il. akileraaruserneqartarnerat pillugu inatsimmi kapitali 1-imi pineqartut iluanaarutitaat.

Nr. 4-mut

Taamatuttaaq aamma sillimasiinerit sillimmasersimanagerup naaffissaatut isumaqatigiissutigineqarsimasoq nallertinnagu sillimmasertup toquneratigut imaluunniit innarluuteqalerneratigut aatsaat tunniunneqartartut, assersuutigalugu ataatsimoortunut inuunermik sillimasiinerit iluanaarutitaat akileraaruserneqartussanut ilaanngillat. Taamaattorli piumasaqaataavoq sillimasiinerup atorunnaarfissaatut isumaqatigiissutigineqartoq sillimmasersimasup 80-inik ukioqalernerata kingorna ullormit policep atuuffianit siullermit kingusinnerussanngitsoq.

Imm. 3-mut

Iluanaarutit taakku sillimasiinerup, ukiup aningaasarsiorfiup naanerani aningaasanngorlugu nalingata ukiup ingerlanerani tunniunneqarsimasunik taperneqartup aammalu sillimasiinerup, ukiup aningaasarsiorfiup aallartinnerani aningaasanngorlugu nalingata ukiup ingerlanerani akiliutaasimasunik taperneqartup assigiinngissutaattut naatsorsorneqassapput.

Iluanaarutit akileraarutitigut naatsorsorneqartut amerlaqatiginngilaat sillimasiisarfiit aaqqissuussinernut iluanaarutigititaat. Tassunga pissutaavoq akiliutit tunniunneqartullu iluanaarutit akileraarutitigut naatsorsuineri ilaanerat. Iluanaarutini naatsorsuinerup kinguneraa aaqqissuussinermi ileqqaagaqarfiutigaluni nalorninartortaqtumit, sillimmasigaanerup piviusunngornerani tunniunneqartussanngortut aammattaaq akileraarusigassaanerat.

Ukiup aningaasarsiorfiup aallartinnerani naanerani luunniit aningaasanngorlugu nalilinnik imaqaanngippat, assersuutigalugu sillimasiinerup naaneratigut atorunnaarsinneratigulluunniit, taava iluanaarutit naatsorsorneqassapput tunniunneqartut akiliutigineqartullu nikingassutaattut.

Sillimasiinerup aningaasatigut nalingi tassaapput selskabip sillimmasertumut maannakkorpiaq siunissamilu pisussaaffiisa ajunngitsorsianik agguanneqartunik ilaneqartut ullumikkut

nalingisa, aamma akiliutissat sillimmasertup siunissami akilersugassaasa ullumikkut nalingisa nikingassutaat.

Soraarnerussutisiaqarnissamut aqqissuussineq inuunermut sillimmasiisarfimmi Danmarkimiittuunngitsumi pilersinneqarsimappat aningaasanngorlugu nalinga, danskit inuunermut sillimmasiisarfiini aqqissussinernut tunngatillugu naatsorsuisarnertut naatsorsorneqassaaq. Qulaani taaneqartut aningaasanngorlugit nalingi sillimmasiisarfiit Danmarkimiittuunngitsut ukiut tamaasa naatsorsortanngippatigit akileraaruseriffik naliliinermigut aningaasanngorlugit nalinginik amerlassusiliinissaminut pisinnaatitaavoq.

Akileraartussaataaneq ukiup aningaasarsiorfiusup ingerlanerani atuutilersimappat atuukkunaarsimappalluunniit sillimmasiinerup aningaasanngorlugu nalinga piffissaq taanna aallarnerfigalugu atuutilissaaq, 1. januarimi imaluunniit 31. decemberimi aningaasanngorlugu nalinik naatsorsuinerup taarsiullugu.

#### Imm. 4-mut

Iluanaarutit ukiumi aningaasarsiorfiusumi minusiuppata amigartoorutit ukiumi aningaasarsiorfiusumi aningaasarsianit minusiunngitsunit allanit ilanngaatigineqarsinnaanngillat, kisianni li § 30, imm. 1-imi maleruagassat naapertorlugit ukiup tulliini iluanaarutinit taamaallaat ilanngaatigineqarsinnaallutik. Taamaammat iluanaarutit minusiusut sillimmasiinerup allami iluanaarutinit ilanngaatigineqarsinnaanngillat.

#### Imm. 5-imut

Nutaatut siunnersuutaavoq ingerlaavartumik iluanaarutit akileraarutaannik matussutissatut tunniunneqartut aningaasarsiat akileraaruteqaataasussat naatsorsorneranni ilanngunneqassanngitsut, tunniussineq kingusinnerpaamik ukiumi, ukiup iluanaarutit pisassanngorfiisa tulliani pippat. Iluanaarutinit akileraarusiinerup inunntut ataasiakkaanut aningaasaqarniarnikkut nammakkersuutaaneraniq millisitsinissaq aalajangersakkap siunertaraa.

#### Imm. 6-imut

Iluanaarutit nalunaarutigineqartarnerat aamma akileraarutitaasa akilerneqartarnerat pillugit maleruagassanik erseqqinnerusunik Naalakkersuisut aalajangersaanissamut piginnaatinneqarnissaat aammattaaq siunnersuutaavoq.

#### Nr. 13-imut

#### Imm. 1-imut

Aalajangersagaq akileraartarnermi inatsimmi atuuttumi § 45, imm. 1-imik tunngaveqarpoq, taamaattorli soraarnerussutisiaqarnissamut aaqqissuussinernut akiliutit akileraaruserneqartarnerannik siuartitsinerup kingunerisaanik allannguuteqartinneqarluni.

Aalajangersakkap kinguneraa ilaatigut akileraarutitaqanngitsumik, soraarnerussutisiaqarnissamut aaqqissuussinermut sillimmasiinermilluunniit aningaasanik soraarnerussutisiaqarnissamut aaqqissuussinermut sillimmasiinermilluunniit allamut, inuup taassumarpiaap pianut nuussisoqarsinnaasoq, aatsaalli aaqqissuussineq tamaat nuunneqarpat, nuussinerlu soraarnerussutisiaqarnissamut aningaasaateqarfiit aamma inuunermut soraarnerussutisiaqarnissamullu sillimmasiisarfiit Kalaallit Nunaanni angerlarsimaffeqartut akornanni pippat.

Taamatut nuussineq pisinnaappat aningaasat nuunneqartut aaqqissuussinerup aappaanit tunniunneqartutut aappaanulluunniit akilernerqartutut isigineqassanngillat. Tassa imaappoq nuussinermi aningaasat nuunneqartut akileraaruserneqartussaassanatilluunniit akitsuuserneqartussaassanngillat imaluunniit ilanngaatigineqarsinnaassanatik.

Akileraaruteqaataasussaannngitsumik nuussinerit pisinnaapput

1. soraarnerussutisiaqarnissamut imaluunniit inuunermut sillimmasiinermik aaqqissuussinerit ingerlaavartumik, toqunikkut unittussamik tunniussa qarfiusartussat § 39-mi pineqartunut ilaasut akornanni,
2. soraarnerussutisiaqarnissamut inuunermilluunniit sillimmasiinermik aaqqissuussinerit ingerlaavartumik, toqunikut unittussamik tunniussa qarfiusartussanit § 39 a-mi pineqartuniit soraarnerussutisiaqarnissamut inuunermilluunniit sillimmasiinermik aaqqissuussinernut ingerlaavartumik, toqunikkut unittussamik tunniussa qarfiusartussanut § 39 a-mi pineqartunut,
3. sillimmasiinerit naafferartumik akilersuiffiusut § 40-mi pineqartunut ilaasut akornanni, aamma
4. soraarnerussutisiaqarnissamut naafferartumik akilersuilluni sillimmasiissutiniit, tak. § 40, soraarnerussutisiaqarnissamut inuunermullu sillimmasiinernut § 39-mi pineqartunut.

Ilaatigut akileraaruserneqartussaapput soraarnerussutisiaqarnissamut inuunermilluunniit sillimmasiinermik aaqqissuussinermut ingerlaavartumik, toqunikkut unittussamik tunniussa qarfiusartussamiit soraarnerussutisiaqarnissamut naafferartumik akilersuiffiusumut, imaluunniit soraarnerussutisiaqarnissamut inuunermilluunniit sillimmasiinermik aaqqissuussinermut ingerlaavartumik, toqunikkut unittussamik tunniussa qarfiusartussamit § 39-mi pineqartumiit soraarnerussutisiaqarnissamut inuunermilluunniit sillimmasiinermik aaqqissuussinermut

ingerlaavartumik, toqunikkut unittussamik tunniussaqarfiusartussamut § 39 a-mi pineqartumut nuussinerit. Taamaattoqartillugu piffissaq suli nallinngitsoq atorunnaarsitsineq pillugu maleruagassat § 46-miittut taamatuttaa atuatissapput.

#### Imm. 2-mut

Aalajangersakkap kinguneraa ilaatigut akileraarutitaqanngitsumik, soraarnerussutisiaqarnissamut aaqqissuussinermut sillimmasiinermilluunniit aningaasanik soraarnerussutisiaqarnissamut aaqqissuussinermut sillimmasiinermulluunniit allamut, inuup taassumarpiaap pianut nuussisoqarsinnaasoq, aatsaalli aaqqissuussineq tamaat nuunneqarpat, nuussinerlu soraarnerussutisiaqarnissamut aningaasaateqarfiit aamma inuunermut soraarnerussutisiaqarnissamullu sillimmasiisarfiit Kalaallit Nunaanni angerlarsimaffeqaanngittut akornanni pippat. Akileraarutitaqanngitsumik nuussisinaanermut piunasaqaataavoq, soraarnerussutisiaqarnermut aningaasaateqarfimmi, sillimmasiisarnermut suliffeqarfimmi imaluunniit inuunermut aamma soraarnerussutisiaqarnermut sillimmasiisarfiimmi, § 39 aamma § 39 a naapertorlugit sillimmasiisarnermut suliffeqarfimmik ingerlatsisinaanermut Finanstilsyn-ip akuersissuteqarneratigut inatsimmut ilaasuni aaqqissuussineq pilersinneqarsimassasoq.

#### Imm. 3-mut

Akileraartussaataalerneq akitsuummilluunniit akiliisussaataalerneq nuussineq sioqqullugu atuutilersimassanngilaq. Taamaassimappat aningaasat nuunneqartut aningaasarsianik akileraarusiinermit ilanngunneqassapput imaluunniit § 46 naapertorlugu akitsuuserneqassallutik.

#### Nr. 14-imut

Aalajangersagaq akileraartarnermit inatsimmi atuuttumi § 46, imm. 1-imik, 3-mik, 4-mik aamma § 43, imm. 5-imik tunngaveqarpoq.

#### Imm. 1-imut

Soraarnerussutisiaqarnissamut aaqqissuussinernik imaluunniit inuunermut sillimmasiinernik atorunnaarsitsinermit akitsuutip 45 procentiniit 55 procentinut qaffanneqarnissaa siunnersuutaavoq. Soraarnerussutisiaqarnissamut aaqqissuussinernut, aningaasat akileraarusigaasat atorlugit akilerneqarsimasunut akitsuutip 10 procentiunissaa siunnersuutaavoq.

Soraarnerussutisiaqarnissamut aaqqissuussinerit inuunermullu sillimmasiinerit soraarnerussutisianik akileraarusiisarneq pillugu inatsimmi immikkoortoq 1-imi taaneqartut taamatullu aamma soraarnerussutisiaqarnissamut aaqqissuussinerit inuunermullu sillimmasiinerit soraarnerussutisianik akileraarusiisarneq pillugu inatsimmi § 53 A-mi taaneqartut aalajangersakkami pineqarput. Aamma pineqarput soraarnerussutisiaqarnissamut aaqqissuussinerit Danmark-ip, Savalimmiut Kalaallillu Nunaata avataanni pilersinneqarsimasut, soorluttaaq soraarnerus-

sutisiaqarnissamut aaqqissuussinernut Danmarkimi, Savalimmiuni Kalaallilluunniit Nunaanni pilersinneqarsimasunut nunanit allaniit akiliutit aalajangersakkami pineqartut.

Soraarnerussutisiaqarnissamut aaqqissuussinermut piffissaq suli nallinngitsoq atorunnaarsinneqartumit tunniussinermi aningaasat tunniunneqartut akitsuutaat 55 pct.-iusoq akilerneqassaaq. Aaqqissuussinermulli akiliutaasarsimasut aningaasarsiat akileraaruteqaataasussat naatsorsorneranni ilanngaatigineqarsinnaanerit sulisitsisulluunniit akileeqataassutaasa ilanngunneqartussaanginnerat atuutsinneqarsimanngitsoq uppernarsarneqarsinnaappat tamanna atuutissanngilaq. Taamaattoqarsimappat akitsuut 10 procentiusoq landskarsimut akilerneqassaaq.

Soraarnerussutisiaqarnissamut aaqqissuussinermut akiliutit aningaasat akileraaruserneqarsimasut akileraaruserneqarsimanngitsullu atorlugit akilerneqarsimappata, taakku ilaat aningaasat akileraaruserneqarsimanngitsut atorlugit akilerneqarsimasunut tunngasut 55 procentimik akitsuuserneqassappat, ilaallu aningaasat akileraaruserneqarsimasut atorlugit akilerneqarsimasunut tunngasut 10 procentimik akitsuuserneqassallutik.

Maanaannakkut tunniussinerit tassaapput ukiut soraarninngorfissat suli nallinngitsut soraarnerussutisiaqarnissamut aaqqissuussinermut inuunermulluunniit sillimmasiinnermit piginnittumut tunniussinerit suulluunniit, aatsaalli

- tunniussineq sulisinnaassutsip ataavartumik appariaateqarneranik, piginnittup siusi-naartumik soraarnerussutisiaqalernissaanik kinguneqartumik pissuteqanngippat,
- piginnittoq inuunermut navianartumik nappaateqartoq paasineqanngippat,
- piginnittoq innarluuteqalernermut taarsiissutinik tunineqanngippat, imaluunniit
- tunniussineq piginnittup toqunerata kingorna pinngippat.

Siunnersuut akitsuutip 45-miit 55 procentimut 10 procentinik qaffanneqarneranik kinguneqassaaq. Tassuunakkut eqqarsaatigineqarpoq kommunit ilaanni kommunimut akileraarutit procentiisa maanna 45 procentiuneri. Qaffaanerup 10 procentiunissaanut tunngavigineqarpoq soraarnerussutisiaqarnissamut ileqqaakkat ilaasa, aningaasat akileraaruserneqarsimasut atorlugit akiliuteqarfiusarsimasut akitsuutaasa angissusiat. Soraarnerussutisiaqarnissamut aaqqissuussinernit piffissaq soraarninngorfissaq tikillugu piginnarneqarnissaat soraarninngornissaminnut ileqqaartunut ataasiakkaanut inuiaqatigiinnullu arlaqartunik pitsaaquteqarmat piffissaq suli nallinngitsoq atorunnaarsitsinermi akitsuutip procentia akileraarutit procentianit qaffasinninngortinneqarpoq, soraarnerussutisiaqarnissamut aaqqissuussinernit piffissaq suli nallinngitsoq atorunnaarsinneqartannginnissaat orniginartunngortinniarlugu.

Imm. 2-mut

Aamma soraarnerussutisiaqarnissamut aaqqissuussinermik tunniussineq allatulluunniit pigissanngortitsilluni qularnaveeqqusiussilluniluunniit tunniussineq imaluunniit allanik aaqqis-

suussinerup soraarnerussutisiaqarnissaq siunertaralugu aaqqissuussineruneranik eqqortitsiunnaarnermik kinguneqartumik iliuuseqarnej akitsuummik akiliisussanngornermik kinguneqassaaq. Taamaattoqarpat akitsuut, aningaasat iliuuseqarnerup nalaani aaqqissuussineq atorunnaarsinneqartuuppat tunniunneqarsimasinnaagaluartunit, imaluunniit fripolicep taassumaluunniit assigisaasa aningaasanngorlugit nalingannit naatsorsorneqassaaq.

Akitsuut pineqartup aningaasarsiai apeqqutaatinnagit pinngitsoorani akilerneqassaaq, aamma pineqartup aningaasarsiai akileraaruteqaataasussat minusiugaluarpataluunniit.

Imm. 3-mut

Aammattaaq siunnersuutigineqarpoq aappaasup avissimasap averusersimasalluunniit soraarnerussutisiaqarnissamut aaqqissuussinerup ilaa pisassanngortinneqarsimappat, pigisarilikkani nammineerluni akileraaruteqaatigisussanngussagaa akitsuummilluunniit akiliisussanngussutigisagaa. Aappaasoq pigisarilikkaminik pisassanngortitsisinnaavoq, taamaaliorneq akileraaruteqaataasussanngoraniluunniit akitsuummik akiliisussanngornermik kinguneqanngikkaluartoq.

Imm. 4-mut

Aaqqissuussinerit soraarnerussutisianik akileraarusiisarnermik inatsimmi kapitali 1-imi pineqartunut ilaasut, danskit soraarnerussutisiaqarnissamut aningaasaateqarfiini imaluunniit danskit inuunermut soraarnerussutisiaqarnissamullu sillimmasiisarfiini pilersinneqarsimasut piffissaq suli nallinngitsoq atorunnaarsinneqarpata akitsuutit immaqalu tapiliussatut akileraarutit taamaallaat danskit naalagaaffiannut akilerneqartussaassapput. Taamaattoqartillugu marloriaammik akileraarusiisoqannginnissaa matumani eqqarsaatigineqarpoq.

Nr. 15-imut

Oqaaseqatigiit pisariaaruttutut isigineqarmata atorunnaarsinneqarnissaat siunnersuutaavoq.

Nr. 16-imut

Aalajangersakkami naatsorsuutigineqareerpoq siunissaq ungasinnerusq eqqarsaatigalugu inoqarumaartoq aningaasarsianik akileraaruteqaataasussanik, soraarnerussutisianik akileraarusiisarnermi maleruagassat allannguutissaattut siunnersuutaasut kingunerisaannik, isertitaqannginnertik pissutigalugu inummut ilanngaammik atuisinnaanngitsunik. Allannguutit ileqaagaqartunut ataasiakkaanut sapinngisamik sunniuteqannginnissaat anguniagaammat pineqartut aningaasarsiaasa ikileriaataannut taartisiaqartitsinissaq pisariaqassaaq.

Taamaammat siunnersuutaavoq inuup soraarnerussutisianik akileraaruteqaataasussaannngitsunik pissarsisartup inummut ilanngaam tamakkiisumik atorsinnaanngippagu, inummut ilanngaatip akileraarutitigut nalinga pineqartumut tunniunneqarsinnaassasoq.



Assersuut:

Procenti akileraarusiissut 42-ppat, inummut ilanngaat 48.000 kr.-iulluni aningaasarsiallu akileraaruteqaataasussat 30.000 kr.-iullutik, taava kisitsit ima naatsorsorneqarsinnaavoq:

$$30.000 - 48.000 = -18.000 \text{ kr.}$$

$$18.000 \times 42 \text{ pct.} = 7.560 \text{ kr.}$$

Aningaasalli tunniunneqartussat annerpaamik amerlaqatigisinnaavaat soraarnerussutisiaqar-nissamat aaqqissuussinernit pineqartunit tunniunneqartut amerlassusiinut, akileraartartullu aningaasarsiaasa akileraaruteqaataasussaannngitsut allat, inummut ilanngaammut ator-neqanngitsumut sanilliullugit naatsorsorneqartunut naapertuuttut.

Assersuut:

Akileraartartoq soraarnerussutisianik akileraaruteqaataasussaannngitsunik 55.000 kr.-inik pisi-mappat aammalu ineqarnermut tapiissutinik akileraaruteqaataasussaannngitsunik 20.000 kr.-inik pissarsisimappat, taava aningaasat tunniunneqartussat ima naatsorsorneqassapput:

$$55.000 + 20.000 = 75.000$$

$$55.000 : 75.000 = 73,33 \%$$

$$7.560 \text{ kr.} \times 73,33 \% = 5.543,75 \text{ kr.}$$

Aningaasat ukiumut aningaasarsiorfiusumut inummut ilanngaatip attuumassuteqarfigisaanut tunngatillugu inaarummik naatsorsuinerup nassiunneqarnera ilutigalugu tunniunneqassapput, taamaattorli kingusinnerpaamik ukiumi, ukiup aningaasarsiorfiusup tulliani ulloq 1. septem-ber. Tunniunneqartussat taamaalillutik tunniunneqarfissarilissavaat akileraarutit sippuutaasa tunniunneqarnissaannut akileraarutinullu akiliinikipallaarutit akiligassiissutigineqarnissaan-nut piffissaliussaq.

## § 2-mut

Inatsisip 1. januar 2017-imi atortuulernissaa siunnersuutaavoq.